

Ex lib: Ioan. Kandleri Monac.

BURCARDI GOTTHELFFI
STRUUVII

BIBLIOTHECA
PHILOSOPHICA

IN SUAS CLASSES

*Ad Conventum Monacensem
ord. S. P. Augustini.
1719.*



IENÆ

Apud ERN. CLAUDIVM BAILLAR

CIO MDCCVII.

Handwritten text in a script, possibly Indic, at the top of the page.




Large handwritten text in a script, possibly Indic, located in the middle of the page.

B. L.

IN publicum nunc pròdit quam
promisi *Bibliotheca Philosophi-
ca*, nec illa quidem perfecta, in
certas tamen classes distributa.
Diutius mecum hæsi, an illam
Tuis oculis subiicerem bene
consciis, quam remotus sim a vero philosophiæ
studio, in cuius contemplatione minimam vitæ
parrem insumsi, ita vt percensendis scriptoribus
philosophis iisdemque diiudicandis me parem
non adgnoscerem. Instabant tamen Auditores,
vrgebat bibliopola, vt quem cœpi cursum rei li-
terariæ, continuarem, nec in parte Philosophica
mancum esse sinerem. Adgressus itaque opus,
magis vt ordinem disponendæ bibliothecæ Philo-
sophicæ docerem, quam vt plures scriptores, prout
latus philosophiæ complexus postulare videba-
tur, recenserem. Hanc autem Bibliothecam in
nouem capita, siue sectiones generales distinxi.
Primum quidem caput agit de Scripioribus, qui
Bibliothecam Philosophicam & vitas Philoso-
phorum scripserunt. Secundum de Philosophiæ
fontibus, ad quos relati fuerunt omnes tum ex an-
tiquioribus tum recentioribus, qui fundamenta
philosophiæ iecerunt. Dictum de Platone, Ari-
stotele, Schoolasticis, Epicuræ, Scepticæ, Stoicæ,
Pythagoreæ, Ebræorum Kabbalisticæ, Paracel-
sica

sicæ Philosophiæ Scriptoribus. Sic etiam de Petro Ramo, Cartesio, eclecticis, ita ut singulorum fontes præcipuos indicarem. Tertium caput Scriptores Historiæ Philosophicæ secundum sectas suas examinat, de iisdemque agit, qui methodum studii Philosophici, systemata & controuersias Philosophicas concinnarunt. Quartum Caput Instrumentalis Philosophiæ Scriptores, logicos scilicet, Metaphysicos & Hermeneuticos considerat. Quintum caput comprehendit Scriptores Philosophiæ Theoreticæ, Physicos, pneumaticos & Theologicæ Naturalis. Progreditur Sextum caput ad Ethicos, Septimum ad Politicos. Octauum ad Scriptores Iuris naturæ & Gentium. Nonum denique Caput concludit, & Lexica Philosophica, atque miscellaneos alios scriptores exhibet. In singulis Scriptores non solum secundum sectas suas, sed etiam tractandi methodum fuerunt distincti, & non generalium solum, sed etiam potiorum materiarum specialium in quauis classe habita fuit ratio. Facile fateor, mihi omnes philosophiæ partes, maxime quæ in nudis speculationibus consistunt, non semper cordi fuisse, ut veniam rogem, sicubi errauerim. Nec enim ita mihi Suffenus sum, ut errores a me alienos putem maxime in re litteraria, quæ perfectos nondum inuenit, sed lubens eosdem profiteor, & cuiuslibet emendationi subiicio. Vale autem B. L. & si nostra non displicent, Bibliothecam Historicam propediem expecta.



CAPVT PRIMVM.

DE

SCRIPTORIBVS, QVI BIBLIOTHECAM PHILOSOPHICAM ET VITAS PHILOSOPHORVM SCRIPSERVNT.

§. I. *Philosophia complexus amplior est.* §. II. *Scriptores qui Bibliothecas philosophicas ediderunt.* §. III. *Scriptores qui vitas Philosophorum antiquiorum descripserunt.* §. IV. *Scriptores qui vitas recentiorum Philosophorum ediderunt.*

§. I.



Amplior philosophia complexus est, prout communiter illi attribui solet, ita vt in classibus suis multa comprehendat, quæ proprie ad eandem non spectant. Quo igitur ordine procedamus, hic loci nobis agendum saltem erit de scriptoribus, qui vere
A philo-

philosophici sunt, separatim acturi de bibliotheca philologica & historica, quas tamen sub communi Philosophiæ nomine alias complectuntur.

§. II.

Fuere iam olim, qui bibliothecam philosophicam tradiderunt. Prima ni fallor, est IOANNIS IACOBI FRISII *bibliotheca philosophorum classicorum chronologica*, quæ primum Tiguri prodiit 1592, 4. post libro secundo Chronici Chronicorum ecclesiastici Iani Gualteri, siue IANI GRVTERI inserta *Francofurti* 1614, 8. Scriptores autem, non philosophos tantum, sed alios etiam antiquiores, qui a primis incunabulis vsque ad seculum XVI. claruerunt, recenset, eosdemque per seriem temporum distinguit, ubi vixerint, & quid scripserint declarans. Secutus hunc fuit ISRAEL SPACHIVS, cuius *nomenclator scriptorum philosophicorum* prodiit *Argentorati* 1598, 8. qui nulla chronologiæ ratione habita, realem esse voluit catalogum suum, de scriptoribus logicis, physicis & similibus separatim agens. GEORGII DRAVDII *bibliotheca classica*, quæ *Francofurti* 1611, 4. prodiit, præter reliquas disciplinas, etiam philosophicos scriptores percenset. Sed ex catalogis Francofurtensibus est confarcinata, nec satis fidei habet. PAVLI BOLDVANI *bibliotheca philosophica Ienæ excusa* 1694, 4. Indican-

dicantur in eadem scriptores æque pro ordine
 materiarum, qui diuerſas philoſophiæ atque
 philologiæ partes illuſtrarunt, ſed nuda titu-
 lorum eſt recensio. MARTINI PIPENII
Bibliotheca realis philoſophica, Francofurti ad
Mœnum edita 1682, f. in titulos digeſta eſt, &
 quidem in eo laudem habet, vt de quauis
 materia, ſpeciali etiam, qui ſcripſerint habea-
 mus ſub quouis titulo digeſtos, ſi modo me-
 liori cum ſelectu id eſſet factum, & non quis-
 quiliæ ſæpe ſcriptorum intermixtæ. Immo
 referuntur nonnunquam ſub titulis, qui ad ali-
 os plane ſpectarent, vt facile adpareat, libris
 non inſpectis titulo ſæpius deceptum fuiſſe Li-
 penium.

§. III.

Post hos, qui bibliothecas philoſophi-
 cas dederunt, ſequuntur Biographi, & qui-
 dem primum, qui de vitis & ſcriptis antiqui-
 orum philoſophorum egerunt. Primus qui
 illud egit, eſt DIOGENES LAERTIVS, cu-
 ius *de vitis & moribus philoſophorum* tracta-
 tus græce prodiit cum verſione latina, cura
 ISAACI CASAUBONI. *Antvverpiæ 1570, 8.*
& Colonia 1615, 8. Accuratioꝛ longe eſt edi-
 tio, quæ cum interpretatione & notis Aldobran-
 dini, Stephani & Caſaubonii prodiit Londini
 1664, f. Eadem editio cum vtriuſque Caſau-
 boni atque aliorum notis, præcipue vero

doctissimis ÆGIDII MENAGII prodiit, cura MARCI MEIBOMII, *Amstelodami* 1692, 4. Hoc opus plane egregium est & fundamentum certe omnis historiæ Philosophicæ. De præcipuis enim antiquorum Philosophis, horum vita, schola, moribus & decretis agit accuratissime, ita ut non solum ad vitam, sed etiam dogmatum scriptores sit referendus. Hunc infecutus fuit EVNAPIVS SARDIANVS, cuius *de vita philosophorum & sophistarum* liber primum gr. & lat. e bibliotheca Sambuci prodiit *Antwerpiæ* 1568, 8. *Heidelbergæ* ex Gommeliniano 1595, 8. & cura ANDREÆ SHOTTI, *Antwerpiæ* 1616, 8. Videmus ab eodem descriptam vitam Plotini, Porphyrii, Iamblichi, Alipii, Ædesii, Maximi aliorumque seculi quarti celebrium philosophorum. Stylo quidem utitur non satis perspicuo, in ipsa vero descriptione est utilisissimus. Tertius est HESYCHIVS MILESIVS, cuius liber *de claris philosophis* græce & latine per Hadrianum lunium editus est, cum notis Henrici Stephani, *Parisiis* 1593, 8. & *Antwerpiæ* 1575. 8. post vero IOANNES MEVRSIVS eundem denuo edidit *Lugduni* 1613, 8. atque notas elegantissimas addidit. Multa singularia autem de claris philosophis habet Hesychius, quos ordine alphabetico persequitur. Huc faciunt

faciunt etiam PHILOSTRATI *vite Sophistarum*, quæ primum græce prodierunt *Venetis* ex Aldina 1503, f. post cum versione latina, Antonii Bonfinii *Basileæ* 1565, f. qui ad fata veterum Philosophorum potissimum, conducit. Sic etiam SVIDAS in lexico suo, cuius optima est editio, quæ græce & latine cura ÆMYLII PORTI prodiit *Coloniæ* 1619, f. in quo nunc denuo edendo multa cura insudat LVDOLPHVS NEOCORUS. Inter scriptores posterioris ætatis, qui vitas philosophorum antiquiorum scripserunt, primus est IOANNES VALLENSIS, qui *compendiloquium* scripsit *de vitis illustrium philosophorum*, quod inter alia eius extat *Lugduni* 1511, 8. Post hunc GVALTERVS BVRLÆVS *de vita & moribus Philosophorum* scripsit, quod opus typis adhuc rudibus, nascente demum typographia fuit excusum. Alia editio prodiit *Coloniæ* 1472. Postea, teste Labbeo, in bibliotheca bibliothecarum, ANTONIVS a SALA, Monbellenfis Ictus, *Casali* in Italia anno 1603, 4. pro suo edidit, excisis duntaxat quibusdam pagellis in fine. Idem Burlæus scripsisse quoque dicitur tractatum, *de vitis modernorum philosophorum*. Sed crassos eiusdem errores, dum Liuium Andronicum, poetam, cum Patavino: Horatium poetam, cum Horatio Pulvillo confundit, &

similes iamdum notauit Vossius de historicis latinis lib. II. c. LXV. RAPHAELIS VOLATERRANI *anthropologia virorum doctorum*, quæ prodiit cum aliis eiusdem *Hanouia 1603, f.* tota in eo est, vt describat vitas philosophorum & similium scriptorum. Elegantissimus est tractatus IOANNIS IONSII *de scriptoribus historiae philosophicae* libris IV. constans, atque editus *Francofurti 1659, 4.* vbi singulorum, antiquissimorum etiam philosophorum vitam, historiam, scholas, adseclas & scripta, ætatis ratione habita, breuiter quidem, sed accurate exponit, ita vt recentiores etiam, qui in historia philosophica quidpiam scripserunt, non omittat. Addimus eos, qui particulares tantum quasdam vitas descripserunt, inter quos habemus PAVLI LEOPARDI vitas & Chrias *Aristippi, Diogenis, Demonactis, Stratonis, Demosthenis & Aspasiae, Antwerpia 1596, 8.* MARINI librum, *de vita Procli* græc. & lat. *Lugduni 1626, 8.* PHILOSTRATI vitam *Apollini Thyanei, Venetiis 1501, f.* de qua infra pluribus. GVARINVS VERONENSIS vitam scripsit *Platonis, Aristotelis, Euagoræ atque Homeri*, quæ post vitas Plutarchi seorsim impressæ. Vitam *Platonis* descriptam habemus a MARSILIO FICINO, quæ ab initio operum eius extat. Eandem quoque habet MAGNUS DANIEL OMEIS

OMEIS in *ethica sua Platonica*, Altdorfi 1696, 8. edita. *Vitam Epicuri* scripsit GASSENDVS, *vitam Pythagoræ* MALCHVS & IAMBLICHVS, de quibus infra inter scriptores historiae Philosophicæ. Elegantissime *vitam Senecæ* descripsit ANDREAS SCHOTTVS, quæ edita est *Parisiis* 1607, 8.

§. IV.

Fuere quoque qui vitas Philosophorum recentiorum descripserunt. Inter hos primo loco referri meretur MELCHIOR ADAMI, qui *vitæ Germanorum Philosophorum* scripsit *Francoforti* 1615, & 1663, 8. editas. *Vitas* scripsit Philosophorum, qui seculo XVI. claruerunt, in iisdemque satis accuratus est, nisi quod de scriptis parum habeat. Continuare eundem adgressus est HENNINGVS WITTE in *memoria Philosophorum*, quæ prodiit *Francofurti* 1677, 8. in qua de Philosophis agit, qui seculo XVII. claruerunt, sed descriptiones ex programmatis funebribus plerumque desumptæ, quæ uti sæpius monitum, plerumque esse solent steriles. Additus tamen est in fine vitæ cuiuslibet catalogus scriptorum præcipuorum. Inter eos, qui speciales tantum Philosophorum vitas scripserunt, claret PETRVS GASSENDVS, cuius *vita Brabeii, Copernici, Peurbachii & Regiomontani* prodiit *Hagæ Comitum*

1655, 4. *vita Nicolai Claudii Fabricii Peirescii*,
Hagæ 1651, 12. quæ elegantissime scripta, IOA-
 CHIMVS CAMERARIVS narrationem edi-
 dit *de vita & morte Philippi Melanchtonis Li-*
psie 1592, 8. Hagæ Comitum 1655, 12. Eruditum
 est scriptum, in quo singularia multa, quæ ad
 historiam reformationis faciunt, atque verum
 vitæ descriptionis exemplar præbet, quippe
 etiam in notandis affectibus atque animi ca-
 racteribus occupatus fuit, quandoque tamen
 in rebus etiam minutioribus adducendis nimi-
 um scrupulosus. Prodiit hæc narratio de-
 nuo *Lipsie 1696, 8.* atque accessit *vita Georgii*
Anhaltini & Helii Eobani Hessi ab eodem Ca-
 merario descripta.

CAPVT SECUNDUM

DE

FONTIBUS PHILOSO- PHIÆ.

§. I. *Inter fontes prima sunt scripta Platonis, &*
sectatorum. §. II. *Platonis sectatores re-*
centiores. §. III. *Aristotelis opera cum*
commentariis. §. IV. *Scholastici vete-*
 res

DE FONTIBVS PHILOSOPHIÆ. 9

res. §. V. Scholastici recentiores. §. VI. Recentiores philosophiæ Aristotelicæ sectatores. §. VII. Epicuræ philosophiæ scriptores. §. VIII. Scriptores philosophiæ Scepticæ. §. IX. Scriptores philosophiæ Stoicæ. §. X. Scriptores philosophiæ Pythagoricæ. §. XI. Scriptores philosophiæ Ebraeorum. §. XII. Scriptores philosophiæ Kabbalisticæ. §. XIII. Scriptores philosophiæ Paracelsicæ. §. XIV. Scriptores philosophiæ Rameæ. §. XV. Scriptores philosophiæ Cartesianæ. §. XVI. Scriptores philosophiæ eclecticæ exteri. §. XVII. Scriptores philosophiæ eclecticæ Germani. §. XVIII. Scriptores philosophiæ corruptæ.

§. I.



Abent suos fontes quælibet disciplinæ, e quibus omnia quæ ad eandem spectant, hauriuntur. In Philosophia sunt scripta illorum, qui quasi Patres Philosophiæ dici merentur. Antiquissimi philosophi, si Hermetem hypobolimæum & poetas fabulatores excipiamus, qui scriptis quidpiam commiserunt, sunt Plato atque Aristoteles. PLATONIS quidem opera, cum notis Ioannis Serrani prodierunt ex typogra-

phia Henrici Stephani 1571, f. 3. vol. quæ editio emendatissima & optima est. Alias æstimanda quoque ea, quæ ex interpretatione latina Marsilii Ficini atque emendationibus Isaaci Casauboni prodiit *Lugduni 1590, f.* Post, cum augmentis & commentariis *Francofurti 1602, f.* Discipulos & sectatores habuit per plures, cum & plerique priorum seculorum ecclesiæ patres strenui essent Platonis sectatores, eo quod in multis cum Scriptura sacra conveniret, ideoque dictus fuit Moses Atticissans. Inter alios & profanos sectatores est PLOTINVS, cuius Philosophiæ Platonici libri LIV. in sex enneades distributi prodierunt græce, cum interpretatione & commentariis Marsilii Ficini *Basileæ 1580, f. & 1615, f.* Ex eadem philosophia depromtus est IAMBLICHI *de mysteriis liber*, quem Thomas Gale græce edidit cum versione & notis, *Oxonii 1678, f.* in quo doctrinam Platoniam de semideis, heroibus, dæmonibus & similis generis declarat. Nee minor est PROCLVS, cuius *Theologiæ Platonici libri sex*, ex bibliotheca Gottorpiana primum eruti & græce cum latina interpretatione Aemylii Porti editi *Hamburgi 1618, f.* Extat eiusdem *commentarius in Timæum*, græce, *Basileæ 1534, f.* aliusque in *Platonis Theologiam Hamburgi 1618, f.* & qui in eundem *Timæum & librum*

DE FONTIBVS PHILOSOPHIÆ. II

Librum de republica facit commentarius SE-
 BASTIANI FOXII, *Basileæ 1555, f.* Huc faci-
 unt scripta PORPHYRII *de abstinencia ab ani-
 milibus necandis, de vita Pythagoræ, sententia
 ad intelligibilia ducentes de antro nympharum,*
 quæ latine vertit, cum præfatione & notis edi-
 dit Lucas Holsteinius. *Cantabrigiæ 1655, 8.* MA-
 XIMI TYRII dissertatione, græce & latine
 cum notis edidit Daniel Heinſius, *Lugduni 1614,*
 & 1631, 8. Accesſit huic editioni ALCINOI in-
 troducſio ad philoſophiam Platonis, quæ eiusdem
 compendium præbet: SYNESII PSELLI,
 SPEVSIPPI, XENOCRATIS libros *ad philo-
 ſophiam Platoniam* facientes in latinum ſer-
 monem tranſtulit Marſilius Ficinus, & cum
 Mercurii Trismegisti Pimandro atque Ascle-
 pio euulgavit *Veneriis 1516, f.* Inter Patres eccle-
 ſiæ præcipue ſectatus fuit Platoniam Philoſo-
 phiam SYNESIUS, cuius opera edidit cum no-
 tis Dionyſius Petavius, *Lutetiæ 1631, f.* & PHI-
 LO IUDÆVS, cuius editio eſt optima, quæ
 græce & latine prodiit *Pariſiis 1640, f.*

§. II.

Inter recentiores, qui Platonis phi-
 loſophiam ſequuntur, primo loco veniunt
 MARSILII FICINI opera, *Pariſiis 1641, f.*
 2. vol. quæ ad explicationem Platonis mul-
 tum conducunt. IOANIS PICI MI-
 RANDVLÆ & IOANNIS FRANCISCI
 MI-

MIRANDVLÆ opera *Basileæ 1611, f.* qui omnia ex Cabbala deducunt. Nec reticendus hic est FRANCISCVS PATRICIVS, cuius non solum philosophia vniuersalis noua, quæ *Venetis 1592, f.* prodiit, ad methodum philosophiæ Platoniciæ plene directæ est, sed etiam *discussionum Peripateticarum* Tomos quatuor scripsit *Basileæ 1581, f.* editos, in quarum Tomo primo agit de Aristotelis vita, moribus, libris, auditoribus, sectatoribus, expositoribus, interpretibus, sectis, philosophandi ratione. Tomus secundus Aristotelis cum Platone aliisque veteribus philosophis a multis promissam, a nemine editam in omni philosophiæ genere concordiam libris octo continet. Tomo tertio Aristotelis cum Platone aliisque veteribus a nemine promissam vel editam discordiam libris septem persequitur. Tomo quarto Aristotelis dogmatum censuram Philosophicam libris decem instituit. Ex quo facile videmus, quantum ad obrussam vocauerit philosophiam Aristotelis Patricius, acerrimus sectator Platonis. In *Timæum & Phædronem Platonis* fuit commentatus SEBASTIANVS FOXIVS, *Basileæ 1556, f.* In *Catonem* vero *de Republica atque legibus.* MONTECATINVS. BESSARIONIS Cardinalis libri XV. contra Platonis calumniatores prodierunt.

Anonymi academicarum contemplationem libri X. in quibus Plato explicatur & Peripatetici refelluntur, qui prodierunt *Theupoli* 8. *Politicam Platonis* scripsit RVDOLPHVS GOCLENIVS, *Marpurgi* 1607, 4. *Ethicam Platoniam* MAGNVS DANIEL OMEISIVS *Altdorfi* 1696, 8.

§. III.

Platoni proximus est ARISTOTELES, eius discipulus, cuius *opera* græce & latine primum ex bibliotheca Isaaci Casauboni prodierunt cum notis & indicibus, tum eorum, qui in Aristotelem scripserunt, tum fragmentis quibusdam *Lugduni* 590, f. Magis splendida est editio, quam in quatuor tomos digessit, notis atque disquisitionibus illustravit GVILIELMVS du VALLIVS, *Parisiis* 1654, f. Græce solum prodiit *Venetiis* apud Aldum 1579. f. 4. vol. & Friderici Sylburgii *Francoforti ad Mœnum* 1587, 4. quæ editio est emendatissima. Iungendi statim sunt Aristoteli eiusdem interpretes, qui vel Græci sunt, vel Arabes, vel latini. Inter Græcos claret ALEXANDER APHRODISÆUS, qui in plerosque libros Aristotelis fuit commentatus, eiusdemque scripta varia *Parisiis* 1528, f. & *Venetiis* ex Aldina prodierunt. Alter ex Commentatoribus est THEMISTIVS, cuius opera omnia prodierunt *Venetiis* ex officina Aldi 1534, f. AMMONIVS ALEXANDRINVS in *Categorias Aristotelis*
&

& librum de interpretatione commentarium edidit, qui cum versione Ioannis Baptistæ Rosarii prodijt *Venetis 1569, f.* SIMPLICII commentarios habemus in libros auscultationis, de cœlo & de anima, qui prodierunt diuersis vicibus. Eiusdem coævus atque aduersarius erat IOANNES GRAMMATICVS, dictus PHILOPONVS, qui commentatus est in priora & posteriora analyticorum, libros de auscultatione, generatione, corruptione & de anima. Facit huc etiam AMMONIVS HERMÆVS in *Porphyrii institutionem, Aristotelis categorias & librum de interpretatione*, MICHAEL EPHE-SIVS in *quatuor libros Aristotelis de partibus animalium & similes*, quos horumque editiones adnotare longum foret, sciendum tamen, plerosque græce impressos esse Venetiis ex Aldina, post recusos plerumque cum interpretatione latina Basileæ. Horum quidem maiestas olim magna erat, nunc fere ceciderunt in profundum. Neque tamen desunt etiam inter Arabes, qui in Aristotelem fuerunt commentati, inter quos primus sine dubio est AVERROES, vir impius alias & execrabilis, licet etiam sensum eius nonnunquam perverterint, & qui inter metaphysicos non contemnendus AVICENNA, cuius tamen philosophia delira-

men-

mentis Alcorani propior est. Plura de Commentatoribus Aristotelis habet in discussionibus suis Peripateticis Patricius.

§. IV.

Accensendi statim sunt scholastici, qui vulgo etiam dicuntur interpretes latini Aristotelis: quorum magnus est numerus. Horum in scriptis auctor est PETRVS LOMBARDVS, cui cum sorderet antiqua methodus, nouam rationem adinuenit, & multis distinctionum, quæstionum & subtilitatum ambagibus Theologiam cum Philosophia Aristotelica miscuit, iisdemque utramque corripuit. Sanior quidem eiusdem adhuc erat philosophia, cum parcius vel nulla esset Aristotelis in Theologicis dogmatibus mentio. Ab adseclis vero & iis, qui in libros hosce sententiarum fuerunt commentati, Theologia tota cœno quæstionum riuulisque opinionum conturbata fuit. Neque tamen defunt, qui hunc Lombardum frequenti manu tractare solitum fuisse introductionis ad Theologiam libros tres, quos cum aliis Abelardi edidit FRANCISCVS AMBOESIVS, *Parisiis 1616, 4.* Immo a crimine plagii non immunis erit Lombardus. Extat enim Magistri BANDINI liber sententiarum, qui *Vienne* prodiit 1519, 8. cura Benedicti Chelidonii, post *Lonanii* recusus est 1555, & 1577,

1577, 8. Conuenit titulus, eadem quæstiones, eodemque ordine proponuntur, iisdem rationibus deciduntur, ita, vt licet paullo concisius sit opus Bandini, & stylus dispar, dubitatum tamen fuit, quis alterius labore, fuerit usus, Lombardum quidem multi defendere conantur, Chelidonium tamen ex eo priorem scripsisse Bandinum probat, quod vbi de sacramentis agitur, Lombardus quædam, Bandinus plane nihil attulit, & integram plane sacramenti speciem omisit, quod abbreviatorum alias non est. Latius de hac controuersia egit Iacobus Thomafius de plagio sect. 493. & sqq. Hi autem sententiarum libri tanti æstimabantur, vt vel parem (si non maiorem) auctoritatem haberent olim ac sacræ litteræ. Quare etiam plures fuerunt, qui in illos commentarentur. Primus illud egit ALEXANDER *Halensis*, dictus doctor irrefragabilis, cuius *quæstiones in IV. libros sententiarum Lombardi* prodierunt *Lugduni 1515, f.* Hunc insecutus est ALBERTVS, ab eruditione MAGNVS dictus, qui immensis suis commentariis in omnes Aristotelis & Lombardi libros hanc Scholasticam disciplinam mirum quantum adauxit. Prodierunt ejus *Opera omnia*, quotquot reperiri potuerunt in XXI. Tomos distributa, cura Petri Lammii, *Lugdu-*

Lugdani 1651, f. Ab hoc noua ætas scholasticorum fuit orta, qui vulgo dicuntur Summistæ, Quæstionarii. Hi enim reiecta Scripturæ sacræ autoritate, Aristotelis metaphysicam & omnem philosophiam, terminorum subtilitate corruptam habuerunt pro principio demonstrationum Theologicarum. Adeo vt Patrum horum Scholasticorum effata atque axiomata Patrum ecclesiæ dictis immo Scripturæ Sacræ enunciatis longe maioris auctoritatis habuerint. Vnde tot, plaustra Commentatorum in Aristotelem & Lombardum, tot subtiles quæstiones Metaphysicales de entitate, ideis, formis, substantiis separatis, indiuiduitate, identitate & quæ barbara alia. Alesi atque Alberti discipulus erat THOMAS de AQVINO, doctor angelicus adpellatus & Seraphicus, cuius Metaphysicale acumen venerantur omnes, quotquot huic barbariei addicti. Huius opera primum iussu & sumtibus Pii V. prodierunt *Romæ 1570, f. XVII. vol.* quam emendatissimam censent Labbeus, Altamarus & plerique alii, eo quod pontificia auctoritate munita. Postea recusa fuerunt *Venetis 1594, iuxta exemplar Romanum & cum commentariis partim Thomæ de Vio Caietani, partim Francisci Ferrariensis, Antvverpiæ 1612, f. Tomis XVIII. per Cosmam Morelles, Do-*

B ctorem

ctorem & Professore Colonienfem. Completiffima vero & emendatiffima eft editio Parifienfis, quæ fub titulo prodiit: *Sancti Thomæ Aquinatis, ex Ordine Prædicatorum, Quinti ecclefie Doctoris Angelici Opera omnia, ad fidem vetuftiffimorum Codicum Mfforum & editorum emendata, aucta & cum exemplaribus Romano, Veneto & Antvverpienfi accurate collata.* Nunc primum in Galliis prodeunt partim a Reuerendo Patre Ioanne Nicolai, a mendis expurgata & notis marginalibus illustrata, partim ab aliis patribus eiusdem Ordinis emendata Parifiis, apud Societatem Bibliopolarum 1660, f. Inter hæc autem summam eiusdem Theologiam, in quam tot extant commentationes, Aquinati abiudicavit Launoius, mire exinde exagitandus ab omni monachorum ordine, cum in Vincentii Bellouacenfis, Aquinate anterioris, Speculo Morali eadem iisdem reperiantur verbis. Proximus IOANNES BONAVENTURA, a parentibus Fidan- tius dictus, cuius opera excufa funt Colonia 1486, f. Romæ 1588, 1598, f. VII. Tomis & Lugduni 1668, f. VII. Tomis. Hunc excipit GUILIELMVS DVRANDVS, a Speculo quod edidit, Speculator dictus. Seculo decimo quarto noua fefta, fcholasticorum per IOANNEM DVNS SCOTVM erecta fuit, cuius quæftiones in Metaphysicam, quodlibeta &

& commentaria in quatuor libros sententiarum
atque similia extant. Omnia vero eius ope-
ra collegit, eademque in XII. Tomos distri-
buita edidit Lucas Wadingus, *Lugduni 1639, f.*
Eiusdem seculi fuere GVILIELMVS OC-
CAMVS, MIGHAEL CÆSENAS, IO-
ANNES de PARISIIS, THOMAS BRAD-
WARDINVS, ROBERTVS HOLCOTH,
THOMAS BRICOTH atque alii, qui di-
cti fuerunt Doctores Cherubici, Solennes,
Solidi, Fundatissimi, Illustratissimi, Acu-
ti, Subtiles, Singulares, Facundi, Resolu-
tissimi, Ordinatissimi, quorum Quotlibeta,
Determinations, Formalitates, Specula,
Quæstiones Solennes, Quæstiones super
Quæstiones, prædicamentorum, acroama-
ticorum, Metaphysicalium subtilitates passim
in bibliothecis cum blattis atque tineis pu-
gnant.

§. V.

Magna quidem decrementa cœpit
Theologia Scholastica per Reformationem,
nec tamen plane desit cum seculo decimo
quinto. Claruit illo THOMAS CAIETA-
NVS, qui in *primam, secundam & tertiam*
partem Aquinatis commentatus fuit *Veneris*
1508, & Lugduni 1580, f. Extant eiusdem quo-
que opuscula aurea de curiosissimis materiis spe-
culatiuis & practicis, *Parisiis 1511, 4.* Huc fa-

ciunt GABRIEL VAZQUEZ *Commentarii ac disputationes in S. Thomam, Antverpiæ 1621. f. 3. vol.* DOMINICI BANNES *Commentarius in primam & secundam partem Thomæ, Lugduni 1588, & Duaci 1614, f. 3. vol.* DIDACI RVITZ DE MONTTOYA *commentarii ac disputationes ad questionum XXIII. & bonam partem questionis XXIII. ex prima parte S. Thomæ, Lugduni 1631, f.* Præcipuus inter pontificios habetur FRANCISCVS SVARETZ, cuius opera omnia prodierunt *Moguntia 1621, f. 5. vol.* atque ob acumen Metaphysicale suos habent æstimatores. Recentiores sunt GEORGII de RHODES *Disputationes Theologiæ Scholasticæ, ad primam & utramque secundam partem summæ Thomæ directæ atque editæ Lugduni 1671, f.* in quibus explicatur Deus, Angelus & Homo. DOMINICVS SOTO *in quartum sententiarum fuit commentatus, Duaci 1613, f. 2. tomis* IOANNIS CAPREOLI *questiones extant in libros sententiarum, cum castigationibus & adnotationibus per Aquarium, Venetiis 1588, f.* Vtrique mediam fere viam tenent inter Thomam & Scotum. Hæc autem Scholasticorum principia hodie adhuc valent apud Pontificios. Dominicani enim Scoto, Franciscani Thomæ favent, Iesuitæ utrique. Apud Hispanos Scoti philosophia plurimum exulta atque apud Bohe-

hemos. Inter nostrates Scheiblerus, Stahlius, Ebelius & Iacobus Martini eandem amplexi.

§. VI.

Inter recentiores philosophiæ Aristotelicæ sectatores plures sunt, quos adlegare omnes nimium foret. BARTHOLOMÆVS KECKERMANNVS primus erat, qui philosophiam Aristotelicam per Scholasticorum barbariem magis corruptam restituit *systemate suo philosophiæ vniuersalis*, quod *Hanouiæ* prodiit 1613, f. Alii ex pontificiis præsertim, tot cursus Philosophicos ediderunt. Quo facit RODERICI de ARRIAGA *cursus Philosophicus*, *Antvverpiæ* 1638, f. & *Parisiis* 1674, f. FRANCISCI de OVIEDO *cursus Philosophicus*, *Lugduni* 1645, & 1651, f. IOANNIS HENRICI ALSTEDII *encyclopædia*, *Herbornæ* 1630, f. & similes. Huc facit etiam *Collegium Conimbricense in Aristotelis Logicam*, *Coloniæ Agrippinæ* 1611, 4. *in physicam*, *Coloniæ* 1625, 4. *in eiusdem meteora*, *Coloniæ* 1617, 4. *in libros de generatione & corruptione*, *Coloniæ* 1615, 4. Quæ singula tribus voluminibus constant, *Collegii Complutensis disputationes in Aristotelem*, *Lugduni* 1632, 4. duobus Tomis *Philosophia Vetus & noua ad vsum scholæ accommodata*, *Parisiis* 1671, 4. *Philosophia Altdorfina* a professoribus academiciæ Altdorfina.

adornata ad mentem Aristotelis, quæ hodie quoque multum æstimatur.

§. VII.

Epicurea philosophia paucos olim habuit sectatores, eo quod homo litteris non adeo imbutus esset Epicurus. Clarus est inter veteres LVCRETIVS, qui Epicurum atque Empedoclem sequitur. Editiones eius variæ sunt. Laudanda est illa, quam David Paræus edidit cum notis & lexico elegantiarum Lucretianarum, *Francofurti 1631, 8.* alia prodiit recognita per Dionysium Lambinum, cum emendationibus Adriani Turnebi, *Parisiis 1565, 8.* Optima vero est, quæ cum coniecturis atque emendationibus Tanaquilli Fabri prodiit *Salmu-
vii 1662, 4.* qui & textum emendavit, & multas notas criticas adiecit. Ioannis Nardi vero editio *Florentiæ 1674, 4.* facta, apud eruditos non adeo æstimatur. Alter qui Epicurum, secutus est T. PETRONIVS ARBITER, qui cum prolixis & vniuersalibus notis Ioanni Petri Lotichii, aliorumque quas addidit, prodiit *Francofurti 1629, 4.* Optima vero est editio Iosephi Antonii Gonsali de Salas, *Francofurti 1644, 4.* qui in spurcissimum alias auctorem doctissimas notas, in quibus multas explicauit antiquitates, atque indicem accuratissimum confecit. Fragmen-

mentum eius Tragurii apud Dalmatas repertum prodiit cum Christophori Arnoldi & variis eruditorum epistolis de hoc fragmento, *Noriberg. 1667, 8.* Reperto demum codice Albæ Græcæ integer prodiit *Roderodami 1693, 8.* Superiori seculo Epicuream hanc philosophiam, relictâ Ramea restaurauit ex parte PETRVS GASSENDVS. Primum, quidem *vitam Epicuri & mores* singulari scripto exposuit, quod prodiit *Lugduni 1647, 4.* Sequebantur statim *animaduersionum Tomi tres in Diogenem Laertium de vita & philosophiâ Epicuri, Lugduni 1649, 4.* Prodiit postea *philosophiâ Epicuri syntagma*, in quo vera principia Philosophiæ Epicureæ atomistica exponit. *Omnia eiusdem opera* prodierunt *Lugduni 1658, f. 6. vol.*

§. VIII.

Ad Scepticam Philosophiam ex antiquioribus facit SEXTVS EMPIRICVS, qui *aduersus Mathematicos*, siue eos, qui profitentur disciplinas, scripsit libros sex, & *Pyrhonicorum hypotheseum* libros tres, cuius opera græce & latine extant cum notis Henrici Stephani 1621, f. Inter recentiores fundamenta scepticismi continentur in tractatu FRANCISCI SANCHETZ *quod nihil scitur, Lugduni 1581, 8.* quem postea Daniel Hartnaccius sub titulo. *Sanchetz aliquid sciens* denuo

edidit *Stettini 1665, 12.* vbi in notis demonstra-
uit ipsum Sanchetz dubiis suis magnam præ-
se ferre eruditionem. FRANCISCI DE LA
MOTHE LE VAYER *dubia sceptica, dou-
tes sceptiques, Parisiis* prodierunt *1667, 12.* qui
scepticismum magnam etiam vtilitatem in sa-
cris habere contendit. Id quod etiam demon-
strare voluit IOSEPHVS GLANVILLE, *in*
scepsi sua scientifica, Londini 1665, 8. & in alio,
quem inscripsit *Philosophia pia*, qui editus est
Londini 1671, 8.

§. IX.

Stoicæ philosophiæ compendium ex-
hibuit EPICTETVS, cuius *enchiridion* cum
Simplicii & Arriani commentariis prodiit,
cura Claudii Salmasii, *Lugduni 1649, 8.* Post
hæc prodiit cum CEBETIS Thebani *tabula*
græce & latine, ex recensione Abrahami
Berkelii, cum eiusdem animaduersionibus
& notis: accedunt notæ Wolphii, Casau-
boni, Caselii & aliorum cum Græca para-
phrasi, *Lugduni Batavorum 1671, 8.* Non
immerito hoc *enchiridion* dicitur Stoicæ &
Moralis disciplinæ veluti anima. Eandem
sectatus fuit SENECA, cuius operum edi-
tio est optima, quæ cum notis Lipsii & va-
riorum, cura Ioannis Friderici Gronouii pro-
diit *Amstelodami*, apud Danielelem Elzeuiri-
um *1673, 8. 3. vol.* Sectatores plures habuit,
quo-

quorum tamen perpauca scriptis aliquid reliquerunt. Facit tamen huc M. AVRELII ANTONINI liber *περὶ ἑαυτοῦ*, quem ex Stoicorum principiis composuit. Scriptum hoc ex bibliotheca Palatina primus in lucem emisit Conradus Gesnerus, cum Guilielmi Xylandri interpretatione & notis Tiguri 1559, 8. Hanc translationem postea emendauit Mericus Casaubonus, Londini 1643, 8. qui etiam eruditas notas atque emendationes adiecit. Recensuit postea ac perpetuo commentario illustrauit Thomas Gatakerus Cantabrigiæ 1652, 4. & Londini 1655, 4. Ex recentioribus habemus IUSTI LIPSII libros III. *physiologiae Stoicae*, Antvverpiæ 1604, 4. Eiusdemque *manuductionem ad philosophiam Stoicam*, Antvverpiæ 1610, 4. HIERONYMVS MAGIVS *de mundi exustione* libros V. euulgauit. Basileæ 1562, f. cui tamen præferendus est IACOBVS THOMASIVS in exercitatione *de Stoica mundi exustione*, Lipsiæ 1676. 4. Dni. de VAIX *philosophia moralis Stoica*, gallice scripta, sed anglice versa per Carolum Cottonum, equitem, Loisdini. CASPARIS SCIOPPII vero *elementa philosophiae Moralis Stoicae*, Moguntiae 1606, 8. edita, integra non prodierunt, cum a capite LXX. incipiant in CLIII. vero finiant.

§. X.

Sunt præterea aliæ philosophorum sectæ, quæ origine antiquiores licet sint hisce, quas recensuimus, nihil tamen fere ab ipsis scriptis fuit relictum, nisi vel certa quædam lemmata vel symbola, ex quibus dein recentiores certa deduxerunt principia. Pythagorica philosophia Platonica adhuc est antiquior, cuius philosophiæ elementa pandunt *aurea Carmina*, quæ sub PYTHAGORÆ nomine circumferuntur, licet ipsius non sint, sed vel Lysidis Tarentini, vel PHILOLAI, plerumque tamen in moralibus consistunt. Commentatus fuit in eadem HIEROCLES, in libro suo *de prouidentia & fato*, qui cum interpretatione & notis Ioannis Canterii prodiit *Parisius* 1583, 8. post, cum notis Ioannis Pearsoni, *Londini* 1654, 8. Ex recentioribus hæc aurea carmina illustrarunt Michael Neander, *Lipsiæ* 1577, 8. & post eum Theodorus Marcilius, *Luætetie* 1585, 12. Commentatus in eadem quoque fuit PHILIPPVS BEROALDVS, *Basileæ* 1534, 4. & LILIVS GREGORIVS GYRALDVS, *Basileæ* 1580, f. Faciunt huc etiam Francisci Bernii arcana moralia ex Pythagoræ symbolis, *Ferrariæ* 1669, 4. edita, quæ postea notis atque coniecturis adauxit Paulus Pater, *Francofurti ad Moenum* 1687, 8.

Præter

Præter hæc discimus dogmata huius philosophiæ ex MALCHI, siue vti malunt, PORPHYRII tractatu *de vita Pythagoræ & sententiis Pythagoricis*, quem librum cum eruditissimis notis edidit Conradus Rittershusius, *Altorfæ 1610, 8.* Inter Msta, Bibliothecæ Hamburgenſi a Luca Holſteinio legata extant IAMBLCHI Chalcidenſis Syri libri quatuor *de vita & doctrina Pythagoræ*, ex codice Vaticano transcripti. Hos in latinam linguam tranſtulit anonymus quidam, licet ineptam tranſlationem iudicet Holſtenius. Extant quoque aliorum gnomæ ex philoſophia Pythagorica deductæ. Ita habemus DEMOPHILI gnomas Pythagoreas, SEXTI PYTHAGOREI *ſententias* e græco in latinum verſas a Ruſſino, quas inter opuscula mythica euulgauit THOMAS GALE, *Amſtelodami 1688, 8.* Alia fragmenta conſeruauit IOANNES STOBÆVS, quæ cum verſione Canteri & Spondani edidit Theodorus Zuingerus in commentario in Ariſtotelis libros Nicomachicos & politicos, quæ etiam Iſaacus Caſaubonus editioni ſuæ Laertianæ adiecit. Epiſtolæ vero THEANIS, MYÆ, MELISSÆ ipſiusque PYTHAGORÆ in editione Iamblichi de vita Pythagoræ comparentur. Inter ſectatores æque refertur OCELLVS LVCANVS, in opere *de natura vniuerſi*, quod

Carolus

Carolus Emanuel Vizzanius edidit *Bononiæ* 1646, 4. licet hinc inde etiam a sententiis Pythagoreorum discrepet. Ex recentioribus dogmata Pythagoræ exposuit IOANNES SCHILTERVS in sua *de disciplina Pythagorica* diatribe, quæ eiusdem manu ductioni ad philosophiam moralem adnexa est. Præferendus tamen IOANNIS SCHEFFERI *de natura & constitutione Philosophiæ Italica, seu Pythagorica liber singularis*, qui ex secunda editione cura C. S. Schurtzfleischii prodiit *Wittebergæ* 1701, 8. atque finem, fructum & dogmata eius philosophiæ plenius exposuit. *Ethicam Pythagoricam* erudite persecutus fuit MAGNVS DANIEL OMEISIVS, *Altdorfi* 1693, 8. *de Pythagorica animarum transmigratione* erudite egit PAGANINVS GAVDENTIVS, *Pisis* 1641, 4.

§. XI.

Antiquiora adhuc sunt dogmata philosophiæ Ebræorum, vbi primum venit philosophia Mosaica. Facit ad eandem ROBERTI FLVD *de Fluctibus philosophia Mosaica*, *Goudæ* 1638, & IOANNIS AMERPOEL *Cartesius Mosaizans*, siue historia diuina Geneseos explicata & illustrata *Leouardie* 1669, 12. Facit huc etiam præ ceteris IOANNIS CHRISTOPHORI STEEBII *cælum Sephiroicum Hebræorum*, *Moguntie* 1679, f. & CÆSAR AEVOLVS

AEVOLVS *de diuinis attributis, quæ Hebræis Sephirot dicta, Venetiis 1580, 4.* & qui hæc principia Ebræorum elegantissime explicauit IOANNES FRANCISCVS BVDDEVS, *in introductione sua ad historiam philosophiæ Ebræorum, Halæ edita 1702, 8.* Altera est philosophia Rabbinica, quæ pro fundamento habet scripta Rabbinorum, ad quæ cognoscenda præter THEODORVM HACKSPANVM *de usu scriptorum Rabbinicorum* & IOANNIS CHRISTOPHORI WAGENSEILII præfationem *ad tela ignea*, facit potissimum dicta celeberrimi Buddei introductio. Præcipue vero ex opere Talmudico hæc sumenda erit. Plures etiam sunt ex Rabbinis, qui logicas, physicas, ethicæ, & metaphysicas ad mentem Aristotelis composuerunt, quorum per plures videmus adlegatos in Buddei introductione §. XXXII. Ita quoque agnatus meus, IOANNES IULIVS STRVVIVS *rudimenta logicæ Ebræorum*, ex Iudæorum scriptis eruit, ad methodum Aristotelicam adplicauit atque exemplis illustrauit, prodierunt *Ienæ 1697, 4.*

§. XII.

Ex philosophia Mosaica profluit Kabbalistica, quam ex Christianis plures fuerunt secuti. IOANNES PICVS MIRANDVLANVS primus erat. Hic primum Romæ ad disputandum proposuit nongentas
con-

conclusiones, e quibus LXVI. sunt kabballisticae, secundum opinionem propriam ex ipsis Ebraeorum sapientum fundamentis, Christianam religionem maxime confirmantes. Earum postea apologiam suscipere coactus fuit, in qua mentem suam plenius exposuit. Prodiierunt omnia eius opera *Basileae* 1573, & 1601, f. apud Henricum Petri. Secutus hancce fuit IOANNES REUCHLINVS, dictus CAPNIO, cuius *de arte Kabballistica*, atque alius *de verbo mirifico* extant tractatus. Hosce Reuchlini tractatus coniunctim cum aliis publicauit IOANNES PISTORIVS, in suo *de arte Kabballistica* opere, quod prodiit *Basileae* 1587, f. in quo etiam extant PAVLI RICH *de agricultura coelesti libri IV. ARCHANGELI BVRGONOVENSIS interpretationes in selectiora obscurioraque Kabballistarum dogmata*, atque alii tractatus eiusdem argumenti. Nostra aetate eandem secutus fuit HENRICVS MORVS, qui tamen in Pythagoreorum aliorumque philosophorum gentilium monumentis priscae Ebraeorum philosophiae vestigia scrutatus est, & Kabballistarum effata liberius ad Christianae religionis decreta accommodauit. Hic primum doctrinae suae Kabballisticae specimen, *coniecturam* scilicet *Kabballisticam* edidit *Londini* 1653, quod tentamen coniecturale esse voluit interpretandi

tandi mentem Mosis in tribus primis Gene-
 feos capitibus, secundum triplicem Kabba-
 lam, litteralem, philosophicam & mysti-
 cam siue diuino-moralem. Eodem anno
 kabbalæ huius triplicis defensionem edidit,
 in quo ea, quæ breuius vel obscurius dicta,
 plenius explanauit. Cum autem SAMVEL
 ANDREÆ examen generale Kabbalæ philoso-
 phicæ Henrici Mori publicæ luci exposuisset,
 respondet ipsi Morus in scholiis, huic defen-
 sioni postea adiectis. Post interstitium vigin-
 ti vere annorum edidit Morus *Trium tabula-
 rum Kabbalisticarum decem Sephirothas siue Nu-
 merationes exhibentium descriptio, scilicet tabulæ
 Sephirotharum Kabbalisticæ & Iudaicæ vulgaris,
 Tabulæ Sephirotharum Knorriane ac Lohria-
 ne in sublimioris Kabbalæ clauem Zoaristicam
 destinatae & denique Tabulæ Sephirotarum Græ-
 canicæ siue Pythagoricæ ab H. M. restitutæ.* Præ-
 missa etiam est epistola ad auctorem Kab-
 balæ denudatæ Christianum Knorrium,
 in qua de vsu decem Sephirotharum disse-
 rit. Sequuntur *questiones eius & considera-
 tiones paucae breuesque in tractatum primum
 libri Drusohine, siue introductionem genuinam
 metaphysicam ad Kabbalam genuinam, cuius au-
 ctor est R. Iizchac Ioriensis in quibus euincit, ab
 hoc auctore & reliquis Kabbalisticis recentio-
 ribus multa proposita fuisse inepta & a vera*
 Kab.

Kabbala aliena. Insecuta est eiusdem *visionis* Ezechielis siue Mercauæ expositio ex principiis philosophiæ Pythagoricæ, præcipuisque Theosophiæ Iudaicæ reliquiis concinnata, miraque cum locis Scripturæ Sacræ hæcenus obscuris luculentaque congruitate consolidata. Vltimum Mori scriptum est fundamenta philosophiæ siue Kabbalæ Aetopædomelissæ, quæ omnem creationem propriè dictam negat, essentiamque supponit diuinam, quasi corporeo spiritualem, mundumque materiale aliquo modo spiritum, cum breui ac luculenta fundamentorum dictorum confutatione. Quæ singula eius scripta primum anglice edita, post latinitate cum aliis eiusdem philosophicis prodierunt Londini 1679, f. Alter restau-
rator huius philosophiæ est CHRISTIANVS KNORRIVS a ROSENROTH, cuius opus duos comprehendit tomos. Prioris titulus est. *Kabbala denudata, seu doctrina Ebræorum transcendentalis & Metaphysica atque Theologica, opus antiquissimæ philosophicæ Barbaricæ variis speciminibus refertissimum in quo ante ipsam libri translationem libri difficillimi atque in litteratura Ebraica summi, commentarii nempe in Pentateuchum & quasi totum scripturarum V. T. Kabbalistici, cui nomen Sohar, tam veteris quam recentis, eiusque Tikkunim seu supplementorum tam veterum, quam recentiorum præmittitur apparatus.* Alter tomus titulum præfert

præfert *Liber Sohar restitutus*. Prior Tomus prodiit *Solisbaci* 1677, 4. alter *Francofurti* 1684, 4. Tacemus iam alias species philosophiæ mythicæ, Socraticæ, aliasque, de quibus infra inter scriptores historiæ philosophicæ erit dicendum.

§. XIII.

Alia ex Kabbalistarum fundamentis cum sacra scriptura, Chymia & Platonico-
rum principiis commixtis orta est philosophia, quæ vulgo dicitur Paracelsica. Auctorem illa habet PHILIPPVM AVREOLVM THEOPHRASTVM PARACELSVMA BOMBAST. Huius opera coniunctim prodierunt, ex editione vltima *Genevæ* 1658, f. alias inter Germanicas optima est, quæ *Basileæ* 1589, 4. prodiit XII. Tomis. Homo erat magni ingenii, cuius historia atque epitaphium de peritia singulari in arte medica & medelis morborum etiam insanabilium testantur. Sed quod dolendum, vino & crapulæ nimium deditus, ita vt vinoso ore famulo suo Ioanni Oporino in calamum daret scripta ista, quæ sub eius nomine postea fuerunt euulgata. Hinc, licet saniora sæpe proponat in Spirituum doctrina, circa meteora, physices principia, astrorum vsum & similia, confusum tamen scribendi est genus atque inordinatum. Qui fit, vt pauci eundem
C intel-

intelligent, ille tamen, qui fundamentis alias solide instructi ex eo haurient, quæ in usum suum ducant. Secuti hanc philosophiam fuerunt Valentinus Weigelius, Iacobus Böhmius & fratres Rosæ Crucis. Immo quæ saniora sunt, ex eadem hausit Ioannes Arndius, qui tamen ea non abusum, sed ad explicanda principia naturalia utitur. Ioannes Baptista Helmontius in scriptis suis eandem philosophiam in plerisque emendauit.

§. XIV.

Inter recentiores prima est Philosophia Ramea, a PETRO RAMO sic dicta, qui primus ambitione quadam ductus Aristotelis dogmata conculcauit. Edidit quippe *Aristotelis animaduersiones*, Parisiis 1558, 8. & *institutiones Dialecticas*, Parisiis 1554, 4. Sed licet illo tempore ob nouitatem varios reperiret sectatores, etiam in Hassiæ academiis apud Germanos, hodie tamen rarius reperiuntur, qui illam refellerent. Extant enim IACOBI MARTINI *Ramisticarum discussionum libri duo*. Wittebergæ 1623. Eiusdem *Logicorum commentariorum libri V. aduersus Ramistas* PHILIPPI SCHERBII *dissertatio aduersus Ramistas pro philosophia peripatetica* Giessæ 1610, 8. & præcipue IOANNIS PROSCH *apologia pro*
Ari.

Aristotele & Euclide, contra Petrum Ramum & alios, Dantisci 1652, 4.

§. XV.

Recentior est Philosophia Cartesiana, eademque ob experimenta mathematica, quibus nititur, æstumatissima. RENATIVS CARTESIVS auctor est, *cujus opera prodierunt Amstelodami 1651, 4. & sparsim fuerunt recusa.* Sectatores habuit varios, inter quos præcipuus est ANTONIVS le GRAND, cuius *philosophia veterum e mente Renati des Cartes breviter digesta prodiit Londini 1671, 12.* Eiusdem *institutio Philosophiæ secundum principia Renati des Cartes noua methodo adornata & explicata ad vsum iuuentutis academicæ, Londini 1672, 8.* Alter est IOANNES CLAVBERGIVS, cuius *opera omnia philosophica, cura Ioannis Theodori Schalbruchii prodierunt Amstelodami 1691, 4.* Huc facit etiam *Initiatio Philosophi seu dubitatio Cartesiana ad indubiam Philosophiam viam, monstrans, iuxta mentem Renati des Cartes ex Msto incerti auctoris, Mülhuse 1687, 12.* Breuissime in eadem demonstratur, qua ratione ex dubitatione veritas elici possit. Huc facit etiam LVDOVICI de la FORGE tractatus *de mente humana, qui primum gallice prodiit Parisiis 1666, 4. post in latinam linguam fuit translatus.*

§. XVI.

Superiori seculo noua species Philosophiæ orta fuit, quæ vulgo dicitur eclectica, quia non certæ tantum sectæ innititur, sed optima quaque seligti. Inter Anglos hac in parte excellent scripta FRANCISCI BACONIS de VERVLAMIO, cuius *opera* coniunctim prodierunt *Francofurti 1666, f.* inter quæ præcipua sunt, quæ in physicis atque moralibus edidit. HENRICVS MORVS vestigia philosophiæ Kabbalisticæ, Pythagoreæ, aliorumque sequitur & certa philosophiæ principia magno studio atque iudicio persequitur. Inter Belgas hodie excellet IOANNES CLERICVS, cuius *opera philosophica* prodierunt *Amstelodami 1698, 8.* Ingenium huius viri admirantur omnes eruditi, eundemque in plerisque sequuntur.

§. XVII.

Inter Germanos, in hac academia olim philosophiam suam propalauit IOANNES ANDREAS SCHMIDTIVS, cuius partes coniunctim prodierunt *Ienæ 1689, 8.* Haut ita pridem apud Halenses prodierunt IOANNIS FRANCISCI BVDDEI *Institutionum Philosophiæ eclecticæ tomus tres, Halæ 1703, 8.* Primus tomus comprehendit elementa philosophiæ instrumentalis, cui præmissa quoque est historiæ philosophiæ succincta delineatio:

tio: alter elementa theoretica: tertius elementa philosophiæ practicæ. Breuiter complectitur celeberrimus auctor summa philosophiæ capita, ita quidem vt se potissimum accommodauerit ad auditorium suum, multa priuatis discursibus reseruans, nihilominus tamen multo æque vsui esse possunt aliis, eo quod recentiora saniorum philosophorum principia contineat eademque iusto ordine explanata. Terminorum quoque, qui vsu recepti, explicationem habet, ita tamen, vt paucissimis de metaphysica agat. Nota quoque est Philosophia THOMASIANA, de qua tamen, cum non omnes Philosophiæ partes complectatur, infra suis locis dicemus pluribus.

§. XVIII.

Vltimo tandem loco memorandi etiam, sunt Scriptores philosophiæ corruptæ, quorum principia ad Naturalismum potius inclinant. THOMAS HOBBSIVS in politicis maxime claret, nec tamen ab omni Naturalismi culpa est immunis. Prodierunt eius opera coniunctim *Amstelodami 1668, 4.* inter quæ *Leuiathan* scriptum maxime est noxium, in quo Naturalismi semina sparguntur. Iungendus illi est BENEDICTVS SPINOZA Christianæ doctrinæ magnus hostis, sicut ex libris ipsius *de libertate philoso-*

phandi in Theologicis, atque libro ethico adparet. Celeberrimus tamen vir, Ioannes Franciscus Buddeus demonstrauit, Spinozismum fuisse ante Spinozam singulari dissertatione, quæ *Halæ* prodiit 1701, 4. Huc referenda etiam est IOSEPHI FRANCISCI BORRI noua philosophia, de quibus tamen speciatim dicendi occasio erit, dum de libris prohibitis agemus.

CAPVT TERTIVM.

DE

SCRIPTORIBVS, QVI HISTORIAM PHILOSOPHICAM, METHODUM TRACTANDI, PÆDIAS, SYSTEMATA ET CONTROVERSIAS PHILOSOPHICAS SCRIPSERVNT.

§. I. *De Scriptoribus historiae Philosophicæ in genere.* §. II. *De Scriptoribus philosophiæ Barbaricæ in genere.* §. III. *De Scriptoribus philosophiæ Indorum, Persarum & Sinensium.* §. IV. *De Scriptoribus philosophiæ Ebræorum.* §. V. *De Scriptoribus philo-*

*philosophia Egyptiorum. §. VI. De Scrip-
toribus philosophia Suecorum, Gallorum
& Germanorum. §. VII. De Scriptori-
bus philosophia Græcorum mythica. §. IIX.
De Scriptoribus philosophia Pythagorea.
§. IX. De Scriptoribus philosophia Socra-
tica. §. X. De Scriptoribus philosophia
Platonica. §. XI. De Scriptoribus philo-
sophia Aristotelica. §. XII. De Scripto-
ribus philosophia Epicurea. §. XIII. De
Scriptoribus philosophia Ramea & Cartesia-
na. §. XIV. Scriptores polemici, qui vel
consensum, vel dissensum certæ sectæ mon-
strarunt. §. XV. De Scriptoribus, qui me-
thodum studii Philosophici instituendi scri-
pserunt. §. XVI. De iis, qui pædiam philo-
sophicam scripserunt. §. XVII. De iis, qui
systemata scripserunt.*

§. I.



Historiam Philosophicam ex
veteribus explicavit PLV-
TARCHVS de placitis phi-
losophorum, qui liber inter
alia eius opera græce & la-
tine ex interpretatione
Hermanni & Guilielmi Xylandri edita pro-
diit *Francofurti 1620, f.* Secuti illum DIO-
GENES LAERTIVS, EVNAPIVS,

HESYCHIVS, & PHILOSTRATVS, de quibus supra dictum. Ex recentioribus huc faciunt IOANNES LVDOVICVS VIVES *de initio, laudibus & sectis philosophorum*, qui libellus extat in Tomo I. operum. IEREMIAS PADVANVS *de auctoribus sententiarum & libris eorum*, Venetiis 1505, 8. IOANNES ANTONIVS FLAMINIVS *de origine Philosophiæ ac Philosophorum sectis*, GVI-
LIELMI MORELLII *tabula compendiosa de origine, successione, ætate & doctrina veterum Philosophorum*, Basileæ 1580, 8. cui addita est series Philosophorum & sectæ eorum præcipuæ a Thalete & Socrate in primis vsque ad Ciceronem deductæ DAVID CHYTRÆVS, cum Commentariis Hieronymi Wolphii & Desiderii IACOBI VANDOPERANI tractatus *de Philosophorum doctrina*. SCIPIONIS AQVILIANI liber extat *de placitis Philosophorum*, qui ante Aristotelis tempora floruerunt, Venetiis 1620, 8. Eruditissimus liber est PAGANINI GAUDENTII *de philosophiæ ad Romanos origine atque progressu*, Pisis 1643, 4. editus. Secutus hosce fuit GEORGIVS HORNIVS, cuius *historiæ Philosophicæ libri VII. Lugduni Batavorum* 1655, 4. prodierunt, quos cum iuuenis adhuc scripserit Hornius, nec fatis accuratos, nec perfectos fatis adgnoscent eruditi. Secutus illam fuit IACOBVS THOMASIVS

MASIVS in scriptis variis, vtpote in *præfationibus variis*, quæ multum habent ad historiam philosophicam argumenti. Elegantissimum est eiusdem *schediasma historicum*, quo, occasione definitionis vetustæ, qua philosophia dicitur γνῶσις τῶν ὀντων varia discutuntur, ad historiam tum philosophicam tum ecclesiasticam pertinentia, inprimis autem inquiritur in ultimas origines philosophiæ gentilis & quatuor in ea sectarum apud Græcos præcipuarum, hæreseos item Simonis Magi, Gnosticorum, Massalianorum & Pelagianorum, denique Theologiæ mysticæ pariter & scholasticæ, Lipsiæ 1665, 4. Prodiit hoc scriptum postea sub titulo: *origines historie Philosophicæ & ecclesiasticæ*, cura Christiani Thomasi, filii, Halæ 1699, 8. accessit huic editioni index Meditationum Iacobi Thomasi Mistarum. Secutus est ABRAHAMVS GRAVIVS, qui *historiam suam Philosophicam* edidit Franeckere 1674, 8. vbi plerumque in dogmatibus est occupatus. GERARDI IOANNIS VOSSII librum *de philosophorum sectis* continuavit atque supplementa adiecit IOANNES IACOBVS a RYSEL, cuius editio Lipsiæ prodiit 1690, 4. Neque tamen adhuc perfectus est liber, quin multa adhuc addi possint. Elegantissima æque atque perfectissima est THOMÆ STANLEII *historia philosophica*, quam anglico

glico idiomate conscriptam edidit ex editione secunda *Londini 1687, f.* in qua non solum sectæ: sed etiam vitæ, dogmata & reliqua, quæ necessaria, philosophorum veterum eruditissime describuntur. *Historiam Orientalem* ex eadem decerpfit atque in latinum sermonem transtulit IOANNNES CLERICVS *Amstelodami 1691, 8.* Nouiter demum succinctam historiæ philosophicæ delineationem, philosophiæ suæ instrumentali præmisit celeberrimus vir, IOANNES FRANCISCVS BVDDEVS, quæ brevis licet, accuratissima, tamen est. Desudat idem vir celeberrimus in pleniori descriptione historiæ Philosophicæ, quam absolutissimam fore philosophiam Ebræorum, quæ iam publicæ luci exposita, testatur.

§. II.

Patitur tamen hæc classis varias distinctiones pro sectarum varietate. Communiter historia Philosophica diuidi solet in Barbaricam & Græcam, quibus tamen addimus alias species, vtpote Ebræorum, quam alias sub Barbarica comprehendunt, Germanorum, Gallorum & gentium septentrionalium. *Barbaricæ philosophiæ antiquitates* optime descripsit OTTO HEVRNIVS, in libello, quem duplicem proponit, prout fuerit apud Chaldaeos, vel Indos, prodiit *Lugduni*

Lugduni Batauorum 1600, 12. accessit CHRISTIANI BRVNINGI breuiarium philosophiæ Barbaricæ, rarissimus liber. Prolixior vero & ad plures gentes accommodatus est CHRISTIANI KORTHOLTI tractatus de origine, progressu & antiquitate philosophiæ Barbaricæ, Ienæ 1660, 4. Politicæ tantum philosophiæ Barbaricæ specimen edidit BARTEMIVS HOLYDAY Oxonii 1633, 4. quem secutus est ADAMVS TRIBBECHOVIVS, qui de philosophiæ morum inter barbaros Orientales elegantem, edidit dissertationem Kiloni 1666, 4. Addimus etiam FRANCISCI PATRITII oracula Zoroastris, Hermetis Trismegisti & aliorum, græce & latine, Ferrariæ 1591, f. & IOANNEM HENRICVM VRSINVM de Zoroastre Babyloniorum, Noribergæ 1664, 8.

§. III.

Specimen sapientiæ Indorum ex codice Holsteniano græco exhibuit SEBASTIANVS GODOFREDVS STARCKIVS, Lipsiæ 1697, 8. in quo moralia potissimum atque politica videmus exhibita, multa tamen intermixta fabulosa. LALLADII Galatæ de gentibus Indiæ Brachmanibus, AMBROSII de moribus Brachmanum, & alius ANONYMI tractatus iunctim editi cura EDVARDI BISSÆI, Londini 1665. Huc facit etiam PHILOSTRATVS

TVS in *vita Apollonii Tyanei*, quæ *Venetis* prodiit ex Aldina 1502, f. in quo etiam placita philosophiæ Indorum fuerunt commemorata. Ad Persarum philosophiam facit SCHACH SADI *rosarium*, a Georgio Gentio latine versum, quod moralia potissimum continet atque politica, prodiit *Amstelodami* 1651, f. & gallice versum per Andreæm Ryer, *Parisiis* 1634, 8. germanice per Adamum Olearium, *Slesvigæ* 1647, 4. De *Sinensium litteratura* egit egregie THEOPHILVS SPITZELIVS, *Lugduni Batavorum* 1660, 12. Plenius vero philosophia Sinensium exponitur in CONFVCIO, Sinarum Philosopho, siue *scientia Sinica latine exposita studio & opera Prosperi Intorcetta, Christiani Herdtrich, Francisci Rougemont, Philippi Couplet, patrum Societatis Iesu, iussu Ludouici M. in lucem protracto Parisiis* 1687, f. Moralium & Politices, quæ apud Sinenses obtinet, rationem videmus in eo expositam, immo in procemiali declaratione, quam editores præmiserunt, non solum rei litterariæ status plenius exponitur, sed etiam Sinensium Theologia, mores, Christianismus aliaque prima principia. Adiicitur vita Confucii, & subiungitur in fine tabula Chronologica Imperatorum & rerum memorabilium. Promise unt iidem editores etiam Memcium, secundum Sinensium

sium Philosophum, qui vno post Confucium seculo vixit, luci exponere, quæ res æque litteratis gratissima esset, neque tamen adhuc prodiit.

§. IV.

Ebræorum philosophiam præter LAM-
BECIVM in *prodromo rei litterariæ*, qui Ham-
burgi 1659, f. prodiit, in quo de scriptis ante
Mosen erudite disserit, quæ pro supposititiis
habet, & IOACHIMVM IOANNEM MA-
DERVM in præfatione sua *de scriptis & bi-*
bliothecis antediluvianis deduxit ex ipsis E-
bræorum scriptis IOANNES SELDENVS in
erudito suo tractatu *de iure Naturæ & Genti-*
um, Argentorati 1665, 4. IACOBVS BOVL-
DVCCIUS *de ecclesia ante legem* scripsit Lugdu-
ni 1638, 8. vbi indicatur, quis a mundi exor-
dio vsque ad Mosen fuerit ordo ecclesiæ,
quiue ritus & ceremoniæ, vbi etiam inter
alia quædam figmenta de physico libro Eno-
chi & aliis antiquitatibus antediluvianis pro-
ponuntur. Recentior est *sapientia veterum*
Hebræorum per vniuersum terrarum orbem di-
spersa, quam exhibuit EHREGOTT DANIEL
COLBERG *Gryphiswaldi* 1694, 4. Quæ sex
dissertationibus constat, quarum duæ ori-
ginem philosophiæ Ebræorum, reliquæ ve-
ro philosophiam gentilium, fabulas poe-
tarum gentilium & carmina Sibyllina expli-
cant.

cant. Optima vero est, quæ nuper prodiit
 IOANNIS FRANCISCI BVDDEI *introduc-*
tio ad historiam philosophiæ Ebræorum, Hale
 1702, 8. in qua non solum fata huius philoso-
 phiæ a prima sua origine ad nostra vsque tem-
 pora exponuntur, sed etiam eiusdem summa
 traditur multa eruditione, ita vt etiam scripto-
 res in hac parte clari diiudicentur.

§. V.

Ægyptiorum philosophiam ex antiquis
 illustravit IAMBLICHVS, cuius *de mysteriis*
Ægyptiorum librum latine vertit & notis illu-
 stravit Thomas Gale, Oxonii 1678, f. Ex re-
 centioribus NICOLAI CAVSSINI *sapientia*
symbolica commendanda, quæ in notis con-
 sistit ad Hori Apollinis hieroglyphica Colo-
 niæ 1631, & 1654, 8. COELI CALCAGNI-
 NI tractatus *de rebus Ægyptiorum* inter opera
 eius extat. IOANNES BAPTISTA CA-
 SALIVS *de veterum Ægyptiorum moribus sym-*
bolico & hieroglyphico cultu scripsit Romæ 1644,
 4. sed pro more sua congescit potius ex ali-
 is, quam digesit. LAVRENTII RIGNORII
 extant *Characteres Ægyptii*, seu *sacrorum*, qui-
 bus *Ægyptii* vtuntur & *simulacrorum accurata*
delineatio & explicatio, quæ primum Venetiis
 1605,

1605, 4. prodiit, post *Francofurti* 1604, 8. Explicatio est mensæ siue tabulæ Ægyptiacæ indubitatae antiquitatis, quam ex Petri Bembi, Cardinalis museo in suum cimeliarchium transtulerat Vincentius, Mantuæ Dux, ubi cultus Isidis hieroglyphicus, in quo potior philosophiæ Ægyptiorum pars consistit, explanatur. Eandem quoque tabulam explicare suscepit IOANNES FRIDERICVS HERWARTVS ab HOHENBVRG, in libro, cui titulus: *admiranda ethnica Theologia mysteria*, *Monachi* 1626, 4. edita, qui physice eandem intelligi vult, atque de magnete singulas figuras explicat, immo omnes de iis fabulas ad magnetem esse referendas sibi persuadet. Instar omnium tamen sunt opera ATHANASII KIRCHERI, *Oedipus* scilicet *Ægyptiacus*, *Romæ* 1652, f. editus, in quo & templum Isiacum, Gymnasium Ægyptiacum, classes variarum artium Ægyptiis vsitatarum, theatrum hieroglyphicum atque alia descripsit. Eiusdem *Obeliscus Pamphylus*, *Romæ* 1656, f. ubi dum antiquum illum obeliscum Ægyptiacum, *Romæ* ab Innocentio X. erectum describit, etiam de litteratura & cultu Hieroglyphico Ægyptiorum agit. Id quod etiam præstitit in *Obelisco Chigica* seu interpretatione hieroglyphorum Obelisci

bilisci Ægyptiaci Romæ inter rudera Miner-
uæ effossi & *prodromus Copticus*, siue Ægy-
ptiacus, Romæ 1636, 4. IACOBVS TYPO-
TIVS in *hierographia* sua, Pragæ edita, hanc
doctrinæ partem Chaldaeos primum inue-
nisse atque patriarchas vsurpasse adfirmat,
non vero probat. His tamen addi adhuc me-
retur IOANNIS MARSCHAMI *Canon Chroni-*
nicus Ægyptiacus, Ebraeus, Græcus cum disquisi-
tionibus, qui primum Londini prodiit 1678, f.
post Lipsiæ re-ctus est 1686, 4. qui tamen histo-
riam potius & successionem regum erudite sa-
tis examinat.

§. VI.

Suecorum veterum philosophiam at-
que antiquitates illustravit IOANNES LOC-
CENIVS in *antiquitatibus suis Sueo-Gothicis*
Francofurti 1676, 4. Plenius vero illud egit
OLAVS RVDBEKIVS. Prodiit primum
ipsius *Atlantica*, siue *Manheim*, vera Iapheti
posterorum sedes ac patria, ex qua non tantum
Monarchæ & Reges ad totum fere orbem reli-
quum regendum & domandum, stirpesque suas
eo condendas, sed etiam *Scythæ, Barbari, Asæ, Gi-*
gantes, Gothi, Phryges, Troiani, Amazones, Thra-
ces, Lybies, Mauri, Tusci, Galli, Cimbri, Cimme-
rii, Saxones, Germani, Sueui, Longobardi, Van-
dali, Heruli, Gepidæ, Teutones, Angli, Pictones,
Dani, Sicambri aliique virtute clari & celebres
populi

olim exierunt, Vpsalia 1684. f. Titulus de instituto statim docebit. Scilicet, Platonis Atlanticam apud Suecos quærit Rudbeckius hosque matrem omnium gentium esse contendit. Pars secunda prodiit *Vpsalia 1687. f.* in qua Solis, Lunæ ac terræ cultus describitur, omnisque adeo superstitionis huiusce origo parti Sueoniæ Septentrionali vindicatur, ex qua deinceps in orbem reliquum diuulgata est. Tertia eiusdem pars vera veterum Suecorum instituta, aliaque continet. *Philosophiam Druidum* exposuit IANVS CÆCILIVS FREY, *Parisiis 1646. 8.* atque ESAIAS PVFFENDORFIVS, singulari disputatione, quæ *Lipsiæ 1650. 4.* habita, cum aliis eiusdem opusculis prodiit *Halæ 1700. 8.* & præcipue THOMAS SMITH in *syntagmate suo de Druidum moribus ac institutis, Londini 1644. 8.* Germanorum æque philosophiam deduxit in *Germania sua antiqua* PHILIPPVS CLVVERVS, *Lugduni Batavorum 1630. f.* quod de Germanis ætatis sequioris præstitit PAVLVR HACHENBERGIVS in *Germania sua media, Jenæ 1686. 4.* in qua dissertatio sexta de studiis veterum Germanorum ad nostrum potissimum institutum facit. Aliarum gentium philosophiam ab illis descriptam videmus, qui mores & instituta gentium exposuerunt.

§. VII.

Philosophia Græcorum mythica est ex poetis atque mythologis haurienda. *Mythologos Græcos* iunctim edidit THOMAS GALE, *Cantabrigiæ* 1671. 8. latinos THOMAS MVNCKERVS, *Amstelodami* 1683. 8. Egregia est dissertatio IOANNIS CONRADI DVRRII *de rocondita veterum sapientia in poëtis*, in qua declarauit, quantum ex poëtis historia philosophica illustrari possit. Nec minus commendanda est MELCHIORIS GOLDASTI *de cryptica veterum philosophorum disciplina* epistola, quæ Octauiani Ferrarii clauis philosophiæ est præmissa, *Frankofurti* 1606. 8.

VIII.

Pythagoricam philosophiam explicauit ex antiquis MALCHVS, dictus alias PORPHYRIVS, *de vita Pythagoræ atque sententiis Pythagoricis*, qui cum eruditis notis Conradi Rittershusii prodiit *Altdorfi* 1610. 8. IAMBLICHI libri II. *de vita Pythagoræ* extant græce & latine, prior vitam & sectam Pythagoream exponit, alter Pythagoricorum Commentariorum adhortatorias orationes complectitur, *Franeck.* 1596, 4. & cum observationibus Desiderii Heraldi *Parisiis* 1599. 8. Elegantissima est LVCÆ HOLSTENII *dissertatio de vita & scriptis Pythagoræ*, *Romæ* 1630. 8. *Cantabrigiæ* 1655. 8. edita, in qua iusto ordine singula, quæ ad vitam Pythagoræ faciunt, exposuit. Estimandus quoque

que est IOANNIS IACOBI SYRBII *Pythagoras intra sindonem noscendus*, quam introductionem esse voluit historicam in physicam Pythagoream, atque edidit *Ienæ* 1702, 8. in qua potissimum veram ætatem Pythagoræ, eiusdemque cum Ebræis conuersationem iuste atque erudite explicauit.

§. IX.

Aput eosdem Græcos noua philosophandi ratio decem sectas excitauit, quæ omnes nomen & magisterium Socratis iactarunt. Prima & princeps fuit academica, auctore Platone, altera Peripatetica Aristotelis, tertia Stoica, Zenone auctore, qui ciuilem philosophandi rationem præ aliis excoluit. Quarta epicurea erat. Hæ dogmatum solum Socratis habebant rationem, reliquæ vero vitam simul Socratis exprimere studebant. Tales erant philosophia Cynica, auctore Antisthene, Cyrenaica, auctore Aristippo, Eliaca, auctore Phædone, Megarica, auctore Euclide, Eretrica, Menedomo auctore. Dialectica, Chitoma-cho auctore. Extat PLATONIS *oratio pro Socrate* inter opera eius, & præcipue XENOPHON *de factis & dictis Socratis*, libris tribus inter eius opera. Eiusdemque XENOPHONTIS *apologia pro Socrate*, interprete Leonardo Aretino. DANIELIS HEINSII *oratio de vita & moribus Socratis*, Lugduni Beta-

uorum prodiit 1612, 12. LEO ALLATIVS *Socratis* & aliquot Socraticorum edidit *epistolas* atque notas addidit cum dialogo de scriptis Socratis, *Parisiis* 1673, 4. Optimum vero scriptum est IACOBI CHARPENTERII, quod gallice primum prodiit sub titulo: *Les choses memorables de Socrate*, *Parisiis* 1668. 12. postea in Germanicum idioma transtulit CHRISTIANVS THOMASIVS, sub titulo: *Beschreibung der merckwürdigen Dinge des Socratis*, *Halle* 1693. 8. quæ ex Xenophonte translata vitam, mores & dogmata Socratis summa cura exponunt. IOANNES IACOBVS CHIFFLETIVS quoque *Socratem* scripsit atque edidit *Antvverpiæ* 1662, 4. vbi tamen tantum de gemmis, Socratis imagine cælatis iudicat. Elegantissima est. IO. ERANCISCI BVD. DEI *sapientia veterum* dissertationibus aliquot explicata *Halæ* 1699, 4. in qua historia & dicta illustriota septem Græciæ sapientum egregie exponuntur.

S. X.

Philosophiam Platoniam, dictam etiam academicam illustrarunt ex parte etiam scriptores historiæ philosophiæ Pythagoræ. Separatim de ea egit EHREGOTT DANIEL COLBERG, in libello, quem inscripsit *das Platonische Christenthum*, *begreifende die historische Erzählung von Ursprung und viellerley Secten der heutigen fan-*
ti-

tischen Theologie, Erfurt und Leipzig 1690. 8.
 Licet in hoc tractatu non tam Platoniam
 philosophiam, quam Paracelsistarum, Wei-
 gelianorum & similium, qui multum de phi-
 losophia Platonica participarunt, exponat.
 In alio tractatu *de origine & progressu hæresium*
& errorum in ecclesia demonstrare conatus
 fuit, multas hæreses antiquas ex philosophia
 Platonica originem habere.

§. XI.

Proxima est philosophia Aristotelica, de
 qua *circulum pisanum*, siue opus de veteri &
 peripatetica philosophia scripsit CLAUDIUS
 BERIGARDVS, Molinensis, *Patavii 1661. 4.*
De varia Aristotelis in academia Parisiensi for-
tuna egit IOANNES LAVNOIVS, *Hagæ Co-*
mitum 1656. 4. De Scholasticis vero GISBER-
 TVS VOETIVS in Tomo dissertationum se-
 lectarum, & qui de iisdem speciatim com-
 mentati fuerunt egregie, ADAMVS TRIB-
 BECHOVIVS in schediasmate *de scholasticis*
doctoribus & corruptæ per eos diuinarum hu-
manarumque rerum scientia, *Giesse 1668. 4.*
 & IACOBVS THOMASIVS in dissertatione
 historica *de doctoribus scholasticis latinis*,
Lipsiæ 1676. 4.

§. XII.

Epicuri vitam & philosophiam expo-
 suit PETRVS GASSENDVS, de quo su-

pra fuit dictum. Hunc secutus est IO-
ANNES CHRYSOSTOMVS MAGNE-
NIVS, qui hanc philosophiam a praiudi-
ciis vindicavit in *Democrito reuiuifcente*, Ha-
gae - Comitibus 1657. 12. Ad Scepticam philoso-
phiam facit MARTINI SCHOOCKII *scepti-
cismus*, Gröningæ 1652. 8. Sic etiam peculi-
ari scripto de hac secta egit GALENVS.

§. XIII.

Inter recentiores prima est Ramea, a
Petro Ramo sic dicta, de cuius studiis & opti-
mis institutionis legibus egit CASPAR PFAFF-
RADIVS, *Erancofurti* 1597 8. contra quem
tamen pro peripatetica methodo scripserat
PHILIPPVS SCHERBIVS, in *apologia pro A-
ristototele & Euclide*, contra Petrum Ramum
& alios. *Cartesiane philosophiae historiam* de-
scripsit IOANNES TEPELIVS, *Noribergæ*
1674. 12. Dogmata præcipua & ipsius Car-
tesii vitam descripsit DANIEL LIPSTOR-
PIVS, in *speciminibus philosophiae Cartesiane*,
Lugduni Batavorum 1653. 4. Extat etiam
VALENTINI ALBERTI tractatus de *Carte-
sianismo & Cocceianismo*, *Lipsiæ* 1678. 4. & IO-
ANNES CHRISTOPHORVS STVRM de
Cartesianismo & Cocceianismo, *Altdorfi* 1677. 4.
& doctorem aliquot virorum in *acedemia Loua-
niensi iudicia de hac philosophia*, *Louanii* 1654.
4. Vitam Cartesii scripsit & catalogum
omni-

omnium operum eius PETRVS BORELLVS edidit *Parisiis 1686. 8.* GERHARDVS de VRIES dissertatiunculam historico - philosophicam conscripsit *de Renati Cartesii meditationibus a Petro Gassendo impugnatis, Ultraiekti 1691. 8.* Optima vero vitæ Cartesianæ est descriptio, quam tecto nomine conscripsit ADRIANVS BAILLETVS, atque euulgavit *Parisiis 1691. 4.* ubi in præfatione ostendit, ea quæ antea edita, non nisi pro meris fragmentis, adeoque imperfecta esse habenda. Morhofius quoque polyhist. lib. I. c. XXV. p. 316. testatur. Chaunutum, Galliaë regis apud Suecos legatum eius vitam scripsisse, quæ tamen cum nusquam adpareat, forsan adhuc in manuscripto latet. Nulla philosophiæ species post Aristotelicam tot vel defensores vel aduersarios fuit nacta. Infensissimi eius hostes fuerunt Gisbertus Voetius, Martinus Schookius, Thomas Hobbesius, Iacobus Reuius, Cyriacus Lentulus, Henricus Morus, Petrus Gassendus, Reimerus Vogelsang atque alii, qui omnes contra eandem vel scripserunt vel docuerunt.

§. XIV.

Pergimus ad scriptores polemicos, siue eos, qui vel consensum vel dissensum variarum inter se sectarum philosophicarum monstrarunt. De IACOBI MARTINI

*discussionibus Ramisticis & PHIL. SCHERBII dissertationibus pro philosophia Peripatetica aduersus Ramistas iam supra dictum fuit: accedunt IOANNIS REGII disputationibus selectissimæ, in quibus Rami nugæ profligantur, Witteberga 1608. 4. E contrario FREDERICVS BEVRHVSIVS, ANDREAS KRAGIVS, aliique pro philosophia Ramea scripserunt. Magis adhuc exercuit eruditos philosophia Cartesiana. Nolumus iam singulos vel aduersarios vel propugnatores hic notare, de potioribus tantum hic nobis sermo erit. Acerrimus aduersarius fuit IACOBVS REVIUS, qui scripsit *Methodi Cartesianæ considerationem Theologicam, Lugduni Batavorum 1648. 12. stateram philosophiæ Cartesianæ amstelodami 1653. 12, & cum TOBIAS ANDREÆ adsertionem methodi Cartesianæ contra Reuium ederet Gröningæ 1653. 8. respondet ipsi Reuius singulari tractatu, quem inscripsit Thekel h. e. leuitas defensionis Cartesianæ, Briela 1653. 12. Sic etiam CYRIACVS LENTVLVS Cartesium triumphatum scripsit & nouam sapientiam ineptiarum & blasphemiae conuictam, Francofurti 1653. 4. Elegantissima vero est PETRI DANIELIS HVETII censura philosophiæ Cartesianæ, quæ primum Parisiis 1689. 8. ptodiit, post Helmstadii cura Meibomii recusa fuit, in qua**

qua potiores Cartesii sententias ad incudem reuocat. Plures adhuc fuerunt, qui Cartesii defensionem susceperunt. GERHARDVS de VRIES quidem in *dissertatione sua historico - philosophica* per Cartesii scripta, nullas in Theologiam nouitates inuehi notat. Idem iam ante egerat CHRISTOPHORVS WITTICHIVS, in *consensu S. Scripturae cum veritate Philosophiae Cartesianae Neomagi 1659. 8.* Quam secuta est eiusdem *Theologia pacifica*, in qua varia problemata ventilantur, simul vsus philosophiae Cartesianae in diuersis Theologiae partibus demonstratur, *Lugduni Batavorum 1675. 4.* *Elementa philosophiae Hobbesianae* cum Moralis, tum ciuilis refutauit RICHARDVS CUMBERLAND in *disquisitione de legibus Naturae*, *Londini 1674. 4.* Sic etiam extat *praxiologia apodictica seu philosophiae Moralis demonstratiua*, *pythanolgia Hobbesianae opposita Francof. ad Viadrum 1677. 4.* & SETHI WARDI *exercitationes epistolicae in Thomae Hobbi philosophiam*, *Oxonii 1656. 8.* Spinozae philosophiam axaminauit CHRISTOPHORVS WITTICHIVS in *anti Spinoza, seu examine ethico Benedicti de Spinoza & commentario de Deo & eius attributis*, *Amstelodami 1690. 4.* Si omnia scripta critica hic loci velimus recensere, nec tempus nec chartae sufficerent

§. XV.

Pergimus ad eos, qui rationem & methodum studii philosophici instituendi scripserunt. Qualis est SEBASTIANVS FOXIUS *de studii philosophici ratione*, Witteberge 1594. 8. ANTONIVS POSSEVINVS *in adparatu suo*, quem tomo secundo bibliothecæ, selectæ præmisit, Venetiis 1603. f. Huc faciunt etiam scriptores de studiis instituendis in genere, qui inter alia etiam studii philosophici rationem habent, de quibus tamen in bibliotheca Philoïogica dicendi sermo erit. Aestimari tamen merentur GVILIELMI BVDÆI *de transitu Hellenismi ad Christianismum* libri tres, Parisiis 1556. f. quibus transitum docet a scientiarum vanitate ad veram philosophiam, quam in cœlesti solum doctrina quærendam esse non minus pie ac concinne inculcat. Cui iungendus est IOANNIS FRANCISCI MIRANDULÆ liber *de studio diuinæ atque humane sapientiæ*, qui prodiit cum præfatione IOANNIS FRANCISCI BUDDEI, Hale 1702. 12. in quo docet, quod studia fanioris philosophiæ bene possint consistere cum Christianismo.

§. XVI.

Alii dederunt pædias vel introductionem in ipsam philosophiam. Qualis est IOANNIS SEYBOTHII *pædia philologica & philo-*

philosophica, Noribergæ 1636. 8. Sic etiam extat *MARII NIZOLII de veris principiis & vera ratione philosophandi* liber contra pseudophilosophos a Leibnützio editus *Francofurti 1670. 4.* Elegantissimum vero scriptum est, & præ reliquis omnibus æstimandum *FRIDERICI SCHERERTZII de recta philosophia, Lugduni Batavorum 1662. 12,* dignum, ut in omnium manibus versetur, cum in eo demonstret, in quo vera philosophia consistat, & ad quid maxime in eodem veniat attendendum. Quod si in philosophiam peripateticam introductionem quis quaerat, uti poterit *PETRI IOANNIS NUNNESII institutione peripatetica Hemlstadti recusa 1667. 4,* & quæ hac in parte optima est *isagoge in lectionem Aristotelis MICHAELIS PICCARTI,* a Ioanne Conrado Dürrio edita *Altdorfi 1665. 8.*

§. XVII.

Peculiarem classem faciunt ii, qui systemata philosophica scripserunt, de quibus tamen cum iam in capite primo inter fontes fuerit dictum, eo nos remittimus. Faciunt autem ad hanc classem potissimum philosophia *IO. ANDREÆ SCHMIDTII,* *IOANNIS FRANCISCI BVDDEI,* *IOANNIS CLERICI,* *IOANNIS SPERLETTE*
atque

atque aliorum, qui singulas philosophiæ partes iuste exposuerunt.

CAPVT QVARTVM

DE

SCRIPTORIBVS PHILOSOPHIÆ INSTRUMENTALIS, SCRIPTORIBVS LOGICIS, METAPHYSICIS ET HERMENEUTICIS.

§. I. *Scriptores logicæ Aristotelicæ.* §. II. *Scriptores logicæ Cartesiana.* §. III. *Scriptores, qui ex mathesi, & experimentis logicam deducunt.* §. IV. *Scriptores logicæ eclectici.* §. V. *Scriptores logicæ speciales.* §. VI. *Scriptores metaphisici ad mentem Aristotelis.* §. VII. *Scriptores metaphisici, qui a mente Aristotelis recedunt.* §. VIII. *Scriptores Hermeneutici.*

§. I.

IN philosophia primam partem ferunt scriptores Logici, qui tamen vti & reliquarum philosophiæ partium scriptores secundum triplicem methodum veniunt considerandi, peripateticam, Cartesianam & eclecticam. Inter peripateticos quidem commendatur IOACHIMI IUNGII, FRIDEMANNI BECHMANNI & IOHANNIS PVULI HEBENSTRITII logica, quæ sæpius apud nos recusat.

§. II.

Si Cartesianorum spectemus principia, optima est ANTONII le GRAND *logica*, quæ inter alia eiusdem opera philosophica edita est, & IOHANNIS CLAUBERGII *logica*, quæ inter alia eiusdem opera, cura Ioannis Theodori Schalbruchii edita extat *Amstelodami 1691. 4.* atque postea in compendium redacta fuit *Marburgi 1695. 12.* licet adhuc terminis, prædicamentis & syllogismis nimium inhærent. Eandem commendare conatur MALEBRANCHE de invenienda veritate, *de la recherche de la vérité, où l'on traite de la nature, de l'esprit de*

de l'homme & de l'usage, du' il en doit faire pour eviter l' erreur dans les sciences à Paris 1671 & 1678. 8. Amsterdam 1688. 12.

§. III.

Ex mathesi & experimentis incognitas veritates docet detegere IOANNES EHRENFRIED WALHER de TSCHIRNHAUSEN in sua *medicina mentis*, ex recentiori, eademque auctiori editione *Lipsiæ 1695. 4. facta.* Elegantissimum quoque scriptum est IOANNIS LOOCKII *de mente humana.* Huius epitomen primum Bibliothecæ suæ uniuersali inseruit Clericus, vbi in Tomo VIII. p. 49. sub hoc titulo continetur: *extrait d' un livre Anglois. qui n' est pas encor public, intitulé essay Philosophique concernant l' entendement, ou l' on montre quelle est le' etendue de nos connoissances certaines, & la maniere dont nous y parvenons.* Altero anno ipse hic liber anglice prodiit, sub titulo *an essay concerning humane onderstanding in four Books Londini 1690. f.* qui tamen postea in latinam translatus prodiit *Londini 1691. f.* Controversiam autem de hoc tractatu habuit Loockius cum Eduardo Stillingfletio, qui cum in *vindiciis pro doctrina de SS. Trinitate Lond. 1697. 8. editis*, aliqua contra sentiret circa substantias atque personæ distinctionem, quam nullam esse dicit Loockius, litteris ad eundem

eundem datis atque *Londini 1697. 8.* editis eundem respondet, atque inde binis adhuc litteris inter utrosque agitatum est.

§. IV.

Inter eclecticos numeratur *essay de logique, contenant les principes des sciences & la maniere de s'en servir pour faire des bons raisonnemens à Paris 1678. 12.* in quo multa reperiuntur singularia. Quam æstimata sit a multis *ars cogitandi & logica de Portroyal* satis constat. Inter præcipuas vero habenda est IOANNIS CLERICI *logica, siue ars ratiocinandi*, quæ prodiit *Amstelodami 1692. 8.* & præ cæteris ad usum omnium disciplinarum maxime faciunt scripta THOMASIANA, *introduc tio* scilicet *ad logicam* cum eiusdem praxi, eiusdemque *introduc tio ad philosophiam aulicam*, id quod etiam postea vernaculo sermone sub titulo *Einleitung und Ausübung der Vernunft - Lehre* præstitis. Contrarius ex parte Thomasio est GOTTLIEB GERHARDVS TITIVS, in *arte sua cogitandi*, quæ *Lips. 1702. 12.* prodiit, & succincta licet sit, singularia tamen quædam circa generalia eruditionis & habitum disciplinæ generalem profert. Taceo iam CHRISTIANI WEISII *logicam*, duabus partibus comprehensam, quarum prior comprehendit terminorum simplicium & syllogismorum notitiam, poste-

posterior ipsam praxin atque vsum locorum dialecticorum in eloquentia, prodiit *Lipsia* 1695. 8. Taceo SAMVELIS GROSSERI *pharum veritatis* & scripta similia, iis præfertim vsitata, qui auctorum subsellia frequenterunt.

§. V.

Nolumus iam coarceruare omnes scriptores Logicos speciales, cum alii axiomata logica, vt Danhauerus, Cùpius: alii puæstiones, alii controuersias, & similia logica scripserunt, quæ tamen pleraque parui vsus esse, atque ad corrumpendum magis vtilia omnes adgnoscent. Sufficiat nobis hic adduxisse IOANNEM PETRVM LVDOVICVM, professorem apud Halenses, promississe *polyhistorem Logicum*, in eademque se tractaturum de logica Adami, Promethei, Iobi, Salomonis, Cabula Iudæorum, de inuentioe dialecticæ Græcoum, de sectis Logicorum apud Græcos, de logica Aristotelis eiusque fatis, de Logicæ emendatoribus aut inuentoribus nouarum, de Logica Iudæorum, Christi & Pauli, de Logica Sinensium, de logica Arabum atque Turcarum, Druidarum, de logicis græcis, Ebraicis, latinis, gallicis, anglicis, germanicis. Sed eundem adhuc expectamus.

§. VI.

§. VI.

Scriptores Metaphysici olim magna cura euoluebantur, nunc autem plerique sæpius in tabernis reperiuntur, quam officinis librariis. Æstimabatur olim IOANNIS SGHARFII *metaphysica exemplaris*, Wittebergæ 1659, 8. Eiusdem *theoria transcendentalis Metaphysica*, Wittebergæ 1629, 8. CLEMENTIS TIMPLERI *systema metaphysices*, Francofurti 1690, 8. IACOBI THOMASII *erotemata metaphysica*, IOANNIS WEISII *metaphysica*, & quas in hac academia habemus, DANIELIS STAHLII *metaphysica*, VALENTINI VELTHEMII *Metaphysica exemplis illustrata*, & quæ ex genuinis Scholasticorum principiis deducta est IOANNIS PAVLI HEBENSTREITII. Wittebergenfes æstimant ABRAHAMI CALOVII *metaphysicam*, Lipsienses IOANNIS HENRICI POSEWITZII *metaphysicam Theologicam*. Inter systemata Metaphysices habenda est CHRISTIANI DREIERI *sapientia s. philosophia prima*, ex Aristotele aliisque Commentatoribus conscripta, Regiomonti 1644, 4. quæ ob acutam philosophandi rationem in metaphysicis æstimatur præ cæteris. Sunt præterea CASPARIS EBELII *metaphysica*, Marpurgi 1618, 4. CHRISTOPHORI SCHEIBLERI *opus Metaphysicum*, & qui patres metaphysices habentur PE-

TRVS FONSECA in *Commentariis* suis in *Aristotelis Metaphysicam* & FRANCISCI SVARETZII *metaphysicam*.

§. VII.

Fuere tamen, qui a methodo Aristotelica alieni, tale quid tentarent. Primus sine dubio fuit THOMAS CAMPANELLA, cuius metaphysica prodiit *Parisiis 1683, f. 3. vol.* in qua metaphysices principia statuit necessitatem, fatum, harmoniam. Recentior est IOANNIS CLERICI *ontologia & Pneumatica, Amstelodami 1692, 8.* & qui eam nuper paucis tantum paginis in philosophia sua instrumentali absoluit IOANNES FRANCISCVS BVDDEVS.

§. VIII.

Scriptores Hermeneutici ex Aristotelicorum sententia referendi sunt ad Logicos. Ipse Aristoteles *ὑπὲρ τῆς ἑρμηνείας* egit, ubi vero nihil occurrit, quam doctrina de nomine & verbo. de affirmatione & negatione, tandemque de enunciatione. Quæ omnia, etsi nec ad intelligendos scriptores, nec ad indagandas alijs generis veritates multum valeant, magno tamen adplausu recepta ab eius sectatoribus, in omnibus libellis logicis ad nauseam usque inculcantur. Inuenti tamen sunt, qui dictum Aristotelis librum, mira quasi mysteria in

recessu habentem operosis commentariis illustrarunt. E quibus præstantiores putantur MICHAEL PSELLVS, in *paraphrasi* in dictum librum, *Venetis 1503, 4. Lipsiæ 1506, 4.* THOMAS AQUINAS in libro *Ἐξήγησις, Ἐ posteriora analyticorum*, *Parisii 1646, f.* ALPHONSVS BAROVIVS in librum *Aristotelis de interpretatione*, *Venetis 1569, f.* ANITIVS BOETIVS *de isagoge Porphyrii in categorias Ἐ librum de interpretatione*, *Venetis 1491, f.* Præ omnibus vero laudatur IACOBVS SCHEGKIVS, qui commentarium suum in dictum librum aliosque Aristotelis vulgavit, *Tubingæ 1570, f.* Sed, quemadmodum hi omnes interpretandi rationem parum adiuuant, ita maiorem hac in parte laudem merentur IOANNES LVDOVICVS VIVES in *ratione studendi ac legendi interpretandique auctores*, quæ edita est *Tiguri 1562, 8.* LAVRENTIVS HVMFREDVS *de ratione interpretandi auctores*, *Basileæ 1559, 4.* IOANNES CONRADVS DANHAVERVS in *idea boni interpretis, Ἐ malitiosi calumniatoris*, *Argentorati 1670, 8.* PETRVS DANIEL HVETIVS in libris duobus *de interpretatione*, quorum prior est de optimo genere interpretandi, alter de claris interpretibus, *Parisii 1661, 4. Ἐ Stade 1680, 8.* Egregium est scriptum IOANNIS

CLERICI *de arte Critica*, quod prodiit *Amstelodami 1698, 8.* in quo potissimum occupatus est, vt doceat, qua ratione veri scriptores a supposititiis possint distingui, & regulas quasdam hermeneuticas præscribit. Hanc ita pridem IOANNIS HENRICI ERNESTI *compendium hermeneuticæ profanæ s. de legendis scriptoribus profanis præcepta nonnulla* prodierunt *Lipsiæ 1699, 12.* quod ob breuitatem & perspicuitatem commendatur. Huc facit etiam IOANNES CLAVBERGIVS in parte tertia Logicæ & CHRISTIANVS THOMASIVS in Logica sua, aliique scriptores, quorum aliquos in præfatione ad Guarini tractatum de modo docendi & discendi simul adduximus. Vt taceam illos, qui de lingua vniuersali, quale specimen in Collegio suo curioso proposuit Sturmius, vel alphabeto naturæ egerunt, vti FRANCISCVS MERCVRIVS HELMONTIVS. Huc facit etiam GVILIELMI POSTELLI *alphabetum*, introductionem & legendi modum linguarum XII. characteribus differentium continens, *Parisiis 1538, 8.* Licet hæc ingeniosa magis sint, quam utilia.

CAPVT QVINTVM

DE

SCRIPTORIBVS PHILOSOPHIÆ THEORETICÆ, PHYSICIS THEOLOGIÆ NATVRALIS ET PNEVMATICIS.

- §. I. *Qui de physicis scriptoribus egerint.* §. II. *Antiquiores scriptores physici.* §. III. *Scriptores physica Aristotelici.* §. IV. *Scriptores physica Cartesiani.* §. V. *Scriptores physica Epicurea.* §. VI. *Scriptores physica eclectica.* §. VII. *Scriptores, qui per sola experimenta naturalem philosophiam illustant.* §. VIII. *Scriptores physica Hermetica.* §. IX. *Scriptores de anima.* §. X. *Scriptores de homine.* §. XI. *Scriptores de animalibus & insectis..* §. XII. *Scriptores de plantis.* §. XIII. *Scriptores de cælo, æthere & terra.* §. XIV. *Scriptores de luce & meteoris.* §. XV. *Scriptores de fluuiis & montibus.* §. XVI. *Scriptores de metallis.* §. XVII. *Scriptores de magnete & virgula diuinatoria.* §. XVIII. *Scriptores ephemeridum curiosarum..* §. XIX.

§. XIX. *Scriptores de museis curiosis.*

§. XX. *Scriptores pneumatici.* §. XXI. *Scriptores de Theologia naturali.*

§. I.



Inter physicos scriptores primo loco commendandum DANIELIS GEORGII MORHOFII *systema physicum*, quod tamen in manuscripto adhuc latet, in cuius priore parte physici scriptores secundum sectas suas recensentur; in altera vero naturalis doctrinae principia traduntur egregie. Quo etiam facere potest HERMANNI CONRINGII tractatus *de natura physices*, eiusdemque auctoribus, *Helmstadii 1657, 4.*

§. II.

Inter antiquiores varii fuerunt, qui physicam exponerent. THALES MILESIUS, vnus ex septem sapientum numero primus omnium quaesuisse dicitur de causis naturalibus, Lactantio diuinarum Institutionum lib. I. c. V. atque omnium rerum principium aquam esse voluit. Secuti illum varii, inter quos OCELLVS LVCANVS *de natura vniuersi*, LVCRETIVS poeta, PLINIVS in historia
natu-

naturali, & qui eius epitomen exhibet SOLI-
NVS, atque alii.

§. III.

Physici autem Scriptores in varias clas-
ses veniunt distinguendi. Physicam Aristotelis
olim diligentissime exposuit BENEDICTVS
PERERIVS *de omnibus omnium rerum natu-
ralium principiis & affectionibus, Colonia 1595, 8.*
IOANNIS LVDOVICI HAVENREUTER
*compendium in libros VIII. physicorum, Fran-
cofurti 1600, 8.* & auctores collegii Conimbri-
censis. Maxime commendantur IOANNIS
SPERLINGII *institutiones physicae, Wittebergæ
1649, 8.* licet non vbique mentem Aristotelis
intellexisse videatur.

§. IV.

Sed, cum hæc Aristotelis physica ob næuos
suos rarissimos reperiat æstimatores, CARTE-
SIVS postea eandem plerisq; in partibus emen-
davit, id quod etiam experimentis suis mathe-
maticis feliciter præstitit. Secutus eandem fuit
HENRICVS REGIVS, cuius *philosophia na-
turalis, quæ Amstelodami 1654, 4.* prodiit, com-
pendium est philosophiæ Cartesianæ, licet non
satisfaciat omnibus. Præter hunc extat AN-
TONII le GRAND *physica, Amstelodami 1664,
4.* ARNOLDI GEVLINX *physica*, quæ
cum Cornelii Bontekoe metaphysica, extat,
Lugduni Batavorum 1688, 8. post cura Caspa-

ris Langenhert prodiit *Franeckerae* 1688, 4. cui editioni etiam brutum Cartesianum accessit. IACOBI ROHAVLTII *physica* gallice primum prodiit *Parisiis* 1671, 4. & *Amstelodami* 1671, 12. post latinitate donata per Theophilum Bonetum, cum animaduersionibus Antonii le Grand edita, primum *Geneua* 1694, 8. post *Londini* 1682, 8. Hæc nititur principiis Cartesianis, quæ multis experimentis in regia Parisiorum academia factis confirmatur. Combinare hæc Cartesianorum principia cum Aristotelicis voluit IOANNES CASPARVS SVICERVS in *compendio physicae suæ*, *Amstelodami* 1685, 8.

§. V.

Epicuream philosophiam restituere conatus fuit PETRVS GASSENDVS, cuius opera coniunctim prodierunt *Lugduni* 1658, f. In compendium eadem redegit FRANCISCVS BERNIER in *abbregé la Philosophie de Gassendi en VII. Tomes a Lion* 1684. 12. Secutus Gassendum fuit WOLFERDVS SENGWERDVS, cuius *philosophia naturalis* quatuor partibus primarias corporum species, affectiones, vicissitudines & differentias exhibens prodiit *Lugduni Batavorum* 1681, 4. Post hanc edidit *Inquisitiones experimentales*, quibus naturæ operandi ratio in nonnullis detegitur & mechanice

ex-

exponitur; effectus ex ea resultantes exhibentur, ad causas reuocantur, experimentis & ratiociniis illustrantur, *Lugduni Batavorum 1690, 4.* licet medius incedere velit, inter Cartesianos & Democriteos. Eiusdem corpuscularis philosophiæ adsecla est FRANCISCUS BACO de VERVLAMIO in *philosophia sua naturali, Amstelodami 1953, 8.* & in variis scriptis ROBERTVS BOYLE, inter quæ præcipuum est Eiusdem *origo formarum & qualitatum iuxta philosophiam corpuscularem, considerationibus & experimentis illustrata ex anglice latino reddita Oxonii 1669, 12. Genevæ 1688, 4.* & similes eiusdem tractatus, quorum perplures sunt. Eandem philosophiam sectatur GVILIELMVS LAMMY in libris tribus *de principiis rerum*, qui *Parisiis 1680, 12.* prodierunt, ubi tamen in primo & secundo libro æque principia Philosophiæ Aristotelicæ atque Cartesianæ exponit, in libro tertio vero huius Democriteæ, quæ fidei lumine corrigenda esse existimat.

§. VI.

Inter eclecticos primum atque præcipuum habemus IOANNEM CHRISTOPHORVM STVRMIVM, cuius *physica conciliatrix Noribergæ 1687, 12.* Aristotelem cum Cartesio conciliat. In hanc quasi

Commentarius est Eiusdem *physica electi-
ua*, cuius prior tamen tomus tantum par-
tem physicæ generalem complectens prodi-
it Noribergæ 1697, 4. Antea prodierat Col-
legium eiusdem *experimentale*, seu *curiosum*,
in quo primaria huius seculi inuenta & ex-
perimenta physico-mathematica, ad me-
thodum naturis suis conuenientem redigun-
tur, cuius pars prior Noribergæ 1676, 4. pars
secunda Noribergæ 1685, 4. prodiit. Æstimantur quoque scripta MARIOTTI, varia, ut-
pote *essays de Physique, où Memoires pour ser-
vir à la science des choses naturelles premier
essay de la vegetation des plantes à Paris 1676,
12. seconde essay de Physique, de la nature de
l'air, à Paris 1679, 12. troisieme essay de physi-
que de chaud & du froid, Paris 1679, 12. qua-
trieme essay de Physique de la nature de couleurs
à Paris 1680, 12.* Singula sunt exactissima, at-
que certissimis experimentis confirmantur.
IOANNES BAPTISTA du HAMEL, præter
alia philosophica, multum quoque præsti-
tit in physicis. Extant enim eiusdem *de
corporum affectionibus cum manifestis, tum oc-
cultis libri duo, seu promota per experimenta phi-
losophiæ Specimen, Parisiis 1670, 12. de corpore
animato libri IV, seu promota per experimenta
philosophiæ specimen alterum, Parisiis 1673, 12.
de mente humana libri IV, Parisiis 1672, 12. de*
con-

consensu veteris & nouæ philosophiæ libri IV, seu promota per experimenta philosophiæ pars prima, Rothomagii 1669, 12. HONORATVS FABER in *physica* sua, quæ in decem tractatus distributa *Lugduni* edita est 1669, 4. Aristotelis quidem scholam in plerisque sequitur, ob experimenta tamen commendatur. Paucos ante annos CHRISTIANVS THOMASIVS edidit *den Versuch vom Wesen des Geistes, Halle 1699, 8.* quod scriptum prodromum esse voluit maioris operis, & quidem principia sua de materia & spiritu, omnium rerum principiis exponit, sed cum aduersarium de eadem nactus fuisset, eidem responderet in præfatione ad opuscula sua germanica. Elegans est IOANNIS CLERICI *physica*, siue de rebus corporeis libri V, *Amstelodami 1698, 8.* cum aliis eiusdem edita, atque sanis rationibus firmata. Singulares quasdam sententias fouet in principiis *physicæ* NICOL. HARTSOECKER, quæ prodierunt *Parisiis 1696, 4.* ubi duo rerum naturalium esse elementa statuit, vnum infinite extensum, alterum finite extensum.

§. VII.

Per sola experimenta naturalem philosophiam qui illustrant, præcipui sunt A-
THA-

THANASIVS KIRCHERVS & FRANCISCVS TERTIVS a LANA. Ille quidem in *mundo subterraneo*, quem in libros XII. digessit, atque edidit *Amstelodami 1665, f.* & in *physiologia experimentis comprobata*, *Amstelodami 1674, f.* edita. Hic, in *magisterio naturæ & artis*, opere physico-mathematico, cuius tomus primus prodiit *Brixia 1684, 4.* alter *1688.* tertius *Parma 1692, 4.* Aristotelem quandoque sequitur, nec tamen eiusdem solum principiis innititur, sed eclecticum plerumque agit. Ex Kircheri scriptis *physicam suam curiosam* digessit CASPAR SCHOTTVS, *Noribergæ 1666, 4.* editam. Magni fiunt ab eruditis ISAACI NEWTONI *philosophiæ naturalis principia*, *Londini 1688, 4.* edita. Plane egregia vero est Domini de STAIR *physiologia nova experimentalis*, quæ ex anglico latine versa prodiit *Lugduni Batavorum 1686, 4.* in qua medius incedit inter Gassendum & Cartesium, atque singula sua variis comprobat experimentis. Sola sunt experimenta, quæ sine ordine collegit DANIEL SCHWENTERVS in *deliciis suis Mathematicis*, quas continuavit GEORGIVS PHILIPPVS HARSDÖRFERVS. Magis tamen æstimanda sunt MARINI MERSENNI *cogitata physico-Mathematica*, *Paris 1647, 4.*

§. VIII.

Ex principiis chymicis physicam suam Hermeticam deduxit HENRICVS NOLLIVS, quæ prodiit *Francofurti 1619, 8.* Ex iisdem profluit IOANNIS BAPTISTÆ HELMONTII *physica inaudita, Lugduni 1667, f.* quæ multa circa principia physica, atque medica emendat. IOANNIS d' ESPAGNET vero *enchiridion physicæ restituta*, quod *Genevæ 1694, 8.* recusum est, breuiter, sed neruose principia chymicorum, physica exponit. IOANNES IOACHIMVS BECHERVS in *physica sua subterranea*, quæ cum supplementis duobus prodiit *Francofurti 1675, 8.* & nuper recusa est causas & naturas metallorum solide explicat.

§. IX.

Fuere tamen alii quoque, qui certas tantum partes rationibus vel experimentis comprobarunt. Nobilior pars tractationis physicæ est de anima. Tacemus iam MELANCHTONIS, SCHEIBLERI, PICCOLOMINI & similium scripta de anima hodie abolita, recentior atque utilior longe est tractatus de CORDEMOY *le discernement du corps & de l'ame, a Paris 1666, 12.* qui tractatus postea sub titulo: *de corporis & mentis distinctione* in latinum translatus

latus prodiit *Genevæ* 1679, 12. Functiones animæ optime explicauit DANIEL DVNCAN in tractatu suo, quem inscripsit *explication nouvelle & Mechanique des actions animales à Paris* 1678, 12. In quo, vt eo melius proficiat, cerebrum quoque hominis tanquam sedem animæ examinat. De *anima belluarum* scripsit MARTINVS SCHOOCKIVS, *Gröningæ* 1658, 4. Tacemus iam celebrem olim controuerfiam de traduce, seu propagatione animæ, quæ inter Sperlingium & Zeisoldum fuit disceptata, hodie abolitam. Nuperrime tamen eandem quæstionem iterum indagauit BARTHOLOMÆVS CORTE in *epistola* sua *ad Alfonsum Lodi* scripta atque edita 1702, 8. de tempore, quo anima rationalis foetui infundi soleat, in qua contra sententiam ab ecclesia Romana receptam defendit, eo ipso tempore, quo in ouulo viuere incipiat foetus humanus, fieri animæ rationalis cum corpore intimam commixtionem.

§. X.

De homine scriptores haut pauci sunt. Plures sunt ex antiquis, quos tamen reticemus, RENATI CARTESII *de homine* tractatus *Amstelodami* 1664, 4. prodiit. Eiusdem principia sectatur HENRICVS GER-

GERARDVS HERFELDVS, cuius *philosophicum hominis de corporis humani machina, deque centro, nobili sede seu vinculo mentis tractans*, confirmatum obseruationibus anatomicis Willisii, Bartholini, Malpighii, Fracassati, Harvæi aliorumque editum *Amstelodami 1685, 8.* postea recusi in *Lugduni Batavorum 1687, 8.* Post hunc prodiit THEODORI CRAANEN tractatus physico-medicus *de homine, Lugduni Batavorum 1689, 4.* Auctoris potissimum est institutum mechanismum status humani demonstrare, id quod etiam ex recentiorum aque, atque antiquorum principiis haut male demonstravit. Paragraphen in eundem scripsit DAVID GRÆBNERVS in *medicina veteri restituta*, quæ *Lipsiæ 1695, 4.* prodiit, in qua demonstrare voluit, noua non esse, quæ Craanen proposuit, sed vel ex Hippocratis vel Galeni scriptis depromta. FRANCISCI TIDICÆI extat. *Humanitatis Horizon, seu conformata hominis cum mundo commendatio*, *Lipsiæ 1638, 4.* De Circulatione sanguinis & medici agunt in scriptis suis physiologicis & physici. Quo faciunt *Recentiorum disceptationes aliquot de motu cordis, sanguinis & chyli in animalibus*, *Lugduni Batavorum 1647, 4.* coniunctim editæ. In his continentur GVILIELMI HARVÆI *de motu*
cor-

cordis & sanguinis exercitatio anatomica, cum refutationibus ÆMYLII PARISINI & IACOBI PRIMEROSII, aliaque.

§. XL.

Alii se in describenda historia animalium exercuerunt. Extat ARISTOTELIS *de animalibus exteris* fragmentum historiae animalium, in quod commentatus fuit IVLIVS CÆSAR SCALIGER, *Tolosa 1619, f.* Extant quoque hac in parte scripta IO. IONSTONI, *historia quidem naturalis de quadrupedibus, Francofurti 1652, f. historia naturalis de piscibus & cetis, Francofurti 1649, f. historia naturalis de auibus, Francofurti 1650, f.* Recentior quidem est, magis tamen adhuc æstimatur CONRADI GESNERI *historia animalium*, quæ Tiguri 1551, f. libris quinque prodiit. Huic præferenda sunt scripta VLYSSIS ALDROVANDI *ornithologia, de piscibus & cetis, de animalibus insectis, de animalibus ex sanguibus, de quadrupedibus solidipedibus & alia*, quæ Bononiæ primum edita, post Francofurti recusa, licet Bononiensis editio splendidior non solum fit, sed etiam accuratior. Hic enim non solum physice historiam animalium tractat, sed etiam ex historiis, fabulis atque morali-
bus eandem illustrat *Piscium & aquatiliū historiam* perduxit GVILIELMVS RONDELETIVS, *Londini 1554, f.* Melior tamen adhuc
est

est FRANCISCI WILLVGBEII *historia piscium*, quæ cura Ioannis Raii prodiit Oxonii 1686, f. atque hodie præcipua habetur. WOLFGANGI FRANTZII *historiam animalium* cum commentariis & supplementis edidit Ioannes Cypriani, quæ non inelegans est, & studiosis Theologiæ adprimis utilis. Licet SAMVELIS BOCHARTI *Hieroicon* sit præstantissimum, vtpote in quo de animalibus, quorum in sacra Scriptura fit mentio, agit, prodiit Londini 1663, f. & Francofurti ad Mœnum 1675, f. Multa tamen transumisse videtur ex IOANNIS BVSTAMANTINI tomis duobus *de animalibus sacre Scripturæ*, Compluti 1595, 4. Lugduni 1620, 8. Continuauit Bochartum IOANNES HENRICVS MAIVS in tractatu suo *de historia animalium*, Durlaci 1686, 8. Non prætereundi sunt scriptores, qui de anima vel ratione brutorum egerunt. Inter quos primo loco nominari merentur THOMÆ WILLISII *de anima brutorum* exercitationes duæ, Oxonii 1672, 4. editæ, quarum prior est physiologica, altera pathologica. ANTONII le GRAND dissertatio extat *de carentia sensus & cogitationis in brutis*, Londini 1675, 8. Verum, HIERONYMVS RORARIUS libros duos edidit, *quod animalia bruta ratione melius utantur homine*, qui prodierunt Parisiis

F
1648, 8.

1648, 8. Elegantissima est IOANNIS ANDREÆ SCHMIDTII *logica brutorum*, quæ cum diuersis ipsius disputandi processibus prodiit, eiusdemque Geometria brutorum *Ienæ* 1690, 4. *Theatrum insectorum* ab EDVARDO WOTTONO, CONRADO GESNERO, THOMASQUE PÊNIO inchoatum perfecit THOMAS MOVFETTVS, *Londini* 1534, f. Accuratiores tamen est IO. SWAMMERDAMI *historia generalis insectorum*, *Vltraiecti* 1685, 4. & STEPHANI BLANCARDI *Schauplaz der Raupen*.

§. XII.

Historiam plantarum libris X. descripsit græce & latine THEOPHRASTVS ERESIVS, *Amstelodami* 1644, f. & qui in eandem commentatus est IVLIVS CÆSAR SCALIGER, *Lugduni Batavorum* 1566, f. Sic etiam IO. IONSTONVS *notitiam regni vegetabilis* edidit, seu plantarum, *Lipsiæ* 1661, 12. Idem scripsit dendrographiam, seu historiam naturalem de arboribus & fructibus, tam nostri, quam peregrini orbis, *Francofurti* 1662, f. VLYSSIS ALDROVANDI *dendrologia* per Ouidium Montalbanum edita *Bononiæ* 1668, f. & *Francofurti* 1672, f. Optimi vero, qui de plantis scripserunt, sunt Mr. DEDV *de l'ame des plantes, & de leurs naissances, de leurs nourriture & de leur progres* *essay*

say de physique, à Paris 1682, 12. Mr. Mariotte
essays de physique, où Memoir es pour servir à
la science des choses naturelles premier essay de la
vegetation des plantes, à Paris 1676, 12. Hi
 enim vegetationem plantarum exacte descri-
 bunt. Ab accurata dispositione plantarum
 merito commendanda est IO. RAI *historia*
plantarum, Londini 1686, f. qui multa quo-
que se hausisse profitetur ex ANDREA CÆ-
SALPINO de plantis, Florentiæ 1583, 4. Ana-
tomen plantarum optime descripsit MARCEL-
LVS MALPIGHIVS, Londini 1675, f. & qui
 eodem tempore editus est tractatus NEHE-
 MIÆ GREW. Plures occurrunt inter Bota-
 nicos, de quibus in bibliotheca medica dice-
 mus.

§. XIII.

De cœlo optimum est ATHANASII
 KIRCHERI *iter ecstaticum cœleste, cum scho-*
liis Casparis Schotti, Herbipoli 1660, 4. IA-
COBI BERNOVLLII extant cogitationes de
gravitate ætheris, Amstelodami 1683, 8. Quan-
tum ad mensuram aeris, traité des hygrome-
tres, où machines pour mesurer la seche-
resse & l'humidité de l'air à Paris 1686,
 12. Naturam vero aeris exposuit Mr. MA-
 RIoTTE *seconde essay de physique, de la*
nature de l'air à Paris 1679, 12. Aeris atmo-
sphærici naturam detexit WOLFERDVS

SENGVERDVS, in *inquisitionibus experimentalibus*, Lugduni Batavorum 1699, 4. Circa originem & mutationes generales orbis sublunaris occupatus est THOMAS BURNETVS in *theoria telluris sacrae*, Londini 1681, 4. edita. Contra quem tamen scripsit *Anti-Burnetum*, IANVS BIRCHERODIVS, siue tractatum, in quo opus creationis diei tertii explicatur, atque telluris forma, aquarum altitudo & copia, contra Thomæ Burneti theoriam telluris sacrae illustrantur, *Hafniae* 1688, 8. in quo paradoxa Burneti breuiter quidem, sed in quibusdam solide refellit. Recentior quidam Scriptor Anglus ROBERTVS A CLAIR in tractatu suo, quem inscripsit *the abyssinian philosophy confuted*, Londini 1697, 12. edito, hanc Burneti hypothesin apud Habesinos iamdum fuisse receptam probat, eandemque refutat. *Novam telluris theoriam a new theoric of the earth* auspiciis atque subsidiis Nevvtoni composuit GVILIELMVS WHISTONVS, Londini editam 1696, 8. in qua operose demonstrat, creationem mundi hexaemero factam, diluuium uniuersale, & generalem conflagrationem, prout in scriptura proponuntur, cum ratione & philosophia optima congruere.

§. XIV.

Circa materiam lucis habemus ATHANASII KIRCHERI *artem magnam lucis & umbræ*, quæ prodiit *Romæ 1645, f. & Amstelodami 1671, f.* & qui nouas atque singulares opiniones fouet ISAACVS VOSSIUS, *de lucis natura & proprietate*, *Amstelodami 1662, 4.* Contra hunc scripserunt PETRVS PETITVS *de ignis & lucis natura*, *Parisiis 1664, 8.* & IOANNES BRVYN *de luce*, *Amstelodami 1664, 4.* In meteororum doctrina æstimantur maxime LIBERII FROMONDI *meteorologicorum libri V*, *Londini 1656, 4.* atque speciatim quoque huc referenda est elegantissima dissertatio GEORGII ALBERTI HAMBERGERI, professoris apud nos celeberrimi, *de iride diluuii*, *habita 1696, 4.*

§. XV.

Circa flumina & montes egregie occupatus fuit ATHANASIVS KIRCHERVS in *mundo suo subterraneo*, qui prodiit *Amstelodami 1665, f.* qui inter præcipuos in hac parte habendus. Accuratus tamen ingreditur DOMINICVS GVILIELMINVS in tractatu suo *de natura fluminum*, *Bononiæ 1697, 4.* in quo principiis mathematicis sua declarat. Alias habemus PLVTARCHI tractatum *de fluminibus & montibus*, qui cum Philippi Ioannis Maussaci notis prodiit.

Tolosa 1618, 8. Sic etiam VALERIVS FAV-
 VENTINVS dialogum edidit *de montium*
origine, Venetiis 1561, 4. Elegantissimum est
 scriptum ISAACI VOSSII *de Nili & aliorum*
fluminum origine, Hagæ Comitibus 1666, 4. Hic
 enim cum in physicis excelleret, multa eno-
 dauit singularia. Facit etiam huc LEON-
 HARDI THVRNEYSERS zum Thurn *Pison,*
von kalten, warmen, Minerischen und Metalli-
schen Wassern, sambt der Vergleichung der Pla-
neten und Erdgewächse in 10. Büchern, Franck-
furt 1572, f. Primi quatuor libri physici sunt.
 Primo quidem disquirat, vnde aquæ vim
 mineralem atque metallicam recipiant. Se-
 cundo, qua ratione & quibus instrumentis a-
 quarum virtus possit explorari. Tertio qua
 ratione quinta essentia ex mineralibus possit
 elici. Quarto demum agit, qua ratione ther-
 mæ naturales præparari possint, & compara-
 tio instituitur metallorum singulorum, cum
 quibuscunque conuenientibus herbis. Re-
 liqui libri omnes Germaniæ fluuios, riuos
 & fontes recensent, eorumque virtutem
 sanandi ac vim metallicam, thermas & si-
 milia describunt. Tres adhuc alios libros
 promisit sub titulo, *Gibon, Hidekel, Phrath,*
 quibus comprehendere promisit fluuios
 Galliæ, Hispaniæ, Italiæ, Angliæ, Scotiæ, Hi-
 berniæ, Daniae & reliquarum Europæ terra-
 rum.

rum. Sed quantum constat, editi non sunt. Eruditum quoque scriptum est ANDREÆ BACCII, quod *de thermis* composuit libris VII, in quo agit de vniuersa aquarum natura, differentiis, mistionibus cum terris, ignibus, metallis, lacubus, fontibus, fluminibus & balneis totius Orbis, methodo quoque medendi per balnea, deque lauationum atque exercitationum institutis in thermis veterum Romanorum, prodiit *Venetis 1588, f. & Francofurti 1607, f.*

§. XVI.

Alii nobis metallorum naturam exposuerunt. Inter hos habemus IO. MATTHESII SAREPTAM, *Lipsiæ 1619, 4.* vernaculo sermone editam, in qua singulis concionibus metallorum naturam atque qualitatem iuste explicat. Facit huc potissimum GEORGIUS AGRICOLA *de ortu & causis subterraneorum*, libris V, cum dialogo Bermanni, *Basileæ 1558, f.* BERNARDI CÆSII *mineralogia*, *Lugduni 1636, f.* THEOPHRASTVS PARACELSVS *de mineralibus* & scriptores similes, ipse quoque KIRCHERVS in *mundo subterraneo*. Alias modum metalla inueniendi, metallifodinas exercendi, & ex mineris metallum eliciendi docuit ELIAS MONTANVS, in libro, cui titulum fecit, *Bergwerckschatz, d. i.*

ausführlicher Bericht von Bergwercken, nach der Ruthen und Witterung. Scriptum hoc ex manuscripto antiquo hausisse se testatur, sed nullus alius est quam Basilii Valentini liber, quem composuit *von Bergwercken*, qui alias quoque in tomo secundo operum Valentini continetur. Elegans est ALONSI BARBÆ *el arte de los Metallos*, quæ postea in germanicum sermonem translata sub titulo: *Bergbüchlein*, prodiit *Hamburgi 1676, 8.* Agit ibi auctor de metallis, horumque origine, aliisque rebus singularibus, quæ ad notitiam metallorum in Peruana prouincia obseruauit. Rationem vero dignoscendi metalla & tractandi mineras optime descripsit LATZARVS ERCCKERVS im *Probirbuch*, *Franckfurt 1673, f.* Ut taceam alios, qui certorum tantum metallorum naturam exposuerunt, uti extat DANIELIS GEORGII MORHOFII elegantissima oratio *de auro*, quæ inter alia eiusdem edita est.

§. XVII.

De *Magnete* egerunt varii. Extat NICOLAI ZVCHI, *philosophia noua de machinis & magnete*, *Romæ 1652, 4.* VINCENTII LEOTARDI *magnetologia, s. noua de magnete philosophia*, *Lugduni 1668, 4.* Sic etiam æstimantur WILHELMI BARLOW *observationes magneticae*, *Londini 1616, 4.* anglice scri-

scriptæ , contra quas cum MARCVS RID-
LEVVS animadversiones ederet , *detectione*
vanitatis in easdem respondet Barlow , *Lon-*
dini 1618, 4. Optimum vero est ATHANA-
SII KIRCHERI *magneticum naturæ regnum.*
s. disceptatio de triplici in natura rerum ma-
gnete inanimato , animato & sensitivo , quod
Colonia 1643, 4. editum , & variis experimen-
tis comprobatum est. De virgula diuinato-
ria singularis tractatus extat Mr. de VALLE-
MONT *la physique occulte, où traité de la ba-*
guette diuinatoire, à Amsterdam 1693, & 1696, 12.
vbi singularia proponit de efficacia virgulæ
diuinatoriæ , qua etiam homicidæ , innocen-
tes & similia possint detegi. Huic tamen con-
trarium scriptum edidit IOANNES GOTT-
FRIDVS ZEITLERVS, *pancomysterion, s. tra-*
ctat von der Wünschelruthe, Halæ 1700, 8.
in quo multa hucusque paradoxa propo-
nit, licet in præfatione sæpe dissentiat Tho-
masius.

§. XVIII.

Cum autem multum momenti in phy-
sicis præbeant illi , qui in ephemeridibus no-
ua experimenta proponunt , operæ pretium
erit de iisdem quoque agere. Initium fe-
cerunt Angli , quorum Societas Regia apud
omnes nota est. Edidit autem HENRI-
CVS OLDENBVRGIVS , secretarius so-

cietatis *Philosophical transactions*, Londini 1666, 4. quarum etiam aliquæ sub titulo: *Acta philosophica societatis Regiæ in Anglia per Ioannem Sterpinum* in latinum sermonem translata prodierunt *Lipsiæ* 1675, 4. In his autem varia noua experimenta in societate proposita declarantur, vti latius de hisce actis dictum fuit in introductione ad rem litterariam p. 88. Anglorum exemplo excitati Medici atque Physici Germaniæ excellentissimi, qui in societatem coeuntes, *miscellanea curiosa medico - physica academiæ naturæ Curiosorum* ab anno 1670. iam XXIV. tomos ediderunt, licet ab aliquot retro annis paulatim desierint. In his autem continentur obseruationes physiciæ & chymiciæ rariores a fociis exhibitæ, atque in suos annos & decurias collectæ. Faciunt huc etiam *acta Philexoticorum Brixienfis*, menstruatim edita a Martio 1686. ad Februarium 1687, in quibus rariores occurrunt obseruationes mathematicæ, physiciæ & medicæ. Mathematicis & physicis obseruationibus repletissimæ sunt *ephemerides Florentinæ*, *saggi de naturali esperienze fatte nell' academia del Cimento*, sotto la protezione del Serenissimo Principe Leopoldo di Toscana in Firentze 1667, f. atque rarissimæ sunt.

§. XIX.

Subnectendi hisce sunt, qui in mu-
 sæis varia naturæ curiosa repræsentarunt,
 atque ob materiam medicam quam exhi-
 bent, partim ad bibliothecam medicam,
 partim ad scriptores physicos referuntur.
 Inter præcipua numeratur OLAI WORMII
musæum, Wormianum dictum, Lugduni Bata-
uorum 1655, f. & musæum Calceolarianum, Ve-
netiis 1621. f. quæ præter curiosa naturæ, si-
 mul partium contentarum explicationem
 exhibent. VLYSSIS ALDROVANDI *mu-*
sæum, quod *Bononiæ 1648, f.* cum figuris pro-
 diit, rarissimum est, & præter metallorum
 naturam, harum etiam diuersas species con-
 siderat. *Musæum Daniæ Regis* haut ita pri-
 dem descripsit OLIGERVS IACOBÆVS.
Musæum regalis Societatis Anglicanæ, siue ca-
 talogum & descriptionem rariorum rerum
 naturalium & artificialium, quæ pertinent
 ad Societatem regiam edidit NEHEMIAS
 GREW, *Londini 1681, f.* *Musæum Gottor-*
piense descripsit ADAMVS OLEARIVS.
 Animalia testacea additis figuris elegantif-
 sime exposuit PHILIPPVS BONANVS in
recreatione mentis & oculi, Romæ 1684, 4.
 Sub prælo iam sudat Francofurti ad Mœnum
 MICHAELIS BERNARDI VALENTI-
 NI *Musæum Musæorum, oder allgemeine Na-*
 tur

tur und Materialienkammer, cuius præfatio historiam omnium quotquot extant, musæorum continebit, ipsa vero tractatio secundum tria regna, potiora naturalia, ea maxime, quæ in officinis occurrunt, exponet, cum variis figuris æneis, cuius editionem vtilissimam expectamus.

§. XX.

Pneumaticam Aristotelici in parte speciali metaphysicæ tractant, alia separatim. Ita habemus GEORGII MEIERI *pneumaticam*, Wittebergæ 1663, 4. editam, & quæ ad Cartesianorum principia directæ est ANTONII HEEREBOOD *pneumatica*, Lugduni Batavorum 1659, 12. Melior vero est IO. CLERICI *pneumatica*, Amstelodami 1692, 8. Recentiores quidam per substantias intermediæ, omnes, quæ in eadem occurrunt difficultates, optime superari posse putant. Auctor illius sententiæ est THEOPHRASTVS PARACELSVS, quam dein scriptor quidam Gallus sub nomine Comte de CABALIS, cuius auctorem esse dicunt Abbatem VILLARS, latius deduxit in libro, cui titulus: *entretiens sur les sciences secretes*. Recentior est BALTHASAR BEKKERVS, cuius *mundus fasciatus, die bezauberte Welt*, in multorum versatur manibus.

Scri-

Scriptum hoc Belgica lingua primum prodiit libris duobus, *Leouardiae 1690, 8.* & *Amstelodami 1671, 4.* tertius vero liber *Amstelodami 1693, 4.* post in linguam Germanicam translatus prodiit *Amstelodami 1693, 4.* in linguam Gallicam, *Amstelodami 1694, 12.* 4. vol. Institutum auctori est, vt si non existentiam Spirituum, horum tamen operationes neget, idque tanto adparatu egit, ut pleraque loca scripturæ, quæ de operationibus spirituum testantur, aliter esse intelligenda tradat. Inter reliquos autem, qui eiusdem hypotheses refutarunt, præcipue illud egit egregie Buddeus, in parte sexta philosophiæ theoreticæ, cap. II.

§. XXI.

Theologiæ naturalis Scriptores variï sunt. Alii gentilium Theologiam illustrarunt, id quod facit GERARDVS IOANNES VOSSIUS *de origine & progressu idololatriæ*, cuius prima vice quatuor tantum libri prodierunt *Amstelodami 1641, 4.* qui dein ab auctore plurimum aucti, adiectis aliis ex eiusdem autographo quinque libris post mortem iterum prodierunt *Amstelodami 1668, f.* & *Francofurti 1675, 4.* in quo opere idololatriæ originem declarat, atque in physiologia sua paganorum cultum ad res naturales accommodat. Secutus eundem
fuit

fuit ANTONIVS van DALE, in egregio suo tractatu *de idololatria*, in quo demonstrauit omnem gentilium cultum vel superstitione, vel fraudibus niti: prodiit *Amstelodami 1696, 4.* Inter Anglos eminet EDVARDI, Baronis HERBERTI de CHERBVRY tractatus *de religione gentilium, errorumque apud eos caussis, Amstelodami 1663, 4.* qui naturali non solum cognitioni nimium quid tribuit, sed etiam tum in præcipuo summi ac veri Dei cultus genere gentiles cum Christianis fuisse concordēs, homines persuadere nititur, vniuersæ Theologiæ Romanæ rationem exhibet, præcipuorum deorum cultum tradens, & principia Theologiæ naturalis gentilium exponens. Erroneas tamen eiusdem sententias circa naturalem Dei cultum peculiari dissertatione *de insufficientia luminis naturæ ad salutem* a IOANNE MVSÆO constat esse confutatas.

§. XXII.

Alii sunt, qui veritatem religionis Christianæ contra oppugnatores adseruerunt. Inter hosce est HVGO GROTIVS, *de veritate religionis Christianæ*, qui tractatus, additis adnotationibus, prodiit *Parisiis 1640, 12.* PHILIPPVS MORNÆVS *de veritate religionis Christianæ, Herbornæ 1620, 8.* Præcipuus vero haberi debet EDVARDVS STILING-

LINGFLEETVS, *in originibus sacris*, quæ anglice primum prodierunt, post in Belgicam atque latinam linguam translata, diuersis vicibus fuerunt editæ.

§. XXIII.

Non defuerunt, qui varias sententias & dogmata gentilium de rebus diuinis collegerunt. Inter veteres illud egit EVSEBIVS in quindecim libris *de præparatione euangelica*, qui græce & latine cum notis Francisci Vigerii prodierunt *Parisiis 1628, f.* in iisdem enim varias sententias Iudæorum atque gentilium de Deo, eiusdemque attributis proponit. Secutus hunc fuit AVGVSTINVS STEVCHVS in suo *de perenni philosophia tractatu*, qui *Lugduni 1540, f.* prodit, in quo sententias philosophorum diversæ sectæ, quas in Theologia habent, proponit, easdemque examinat. Idem egit GVILIELMVS POSTELLVS, libris quatuor *de orbis terræ concordia*, quorum tres primum *Parisiis 1543, 8.* prodierunt, quartus aliis editionibus, sine addito loco & anno factis, adiectus. Hoc autem ipsi in hoc scripto potissimum est institutum, vt religionis Christianæ veritatem ex rationis rectæ principiis demonstret, id quod etiam libro primo huius concordia speciatim egit. Altero vitam, educationem, mores Muhamedis,

dis, eiusque sectatorum tradit, atque Alcoranum refutat. Tertio, quid commune totus orbis tam iure humano, quam diuino habeat, tradit. Quarto, qua arte sine seditione falsæ de Deo & diis persuasiones ad verum possint pertrahi. Inter recentiores illud egit accuratissime PETRVS DANIEL HVE-TIVS in *demonstratione sua euangelica*, libro elegantissimo, qui primum *Parisiis* prodiit 1641, f. post *Amstelodami* 1680, 8. nuper demum recusatus est *Lipsiæ* 1702, 4. in quo testimonia, quæ de veritate religionis christianæ proposuerunt gentiles, congescit atque examinavit solidissime. Cum hoc conferendus est HENRICVS MORVS, in *explanatione sua magni mysterii pietatis*, quæ *Londini* 1674, f. edita, in qua ea, quæ obscura sunt in religione christiana, exponit & veritatis certitudinem firmat.

§. XXIV.

Ad mentem scholasticorum Theologiam naturalem proposuerunt alii. Inter hos habemus RAYMVNDI de SABVNDE *Theologiam naturalem*, seu librum creaturarum de homine & creaturis, *Lugduni* 1540, 8. THEOPHILI RAYNAVDI *Theologiam naturalem*, seu entis increati & creati intra supremam abstractionem ex naturæ lumine inuestigationem, *Lugduni* 1622, 4.

LVDOVICI GRANATENSIS *philosophia Christiana* de opere creationis & quomodo per creaturas ad creatoris cognitionem perveniatur, *Ingolstadii* prodiit 1650, 8. KILIANI RVDRAVFFI *Theologia naturalis*, *Gieffæ* 1657, 8. HERMANNI ALEXANDRI ROËLL *dissertatio de religione rationali*, *Franekeræ* 1690, 8. & quæ inter hæc non minima habetur STEPHANI KLOTZII *Theologia naturalis*, quæ prodiit *Rostochi* 1640, 8.

§. XXV.

Recentiora scripta sunt IO. CLAVBERGII *centuria exercitationum de cognitione Dei & nostri secundum philosophiam*, *Duisburgi* 1656, 8. TOBIÆ PFANNERI *systema Theologiæ gentilis*, *Genævæ* 1679, 4. GERARDI de VRIES *exercitationes rationales de Deo, divinisque perfectionibus*, *Traiecti* 1685, 4. IOANNIS ANDREÆ SHMIDTII *Theologia naturalis*, *Ienæ* 1689, 8. & quæ Arminianis potissimum opposita est IO. PAVLI HEBENSTREITII *Theologia naturalis*, *Ienæ* 1696, 8. Magni suo merito sunt PETRI POIRETI *cogitationum rationalium de Deo, anima & malo libri quatuor*, *Amstelodami* 1685, 4. quibus omnia philosophiæ fundamenta hac in parte continentur & Benedicti Spinozæ errores convincuntur. Cum tamen ob subtilitatem nimium obscurus sæpe sit Poiretus, præferendi illi sunt SAMVELIS

PAKKER *disputationes de Ceo, Londini editæ 1678. 4.* quibus Atheos aliosque veritatis hostes grauitè conuincit.

§. XXVI.

Alii tamen præter Poiretum atque Parkerum in conuincendis Atheis eiusdemque farinae hominibus fuerunt occupati. Primum sine dubio locum meretur HENRICVS MORVS, qui multis contra Atheos atque Epicureos disputauit in *dialogis suis diuinis, antidoto aduersus atheismum, tractatu de immortalitate animæ & similibus.* Apud Germanos extat IOANNIS LVDOVICI FABRICII *apologeticus pro genere humano contra calumniam Atheismi, Heidelbergæ 1682. 4.* atque IOANNIS EBERHARDI SCHWELINGII *mens immortalis contra Atheos, Scepticosque demonstrata, Bremæ 1683. 12.* Galli tamen hac in parte plura præstiterunt. Extat enim *Traité de religion contre les Deïstes & les nouveaux Pyrrhoniens, à Paris 1677. 12.* M. F. DY-ROIS *preuves & preués pour la religion Chrestienne & catholique contre les fausses religions & l'atheisme, à Paris 1683. 4.* Præcipuum vero scriptum est PETRI CHAVVINI *de naturali religione, Roterodami 1693. 8.* contra Deistas atque Atheistas directum. Huic tamen se opposuit Dominus de VRIGNY. Hic enim gallico idiomate scripsit epistolam.

con-

contra Antitrinitarios, tolerantes & moralistas, cui adiecit animadversiones ad dictum Chauvini librum 1693. 8. In hisce, multorum errorum arguit Chauvinum immo ipsum Atheismi semita spargere contendit. Defendit tamen sese Chauvinus in libro, quem inscripsit: *Eclaircissement sur un livre de la religion naturelle. à Rotterdam 1693. 8.* in quo etiam ea, quæ durius dixerat Vriguius, ad examen reuocat. Vtrorumque rationes & causam examinavit in inaugurali sua IOANNES FRANCISCUS BYDDEVS, *Hale habita* GVILIELMVS NICHOLS anglico idiomate *collationem cum Theista* scripsit, cuius pars prior *Londini 1696. 8.* posterior *Londini 1697. 8.* pars tertia 1698. quarta & ultima 1699. 8. prodiit. Opposita illa potissimum est volumini cuidem epistolarum, quod Carolus Blount sub specioso oraculorum rationis titulo ediderat, in quo epistolis quibusdam impietatem suam satis aperte professus est Blountius. Id quod ansam dedit Nicholso prolixius argumenta eiusmodi farinae hominum indagandi, eademque examinandi. Contra Spinozam vero alii disputarunt. Habemus enim *l'impie convaincu, où dissertation contre Spinoza, dans laquelle on refute les fondemens de son Atheisme, à Amsterdam. 1647. 8. Nouvel Atheisme renuersé où refutation*

*du Systeme de Spinoza, par Mr. LAMY 1696, 12.
& qui prolixius illud egit IACOBVS ABBA-
DIE in traité de la verité de la religion Chretien-
ne, a Rotterdam 1684, 8.*

CAPVT SEXTVM.

DE

SCRIPTORIBVS PHILOSO- PHIÆ PRACTICÆ, ET QVIDEM ETHICIS.

§. I. Scriptores de bibliographia morali. §. II. Scriptores, qui sententias veterum philosophorum morales collegerunt. §. III. Scriptores philosophiæ mythicæ. §. IV. Moralia Aristotelis cum Commentariis Græcis. §. V. Aristotelis sectatores in moralibus, Theophrastus Eresius, Cicero & Boethius. §. VI. Scriptores Scholastici de Moralibus. §. VII. Moralistæ recentiores. §. VIII. Scriptores de iustitia & iure. §. IX. Scriptores, qui Moralia secundum præcepta Decalogi demonstrarunt. §. X. Scriptores, qui in moralia Aristotelis introductiones dederunt. §. XI. Scriptores, qui compendia ediderunt ex Moralibus Aristotelis.

telis. §. XII. *Ethica Cartesiana*. §. XIII. *Scriptores ethici eclectici*. §. XIV. *Scriptores qui ad doctrinam de adfectibus faciunt*. §. XV. *Scriptores Moraliū parænetici*. §. XVI. *Scriptores adagiorum*. §. XVII. *Scriptores ethice paradigmaticæ*. §. XVIII. *Inter scriptores ethice characteristicæ præcipuus est Theophrastus Eresius, & qui illum secuti*. §. XIX. *Reliqui scriptores ethice characteristicæ*. §. XX. *Scriptores, qui de moribus diuersarum gentium egerunt*. §. XXI. *Scriptores de delectu ingeniorum*. §. XXII. *Scriptores ethice Christianæ*. §. XXIII. *Scriptores, qui moralem disciplinam cum iurisprudentia docent iungere*. §. XXIV. *Scriptores, qui modum conuersandi hodiernum præscribunt*. §. XXV. *Scriptores, qui aulicorum mores formare conati fuerunt*. §. XXVI. *Scriptores ethice particulares*. §. XXVII. *Scriptores Theologiæ moralis & casuum Moraliū remissive*. §. XXVIII. *Scriptores, qui Opuscula Moralia ediderunt*.

§. I.



Orum disciplina præcipuam partem olim fecit in veterum philosophia, neque tamen neglecta etiam fuit apud recentiores, si modo pari cum industria semper tractata. HENRICVS IVLIVS SCHEVRLIVS in *bibliographia sua morali*, quæ *Helmstadt* ex iterata editione 1686. 8. prodiit, scriptores priscos, qui ad moralia faciunt, indicat, de iisdemque haut male iudicat. Optandum tamen esset, vt MORHOFFII *polyhistor philosophicus*, & GEORG. SCHVBARTI *biblioth. selecta philosophiæ practice*, quæ adhuc in manuscripto latent, cum ex iis multa notitia ad hanc classem hauriri possit, essent edita. Historiam & scriptores veteres potiores explanavit SIMON GOVLARTIVS in *philosophia morum historica*, *Genevæ* 1594. 8. GEORGIVS PASCHIVS in academia Kiloniensi pocos ante annos instituerat singulari libro *de variis moralia tradendi formis modisque agere*, nec tamen præter summaria liber quispiam adhuc prodiit.

§. II.

§. II.

Antiquissimi philosophi non tam scriptis hanc morum disciplinam, quam potius symbolis & figuris, sententiis & fabulis proponebant. Ægyptiorum philosophia symbolica erat: Pythagoras & Græci sententias proponebant & præcipue nota, sunt *dicta septem Græciæ sapientum*, de quibus elegantissime edisseruit IOANNES FRANCISCUS BVD. DEVS. De *ethica Platonica* atque *Pythagorica* MAGNI DANIELIS OMEISII in superioribus iam fuit dictum. IOANNES STOBÆVS fragmenta moralia veterum philosophorum sub certis titulis congeffit. Inter editiones eminet ea, quæ *Francofurti* facta 1581. & *Lugduni* 1608. f. quibus addenda est *Parisiensi* 1623. f. cui HUGO GROTIUS prolegomena & notas adiecit, quæ tamen admodum est rara. Tacemus iam DIOGENEM LAËRTIVM, aliosque qui placita veterum Philosophorum congefferunt. Tacemus XENOPHONTIS *libros V. memorabilium*, quibus sententias Socraticorum congeffit, quod etiam ex recentioribus egit LEO ALLATIVS, qui *Socratis & Socraticorum epistolas* congeffit *Parisiis* 1637. 4. Xenophontis vero memorabilia in gallicum sermonem transtulit CHARPENTIER, sub titulo: *les choses memorables*

de Socrate, quæ postea in germanicum idioma transtulit CHRISTIANVS THOMASIVS hoc titulo: *der Kern wahrer und nützlicher Weltweisheit, ehedessen von Xenophon in Beschreibung der merckwürdigen Dinge des Socrates vorgestellt, und aus dem Französischen des Herrn Charpentier ins Teutsche übersetzt, Halle 1693, 8.* in quo dicta Socratis eleganter exponuntur. Fuerunt alii qui ethicam Salomonis elicerent. Egit illud IOSEPHVS HALL in *Salomons Regier, Haushaltungs und Sitten-Kunst, verteutscht durch Andream Beyern 1684, 12.* Elegantissimus vero liber est *les conseils de la sagesse, où recueil des maximes de Salomon, les plus necessaires à l'homme pour se conduire sagement, à Paris 1677, 8. 2. vol.* Auctor libri dicitur NICOLAUS FAVQVETTVS, quem in exilio suo composuerit. Sic etiam sententias quasdam veterum philosophorum congeffit GVALTERVS DONALDSONVS, qui *locos communes sapientiæ humanæ* edidit *Francofurti 1602, 4.*

§. III.

Antiquissima morum philosophia videtur esse mythologica, in qua excellet ÆSOPVS, fabularum auctor insignis, quæ in varias linguas translatae prodierunt, ita vt Hebræi quoque illas lingua sua legant. Hic autem teste Gellio, de Noctibus Atticis

cis lib. II. c. XXIX, quæ utilia monitu sua-
 suque erant, non severe, non imperiose
 præcepit & censuit, ut philosophis moris
 est, sed festivos delectabilesque apologos
 commentus, res salubriter ac prospicienter
 animadversas in mentes animosque homi-
 num cum audiendi quadam illecebra in-
 duit. Habemus hodie fabulas sub Æsopi
 nomine, ab eodem effictas quidem, non
 autem ab ipso, sed ab aliis in scripturam re-
 dactas. Prodierunt autem istæ cum Aldi
 Manutii interpretatione latina, Gabriæ fa-
 bulis 43. atque Æsopi vita a Maximo Planu-
 de composita, adiunctisque aliquot gno-
 micis scriptoribus, *Francofurti ad Mœnum*
 1583, 8. Edidit postea illas Ioachimus Ca-
 merarius, addiditque narrationes alias cum
 historia vitæ fortunæque Æsopi, *Lipsiæ* 1598,
 8. Inter latinos veteres idem egit PHOE-
 DRVS, cuius *quinque fabularum Æsopica-
 rum libri* extant. Suppresso nomine fabu-
 lis hisce tanquam suis vsi sunt NICOLAVS
 PEROTTVS & GABRIEL FAËRNVS. Ho-
 rum tamen plagium patuit, postquam Pe-
 trus Pithœus illas primus vulgavit *Augusto-
 duni Tricassium* 1596, 12. Prodierunt inde
 cum Conradi Rittershusii, Ioannis Meursii
 notis & Casparis Scioppii spicilegio, *Ant-
 werpiæ* 1610, 8. Postea Isaacus Neueletus

Phœdram cum notis suis recudi curauit inter fabulas variorum auctorum græcas, 297. Æsopi, 40. Aphthonii, 54. Gabriæ, & latinas 60. anonymi veteris, in bibliotheca Palatina repertas versibus elegis, tum fabulas 42. Auieni, eodem carminis genere scriptas, & Laurentii Abstemii, recentioris scriptoris fabulas 199. sermone soluto apud Commelinum 1610. 8. atque ex iterata editione *Francofurti* 1660. 8. Optima vero editio est Ioannis Schefferi, *Argentorati* 1673. 8. cui præter proprias notas, Francisci Guieti animadversiones & Ioannis Freinsheimii indicem locupletissimum adiecit. Plures editiones enumerat Ioannes Albertus Fabricius in Bibliotheca sua latina p. 54. 55. Nec desunt inter Gallos recentiores, qui idem argumentum adgressi fuerunt. Quibus hodie haut absimiles sunt, qui per fabulas Romanenses moralia tradi posse existimant, licet hæc vitiorum potius sint incitamenta, quam ad virtutem fundamenta.

§. IV.

Succedunt moralia ARISTOTELIS. Inter hæc præcipui sunt *libri ad Nicomachum* scripti, quos ipsi Nicomacho quidem attribuendos potius putat Cicero V. de Finibus cap. V. pro Aristotele tamen consensus eruditorum militat. Nec desunt etiam, qui
eude-

eudemiorum libros Aristoteli vulgo adscriptos abiudicent EVDEMIVM Rhodium, quendam Aristotelis discipulum substituentes, licet stylus potius & tractandi ratio pro Aristotele faciat. *Magna Moralia* quoque Aristotelis esse consentiunt plerique, licet *de virtutibus & vitiis* librum ipsi denegent. Plures autem extant in Nicomachiorum libros Commentarii. Aldus Manutius edidit EVSTRATII, ASPASII, MICHAELIS EPHESII, *Venetis 1536. f.* Hos autem commentarios graece tantum editos in latinum sermonem transtulit Ioannes Bernhardus Felicianus, *Parisiis 1543. f.* adiecta dissertatione *de duplici hominis vitae actiua & contemplatiua*, ex mente Aristotelis. Graeco latinos edidit Samuel Racheilius, *Helmstadtii 1662. 4.* vbi praemittitur Hermannii Conringii epistola, in qua de horum aetate atque studiis edifferit. Iungenda his est ANONYMI *paraphrasis graeca librorum moralium Aristotelis* ex recensione & versione Danielis Heinsii, *Lugduni Batavorum 1607. 8.* Nec omittendae sunt IO. ARGYROPVLI *commentationes in moralia Aristotelis a se conuerfa*, *Coloniae 1606. 8.*

S. V.

Aristoteli proxime succedunt huius sectatores & discipuli. THEOPHRASTVS
ERE-

ERESIVS inter hos præcipuus est, cuius opera omnia græce & latine ex Theodori Gatza interpretatione edidit atque emendauit Daniel Heinſius, *Lugduni Batavorum* 1613, f. Egregii sunt eiusdem characteres seu notationes morum, qui græce & latine cum scholiis Cl. Auberii prodierunt *Basileæ* 1582, 8. postea cum versione Isaaci Casauboni, *Lugduni* 1612, 8. recusæ *Helmſtadii* 1686, 4. de quibus infra pluribus. Nec minus æstimandi sunt M. TVLLII CICERONIS *de Officiis libri III.* qui ex editione optima Ioannis Georgii Græuii prodierunt *Lugduni Batavorum* 1688, 8. neque tamen contemnenda est editio, quæ cum commentario & notis Samuelis Rachelii prodiit *Francofurti* 1668, 8. quibus multa enodantur moralia. Alia est Hieronymi Wolffii, quæ *Basileæ* prodiit 1579, f. Addi possunt CICERONIS *V. libri de finibus*, diuersimode editi & SEVERINI ANICII MANLII BOETHII *libri V de consolatione philosophiæ*, quos recensuit & cum optimis notis edidit Ioannes Bernartius, *Antwerpiæ* 1607, 8. & in vsum Delphini Petrus Callyus, *Parisiis* 1680, 4.

§. VI.

Sequuntur Scholastici, inter quos primas fert THOMAS de AQUINO, qui scripsit *lectiones ethicas*, a Nicolao Remigio,
Vene-

Venetis 1563, f. post, Parisiis 1640, f. editas.
 Hoc opus multis olim æstimatum & auro
 contra æstimatum. Sic etiam *secunda secun-*
de summa Theologica ad moralem disciplinam
 facit. Huncce excipiunt, qui in Aristote-
 lis Moralia fuerunt commentati, DONA-
 TVS ACCIAIOLVS, cuius *Commenta-*
rius in ethicam Aristotelis prodiit *Venetis 1576,*
4. & ERANCISCVS PICCOLOMINÆVS,
 cuius *uniuersa philosophia de moribus* in X gra-
 dus distributa, recusa est *Francofurti 1625, 8.*
 vtrique tamen Thomam sequuntur. Ma-
 iori cum elegantia illud egerunt alii. IOA-
 CHIMVS CAMERARIVS, cuius *com-*
mentarius in ethicam Aristotelis, Francofurti
1578, 4. prodiit, PETRVS VICTORIVS,
 cuius *Commentarius in ethicam Aristotelis, Flo-*
rentiæ recus. *1584, f.* & MARCVS ANTO-
 NIVS MVRETVS, cuius *commentarius ex-*
rat Ingolstadii excusus 1602, 8. atque isti ad
 genuinam textus explicationem & emenda-
 tionem faciunt. Concisi magis sunt, sed
 elegantiores OBERTVS GIFANIVS, atque
 ANTONIVS RICCOBONVS: illius *com-*
mentarius Coloniae prodiit *1608, 8.* huius vero
Hanoviae 1608, 8. qui non tam ad textum fa-
 ciunt, quam potius, vt interiora Moralium
 dogmata enodent. Extant præterea *va-*
riorum opuscula moralia a IOACHIMO CA-
 ME-

MERARIO edita, *Francofurti* 1583. f. GVAL-
TERI BVRLÆI *Commentarius in Aristotelis E-*
thicam, *Venetiis* 1521. f. ANDREÆ AIDII
clavis philosophiæ Moralis, *Oppenheimi* 1614. 8.
EDVARDI BREEREWOODI *Commentaria*
in ethica Aristotelis, *Onoxii* 1640. 4. & similes,
de quibus tacere præstat, quam plura mo-
nere.

§. VII.

Scholasticus sequuntur, qui vulgo dicun-
tur Moralistæ, quos tamen ex parte Theologi
atque Iureconfulti sibi vindicant. Horum
autem ex sectatoribus Thomæ, Iesuitis & Hi-
spanis habentur quam plures. Inter ineptos
Scholasticos insanire desiit IO. AZORIVS,
qui edidit *institutiones morales*, *Lugduni* 1625. f.
THEOPHILVS RAYNAVDVS inter Iesui-
tas non minimus æstimatur, cuius extat *de*
moralis disciplina tractatus singularis, ad Theo-
logiam æque ac iurisprudentiam accommo-
datus, *Lugduni* 1629. f. atque alius *de virtuti-*
bus & vitiis, *Lugduni* 1634. f. Eiusdem teno-
ris est FERDINANDI de CASTRO-PALAO
opus *de virtutibus & vitiis*, quod *Lugduni* pro-
diit 1649. f. 3. Tomis multis æstumatissimum.
Adnectendi quoque sunt DOMINICI SOTI
libri tres *de natura & gratia*, *Parisiis* 1549. 8.

§. IIX.

§. IIX.

Alii fuerunt, qui dum de Iustitia & Iure, agerent, omnem philosophiam moralem absoluerunt. Eminent hæc in parte DOMINICVS SOTVS, qui VIII. Commentariorum libros parauit *de Iustitia & Iure, de iuramento & adiuratione, Antwerpiæ 1568. f.* Secutus hunc est LVDOVICVS MOLINA, qui VI. tomos reliquit *de Iustitia & Iure, Colonia 1614. & Moguntia 1659. f.* editus, & qui reliquis est acutior, LEONARDVS LESSIVS *de Iustitia & Iure, cæterisque virtutibus Cardinalibus, Parisiis 1606. f.* recusatus *Lugduni 1653, f.* Adnectendus hisce est IOANNES de LVGO, qui *de Iustitia & Iure Tomos II. edidit Lugduni 1652. f.*

§. IX.

Alii Moralia demonstrare conati fuerunt secundum ipsa præcepta Decalogi. Id quod egit DAVID a MAVDEN in *discursibus moralibus ad X. præcepta Decalogi, Bruxellis 1627. f.* Præferendus est THOMAS SANCHEZ, cuius prior tomus *operis moralis in præcepta decalogi* prodiit *Lugduni 1615. f.* alter, *Lugduni 1621. f.* Præstat tamen THOMÆ TAMBVRINI opus *ad præcepta Dei, Monachi 1659. f.* qui multa simul adnexuit de causis matrimonialibus. Huc faciunt, qui *de legibus in genere & legislatore Deo* egerunt

gerunt, inter quos præcipuus est FRANCISCVS SVARETZIVS, cuius tractatus *Antwerpiæ* prodiit 1613, f. Accensendus tamen IO. de SALAS *Commentarius in primam secundæ Thomæ de Legibus*, *Lugduni* 1611, f. Ex nostratibus huc facit BALTHASAR MEISNERVS *libris IV. de Legibus*, *Witteberga* 1632, 8.

§. X.

Pergimus ad illos, qui ex fontibus hisce introductionem dederunt ad Moralia. Primi sunt, qui in Moralia Aristotelis illud tentarunt. Egit illud IACOBVS FABER, dictus Stapulensis, qui *introductionem* suam in *Moralia Aristotelis* publicavit *Parisiis* 1616, f. licet non omnibus arrideat. Amant alii AVGVSTINI MASCARDI *prolusiones ethicæ*, quæ cum dissertationibus eiusdem de affectibus, siue perturbationibus animi prodierunt *Parisiis* 1639, 8. Ex nostris extat IACOBI THOMASII *breuiarium ethicorum Aristotelis ad Nicomachum*, accessit *Commonefactio brevis de versionibus latinis Nicomacheorum*, *Lipsiæ* 1658, 8. Optimi vero sunt, præter Piccartum in introductione sua in lectionem Aristotelis, IO. EISENHARTVS in *schediasmate suo de methodo doctrinæ moralis*, & præcipue VLRICVS HVBERVS in *specimine suo philosophiæ civilis*, quod
Fra-

Franeckera 1686. 8. prodiit, qui ob nexum, quem monstrat atque ordinem, præprimis est commendandus.

§. XI.

Nec solum sunt, qui introducerent in moralia Aristotelis, sed etiam qui ad mentem ejusdem compendia sua Moralia composuerunt. Præiuit in eodem PHILIPPVS MELANCHTON, cuius *elementa doctrinæ ethicæ* initium dederunt repurgandæ doctrinæ ethicæ ex Aristotele. Secuti eundem fuerunt varii, inter quos est HENRICVS IVLIVS SCHEVRLIVS, qui variis dissertationibus *moralem philosophiam* complexus est *Helmstadii 1642, 8.* Non minimus ex Aristotelicis est IOANNES CONRADVS DÜRRIUS, cuius *institutiones ethicæ Altdorfi* prodierunt *1665, 8.* atque SAMVEL RACHELIVS, cuius *introductio ad philosophiam moralem, Helmstadii* edita est *1672. 4.* Præferenda tamen est CONRADI HORNEII *doctrina civilis, Francofurti 1648. 8.* edita, quæ, eo quod actiones humanas harumque principia optime explicat, adprimis est utilis. Ut taceam Keckermanni, Kippingii, Goclenii, Alstedii, aliorumque labores. Prolixum vero est opus IOSEPHI SAENZ de AGVIRRE de *virtutibus & vitiis, Romæ*

1697. f. editum, atque ad normam librorum ethicorum ad Nicomachum directum.

§. XII.

Cartesius, vti in morali philosophia haut adeo multa præstitit, ita sectatores quoque paucos inuenit. A multis tamen æstimatur scriptum ejusdem *de passionibus, seu affectibus animi*, licet Poiretus libro III. de eruditione falsa p. 317. multis Cartesii ethicam refutauerit. Sequitur eundem HENRICVS MORVS in *enchiridio ethico*, licet hic etiam in multis propriam sectetur philosophiam.

§. XIII.

Plures sunt, qui ad nullam certam sectam adligari volunt, atque hi reliquis sunt præferendi ARNOLDVS GEVLINX in *ethica* sua, per Philaretum in lucem edita, *Amstelodami 1695. 12.* ab Aristotele secescit, & quomodo a se ipso cognoscendo initium fieri debeat, docuit: accessit CORNELII BONTEKOE *libellus de passionibus animæ*, cum serie rerum, quæ in *ethica* tractantur, alius utilissimus. Ipse PHILARETVS, siue IO. CLERICVS, *ethicam* suam duobus libris comprehensam, postea evulgauit *Amstelodami 1696. 8.* multis nominibus commendatissimam. BERNHARDVS LAMY quoque seipsum cognoscere

scere docet in libro suo, quem inscripsit
l'art de se connoitre soi meme, qui prodiit
Parisiis 1694. 12. Aestimatisimum & scri-
ptum CHRISTIANI THOMASII *von der*
Kunst vernünfftig und tugendhafft zu lieben, o-
der Einleitung zur Sittenlehre, Halle 1692. 8.
In quo scripto amorem verum fundamentum
moralis doctrinæ esse probat, & bonum a
malo quomodo dignoscendum demonstrat.
Idem fere fundamentum supponit IOANNES
de la PLACETTE in *nouveaux essais de Mo-*
rale, cuius tomus primus *Amstelodami* pro-
diit 1692. 12. alter 1695. 12. in quo amorem or-
dinatum omnium virtutum principium sta-
tuit, ex philautia autem vitia oriri dicit.
Haut ita pridem cum aliis scriptis prodiit IO.
FRANCISCI BVDDEI *ethica*, quam medi-
corum methodo absoluit, ita, vt primo de
homine, dein de morbis animi, eiusdem-
que miseria, sanitate mentis, tandem de
medelis status corrupti edisserat elegantis-
sime. Eandem methodum seruauit VIN-
CENTIVS PLACCIVS in *typo medicine mo-*
ralis, *Hamburgi 1685. 8.* ad quem extant
accessiones ethicæ, licet non eadem cura o-
mnia absolverit. Paucos ante annos pro-
diit *esprit de la fausseté des vertus humaines*,
scriptum egregium, in quo auctor demon-
strat, pleraque, quæ pro virtutibus habentur,

non nisi vitia esse, atque in fine capitis cuiuslibet, in quo virtus consistat, explicat.

§. XIV.

Alii solum circa doctrinam de affectibus fuerunt occupati. Commendandus ideo est LÆLII PEREGRINI *de noscendis & emendandis animi affectionibus* tractatus, qui *Vrsellis 1603. 8.* prodiit, *Argentorati* recusum *1614. 8.* Præcipue illud inter alios egerunt multi ex Gallis, quo faciunt *les Caractères de Passions de Mr. de Chambre*, qui licet Aristotelis sectetur philosophiam, multa tamen proposuit, haut contemnenda circa characteres affectuum. Idem egit IO. FRANCISCVS SENAVLT *de l'usage des Passions*, quem postea in Anglicum sermonem transtulit Henricus, Comes Monmouthius. In ethica BENEDICTI de SPINOZA extat quoque eiusdem tractatus *de origine & natura affectuum*, item *de seruitute humana*, seu de affectuum viribus, *Amstelodami 1677. 4.* qui tamen, vti alia eiusdem æque corruptus est & cum iudicio legendus. Vt taceam Cartesium, Mascardum, aliosque supra memoratos. Vnicum adhuc addimus tractatum Mr. NICOLE *de la volonté des ses principales actions, de ses passions & de ses egaremens divisé en cinq. parties, à Paris 1684. 12.* licet eundem non debite absoluerit.

§. XV.

§. XV.

Sunt præter hosce, qui a monitis, quæ præscribunt, necessariis, dicuntur Parænetici. Facit huc ex antiquis ISOCRATES in *cobortationibus ad Dæmonicum*, quæ ex editione Henrici Stephani prodierunt *Parisiis 1593. f.* Pertinent ad hanc classem etiam illi ex parte, qui gnomas & sententias morales veterum philosophorum congesserunt, de quibus supra §. II. fuit dictum, & præcipue gnomæ ethico-politicæ, nec non P. SYRI & L. SENECAE *sententiae aureæ*, recensente Iano Grutero: accedunt *gnomæ paræmiæque Græcorum & proverbia Germanica, Italica, Belgica, Gallica, Hispanica, Francofurti 1610. 8.* Congesit istas gnomas Gruterus ex Manuscriptis, ad ordinem alphabeticum, qui etiam notas adiecit latiores atque egregias, in quibus istas auctoritate historicorum atque philosophorum veterum elegantissime illustrat. Eminabant olim in hac parte Stoici, atque potiores epistolæ Senecæ, imprimis epistola XCV. huc referri merentur. Ex recentioribus GUILLIELM. MECHOVIVS integrum systema *ethicæ paræneticæ* edidit *Francofurti 1671. 8.* in quo sub suis titulis iusto ordine paræneses ad virtutem ex optimis auctoribus collegit. Immo huc quoque per-

tinet IANI GRVTERI *index ethicus in Ciceronem*. in quo Ciceronis paræneses ad virtutem reperiuntur.

§. XVI.

Paræneticis adnectendi sunt, qui adagia collegerunt, cum in iisdem contineantur multa præcepta salubria ad virtutem. Præcipua sunt ERASMI ROTERODAMI *adagiorum chiliades*, diuersis vicibus editæ atque in certos titulos digestæ, CAROLI BOVILLI *proverbia*, IO. ALEXANDRI BRASSICANI, *Symmiæta* MARSILII COGNATI, VICTORIS GISELINI, HADRIANI IVNII, M. ANTONII MVRETI, ADRIANI TVRNEBI, POLYDORI VERGILII & IOANNIS VLPPI *adagia*, quæ omnia coniunctim prodierunt *Francofurti 1670. f.* Epitome vero *adagiorum* prodiit *Wittebergæ 1616. 8.* Ex antiquis habentur MICHAELIS APOSTOLII *paræmiæ*, seu *proverbia*, quæ primus Basileæ edidit Antonius Heruagius, *Basileæ 1538. f.* Sed duplo auctius id opus prodiit postea cum versione & notis Petri Pantini, Andreæ Schotti atque Danielis Heinsii *Lugduni Batavorum 1619. 4.*

§. XVII.

§. XVII.

Alii per exempla melius ethicam explicari posse putantes, ad eadem se adplicuerunt. Præ cæteris hoc egit IOANNES CONRADVS DÜRRIVS in *ethica sua paradigmatica*, Ienæ 1670. 8. qui tamen simul præcepta iunxit. Plures fuerunt, qui solum sub virtutum titulo exempla certa adlegarunt. Ex antiquis habemus VALERIVM MAXIMVM, qui novem libris *dicta & facta memorabilia* veterum Græcorum Romanorumque sub certis titulis, quorum plerique ad Moralia faciunt, descripsit. Optima est editio, quæ cum eruditis notis Antonii Thyssii prodiit ex Hackiana, Lugduni Batavorum 1670. 8. & cum notis Iusti Lipsii, Antwerpiæ 1592. 8. Imitatus huncce fuit BALTHASAR EXNERVS de Hirschberga in Valerio Maximo Christiano, qui prodiit Hanoviae 1645. 8. in quo solum exempla a Christianis petita videmus adducta. Eiusdem Valerii exemplum secuti fuerunt varii. BAPTISTA FVLGOSIVS quidem, dux Genuensis, sub finem seculi XV. in exilio *dictorum atque factorum memorabilium* libros IX. scripsit ad Petrum filium, quos ex italico in latinum sermonem transtulit Gilinus atque edidit, Mediolani 1508. f. Optima vero est editio

Iusti Gaillardii, *Parisiis* 1589. 8. Multa in eo reperitur exemplorum copia, vt quasi supplementum Valerii Maximi videri possit. Ex eiusdem fontibus MARCVM ANTONIVM SABELLICVM & IOANNEM BAPTISTAM EGNATIVM, qui alias quoque ex *libris exemplorum* clari sunt, agros suos irrigasse cum Zwingero testatur Vossius de Historicis latinis, lib. III. cap. VIII. p. 612. Ad eiusdem exemplum M. MARVLI, Spalatenfis *dictorum factorumque memorabilium* libri sex extant, *Coloniae* 1609. 8. quæ ex S. Scriptura, Patribus, & vitis sanctorum digesta, multa sepe quæ pontificiis magis arrident, habent intermixta. IANI NICII ERYTHRÆI, siue IOANNIS VICTORII ROSCII *exempla virtutum & vitiorum* extant *Coloniae* 1644. 8. Vt taceam ANDREÆ HONDORFFII *promptuarium exemplorum*, auctum & latine versum a Lonnicoro, *Francofurti* 1607. f. IOANNIS MANLII *locos communes* ex Melanchtonis ore & scriptis collectos *Basileæ* 1600. 8. aliosque qui sub aliis titulis exempla historica congesse-
runt, qui huc possint accommodari, de quibus dicemus in bibliotheca historica.

§. XVIII.

Elegantissima ethica pars est Characteristica. Potiores ex antiquis partes hic facit

facit THEOPHRASTVS, cuius *characteres seu notationes morum*, græce & latine cum scholiis CL. Auberii prodierunt, *Basileæ 1582. 8.* postea cum versione Isaaci Casauboni, *Lugduni 1612. 8.* recusit *Helmstadii 1686. 4.* In sermonem hocce transtulit de la BRUYERE, sub titulo : *les caractères de Theophraste, avec les caractères, où les mœurs de ce siècle, à Paris 1700. 8. 2. vol.* Addidit autem Bruyere etiam characteres nostri seculi, quare anonymus quidam sub titulo : *sentimens critiques, sur les caractères de Mr. de la Bruyere à Paris 1701. 12.* ipsum refutavit, atque hausisse eum ex scriptoribus quibusdam haut ita recentibus demonstravit. Prodiit postea *Suite des Caractères de Theophraste, à Paris 1700. 12.* quod pro labore de la Bruyere venditavit bibliopola, compertum vero fuit auctorem esse Mr. ALEAVME, advocatum Rothomagensem, licet aliqua contineat, quæ adhuc vsui esse possint. Addimus *Theophraste moderne, à Paris 1700. 12.* qui characteres continet recentiores, verum pleraque ex aliis fuere deprompta.

§. XIX.

Isti quidem Theophrastum fuerunt imitati. Fontes vero aperuerunt varii. Inter veteres iamdum GALENVS singulari libello egit, *quod mores temperamentum se-*

quantur hominis, qui etiam inter alia eius extat. Ex recentioribus SCIPIO CLARAMONTIVS inter primos haberi debet, cuius *de coniectandis hominis moribus & latitandis cuiusque affectibus* liber Helmstadti recusatus est 1664. 4. Hic autem potissimum ex astris atque externis aliquot signis ingenia diiudicare docet. Secutus illum fuit EDO NEVHVSIVS, cuius *theatrum ingenii humani, seu de hominum cognoscenda indole, & animi secretis* prodiit Amstelodami 1633. 8. & HERMANNI FOLLINI *naturæ humanæ, siue mores & temperamenta hominum usque ad intimos animorum secessus cognoscendi modus, methodo Aristotelis illustratus*, Colonia 1649. 12. Vtrique tamen longe post Claramontium sunt habendi. Egregii alias sunt LVDOVICI MOLINÆI *characteres*, in diuersis linguis excusi, in quibus Theophrastum imitatur, & IOACHIMI PASTORII *characteres virtutum & de la CHAMBRE passionnes animi*, qui tamen omnes generales nimis sunt. Paucos ante annos prodiit CHRISTIANI THOMASII *Wissenschaft, das verborgene des Hertzens anderer Menschen auch wider ihren Willen aus der täglichen conuersation zu erkennen*, Halle 1691. f. Hæc autem melius adhuc declaravit, cum ipsi Ioannes Fridericus Mayerus & Wilhelmus Ernestus

Ten-

Tentzelius de eo litem mouerent, in *weiter Erläuterung durch unterschiedene Exempel des ohnlängst gethanen Vorschlags, taegen der neuen Wissenschaft anderer Menschen Gemüther erkennen zu lernen*, Halle 1692. 8. vbi ex variis exemplis pleraque in cognoscendis tribus hominum vitiis, ambitione, voluptate, & auaritia, in quantum amori puro obstant, consistere probauit.

§. XX.

Gentium diuersarum characteres detexerunt omnes fere, qui politicum statum describunt, cum ex iis de ipsa reipublicæ ratione haut incertum fieri possit iudicium. Egit illud quoque SAMVEL PVFFENDORFFIVS in *introductione* sua, ad finem cuiuslibet capituli, vbi de statu nationis agit. Separatim IO. BOËMVS *mores, leges & ritus omnium gentium* descripsit, Lugduni, 1582. 12. qui tamen perbreuis est, hodie parum utilis. Præstat longe IOANNIS BARCLAI *icon animorum*, Londini 1624. 8. & cum notis Augusti Buchneri, adiecto rerum indice per Ioannem Fridericum Heckelium, *Dresdæ* 1681. 8. In germanicum sermonem transtulit Martinus Opitius, sub titulo: *Spiegel Menschlichen Gemüths*, *Bremæ* 1660. 12. Huc facit *les Portraits de la Cour de France & les Caracteres differens des femmes du Siecle avec la*
De-

Description de l' amour propre contenant les caractères des Coquettes, Bigottes, Spirituelles, licet auctores non vbique veris fundamentis inhæserint.

§. XXI.

Huc etiam faciunt, qui de ingeniorum delectu egerunt. Qualis est IOANNES HVARTVS in *scrutinio ingeniorum*, quod IOANNES CÆSAR Halensis, vulgo sic dictus AESCHACIVS MAIOR ex Hispanico in latinum sermonem transtulit. *Ienæ 1663. 8.* vbi diversi mores gentium non solum considerantur, sed etiam quænam ingenia ad singulas studiorum partes magis sint apta, exponitur. Contra hunc egit ANTONIVS POSSEVINVS in suo *de cultura ingeniorum* libello, qui *Coloniæ 1610. 8.* prodiit, in quo multa Iesuitarum principia in formanda iuventute stabiliuntur. Tertius accessit Gallus, vtrumque Italum & Hispanum superaturus, IORDANVS GVBILLETVS in *examine examinis ingeniorum*, quod *Paris. prodiit 1631. 12.* Addimus VALENTINI HENRICI VOGLERI tractatum *de naturali in bonarum doctrinarum studia propensione, ingeniorum delectu & hodiernis studiorum corruptelis*, *Helmstadt 1672. 4.* qui tamen physicus potius est, nisi quod de studiorum corruptelis moneat accurate. Huc etiam

iam facit elegantissima differtatio IOANN. FRANCISCI BVDDEI *de cultura ingeniorum*, Halæ 1699. 4. in qua de iis, qui ad studia potissimum apti, agit, quibus modis ingenium excolatur, tradit, & regulas quasdam in studiis instituendis perutiles adnectit. Prodiit aliquot ante annos, apud nos IOANNIS PHILIPPI TREVNERI *prodromus scrutinio ingeniorum præmissus*, Ienæ 1691. 4. quæ differtatio est ingeniosissima, potius ad illos directæ, quibus aliorum studia scrutari competit, quam ad ipsos studiosos, ipsum tamen scrutinium nondum est editum.

§. XXII.

Alia est methodus eorum, qui Imperfectam dicunt moralem disciplinam, nisi ex sacris literis compleatur, atque ad verum usum transferatur. Plerique quidem sunt ex recentioribus, qui ethicam ancillam esse debere dicunt Theologiæ, ex naturæ tamen præceptis moralia deducunt. Alii vero singula cum scriptura sacra conferentes, ethicas christianas scripserunt. LAMBERTVS DANÆVS illud egit in *ethica sua Christiana*, Genevæ 1614. 8. HIERONYMVS DANDINVS in *ethica sacra*, Cæsena 1651. f. PETRVS PLATEANVS in *Opusculis*, seu libris
III.

*III de recto vsu philpsophiae moralis cum doctrina Christiana collata, Geneuae 1587. 8. vbi accedit opusculum de ratione vivendi secundum cuiusque vocationem. Idem egit VINCENTIUS PLACCIUS de fructu praecipuo philosophiae moralis genuino, Helmstadti 1676. 8. Ex Soci-
nians extat IOANNIS CIRELLI, siue CRELLI ethica Christiana, seu explicatio virtutum ac vitiorum, quorum in sacris fit mentio, Selenoburgi apud Asterios, sine die & Consule. 4. Ibidem impressa fingitur Eiusdem Ethica Aristotelica ad sacrarum literarum normam emendata, quae tamen cautum requirit lectorem. ADRIANVS COQVIVS in observationibus Critico-Sacris in N. T. Codicem, qui agit de philosophia morum, ethicam sacram ex fundamentis Theologicis petit, Lugduni Batavorum 1678. 4. HENRICVS MORVS quoque varia discrimina inter ethnicam & Christianam philosophiam demonstravit in compendio suo ethices. Optimus vero hac in parte est HENRICVS ERNSTIVS, cuius introductio ad veram vitam Amstelodami 1649. 8. edita, hac in parte praereliquis est commendatissima.*

§. XXIII.

Alii moralem disciplinam cum iurisprudentia docent iungere. Inter hos praecipu-

cipuus est IOANNES SCHILTERVS, in *manuductione sua ad philosophiam moralem*, Ienæ 1676. 8. edita, licet methodo Aristotelica incedat. Idem præstitit quoque IOANNES EICHELIVS, in libro *de iure, quo naturaliter liberi ac parentes sibi inuicem sunt obstricti*, Helmstadt 1655. 4. & VINCENTIVS TVR-
TVRETIVS in *collationibus doctrinæ moralis cum decretis Ictorum*, Parisiis 1634. 4.

§. XXIV.

Præter hosce, habebus alios, qui magis ad praxin ducunt, atque modum conuersandi hodiernum præscribunt. Faciunt huc, qui de ciuilitate morum scripserunt, e quibus solus ex antiquis est ERASMVS ROTERODAMVR, quem legere iunioribus potissimum conueniat. Inter recentiores varia sunt scripta, utpote *l'art de plaire dans le monde*. Palmam vero reliquis præripiunt scripta Abbatis de BELLEGARDE *Reflexions sur ce qui peut plaire ou déplaire dans le commerce du monde*, à Paris. 1688. 12. *Suite des reflexions d'Euthyme & Theagene sur des matieres de Morale*, à Paris 1688. 12. Idem in gallicum sermonem translulit AMBROSII OFFICIA sub titulo: *Les devoirs de l'honneste homme, & du Chretien*, à Paris 1689. 12. Secutæ sunt *Modeles de conuersations pour les personnes polies*, à Paris 1697. 12.

in

in quo de variis animi passionibus & reliquis, quæ in vita quotidiana occurrunt, elegantissime differit. Hæc autem scripta non solum ob regulas, quas præscribit, sed etiam sermonis venustatem præ cæteris sunt commendanda.

§. XXV.

Altius progressi sunt alii, qui aulicorum mores formare conati fuerunt. Tales sunt BALTHASARIS CASTILIONIS *de aulico seu Curiali libri IV*, quos ex italico transtulit Ioannes Riccius, *Francofurti 1584. 8.* HIERONYMI OSORII, doctissimi apud Lusitanos episcopi *de gloria* extant libri V, *de nobilitate* libri III, qui iunctim editi *Basileæ* prodierunt *1576. 8.* Continentur in iisdem multa præclare dicta de moribus illustrium atque aliorum hominum elegantissimo stylo descripta. IOANNIS HENRICI BOECLERI *dissertatio de elegantiâ moris ciuilibis & aulici*, docta magis, quam practica videtur in sublimiori illa vitæ censura. Inter hosce tamen maxime adhuc hodie æstimatur BALTHASARIS GRATIANI *l'homme de Cour*, quem ex Hispanico in gallicum sermonem transtulit Amelot de la Houffaye *à Paris 1684. 8.* Huic etiam debemus *La morale de Tacite, essay de la Flatterie, à Paris 1686. 12.* vbi potissimum mores au-

aulicorum in aula Tiberiana describit. Licet saniores potius per quotidianam conuersationem atque experientiam, quam per regulas, veros aulae mores addisci debere probe iudicent.

§. XXVI.

Nolumus iam omnes hic coaceruare, qui de certis vitiis, calumnia, superbia, vel virtutibus, amore, fortitudine, constantia & similibus scripserunt, potiores tantum ex iisdem nominabimus. SENECA in scriptis suis hic facit, inter quæ præcipue æstimandus est de tranquillitate animi liber. Eiusdem sunt *de vita beata, quod in sapientem non cadat iniuria, libri III de ira, & libri II de Clementia*. Senecam imitatus fuit POLYDORVS VERGILIUS in suo *de vita perfecta, seu de patientia, tractatu*, qui Basileæ prodiit 1545. 8. Ad eandem classem quoque facit PLVTARCHVS *de utilitate ex hostibus capienda, & de morbis animi & corporis*, ex latina versione Ioannis Rainoldi, Oxonii 1614. 8. Similia tractant, FRANCISCVS PETRARCHA *de remediis vtriusque fortunæ*, Lugduni 1577. 8. & HIERONYMVS CARDANVS *de utilitate ex aduersis capienda*, Basileæ 1561. 8. Isti quidem regulas præscribunt, sæpe non contemnendas, quæ tamen nisi animum reperi-

riant vera pietate imbutum, nunquam in praxin ducentur, cum naturæ fines hic definant.

§. XXV.

Referuntur ab aliis quoque ad hanc classem, qui moralem Theologiam explicarunt, qualis inter pontificios æstimatur. PAVLVS LAYMANNVS, cuius *Theologia Moralis* quinque libris comprehensa prodiit *Monachii 1625.4.* atque inter reformatos IOANNES HORNBECKIVS, cuius *Theologia moralis Lugduni Batavorum 1668.4.* excusa. Alii vero casus conscientiae, alii consilia ediderunt moralia, qui communiter Casuistæ adpellari solent, inter quos excelleret ANTONIVS DIANA, cuius vndecim Tomi *resolutionum moralium* prodierunt *Venetis 1647.f.* Sic etiam extant FRANCISCI FILLAVI *casus, siue quaestiones morales, Lugduni 1633.f.* PAVLI COMITOLI *responsa moralia, Lugduni 1609.f.* Alii controuersias morales tractarunt, quæ tamen potius concernunt materias iuris naturæ, de quibus infra dicemus. Aliæ sunt, quæ occasione probabilismi Iesuitici fuerunt motæ, quæ tamen potius ad bibliothecam Theologicam pertinent.

§. XXVIII.

Vnicum restat, vt de iis dicamus, qui
in

in opusculis suis Moralibus miscellanea tractant. Ex Italis illud egit DANIEL BARTOLI, cuius opera Moralia lingua italica scripta prodierunt Romæ 1684. f. Spar-
sim hæc antea fuerunt edita, siquidem e-
diderat *litteratum defensum & emendatum*,
librum *de paupertate contenta, recreationem
sapientis, geographiam ad usum moralem redu-
ctam, symbola ad moralem philosophiam ac-
commodata*, quæ nunc in vnum collecta re-
conditum variæ prudentiæ moralis thesau-
rum aperiunt. Ex Gallis plures sunt, inter
quos Mr. de la ROCHEFOUCAVT edi-
dit *reflexions, ou sentences & maximes Mora-
les, augmentées de plus de deux cens nouvelles
maximes*, à Paris 1690. 12. Et præcipue æsti-
mandæ sunt. Oeures mêlées de Mr. de
SAINT EVREMONT, à Amsterdam 1689.
12. 2. vol. in quibus per regulas atque sen-
tentias, Senecæ philosophiam imitatur, ma-
gisque illustrat.

CAPVT SEPTIMVM.

DE

SCRIPTORIBVS POLITICIS.

§. I. Scriptores qui bibliographias politicas
I 2 edi-

*ediderunt. §. II. Scriptores de instituen-
do studio politico. §. III. Scriptores ve-
teres politici. §. IV. Commentatores
in politicam Aristotelis. §. V. Politi-
ca Taciti cum commentatoribus. §. VI.
Scriptores, qui compendia & systemata
politica ediderunt. §. VII. Scriptores,
qui politicam ex Christianismi principiis
deduxerunt. §. VIII. Scriptores, qui
Principis statum formare docent. §.
IX. Politica Machiauellii & aduersario-
rum. §. X. Scriptores, qui certis exem-
plis Principem formant. §. XI. In-
structiones paternæ ad filios, principes iu-
uentutis. §. XII. Scriptores qui Prin-
cipem iuventutis formare student. §.
XIII. Scriptores de Republica. §. XIV.
Scriptores qui fictitias respublicas edide-
runt. §. XV. Scriptores qui novas Res-
publicas cum veteribus quibusdam per
parallela conferunt. §. XVI. Scripto-
res de incrementis & decrementis Rerum
publicarum. §. XVII. Scriptores, qui
varias artes & arcana Rerumpublica-
rum detexerunt. §. XVIII. Scriptores
qui thesauros Rerumpublicarum edide-
runt. §. XIX. Scriptores de statu Re-
ligionis. §. XX. Scriptores de potesta-
te circa sacra. §. XXI. Scriptores de
ratio-*

ratione Status. §. XXII. Scriptores qui iura diuersorum Regum defenderunt. §. XXIII. Scriptores de Ciue. §. XXIV. Scriptores de Consiliariis. §. XXV. Scriptores de re militari. §. XXVI. Scriptores qui vitia politicorum describunt. §. XXVII. Scriptores Monarchomachi & horum aduersarii. §. XXVIII. Scriptores qui politicam ex variis auctoribus antiquis deduxerunt. §. XXIX. Scriptores qui reflexiones & observationes politicas ediderunt de variis negotiis. §. XXX. Scriptores qui dissertationes, observationes & axiomata politica ediderunt. §. XXXI. Scriptores de arte apodemica seu peregrinandi.

§. I.



Lnter potiora nostri temporis studia politica est, quam tamen nemo vnquam satis exhaustit, ideoque tot scriptores diuersa methodo eandem adgressi fuerunt. Ad scriptores autem politicos cognoscendos facit HERMANNVS CON-

RINGIVS *in dissertationibus politicis de philosophia ciuili, eiusque optimis ac præcipuis scriptoribus, Helmstadii 1673. 4. ubi de antiquioribus præsertim politicis erudite agit.* Ante hunc prodierat GABRIELIS NAVDÆI *bibliographia politica, quam in germania primum edi curauit Augustus Buchnerus, Wittebergæ 1686. 12. recusa Cantabrigiæ 1684. 8. in qua non de singulis, sed de delectu saltem scriptorum politicorum etiam ethicorum differit, & quid in singulis sit præcipuum monet, nec inutilis hodie est libellus, licet multi iam extent recentiores.* Elegantissima est IOANNIS ANDREÆ BOSII *diatribe Isagogica de prudentia & eloquentia ciuili comparanda, quæ cura Georgii Schubarti recusa est, Ienæ 1698. 4. in hac enim de scriptoribus pragmaticis, historicis præcipue, qui ad cognoscendam politicam faciunt, iudicat egregie.* Hæc olim bibliographiæ politicæ curiosæ adnexa fuerat, non sine bile hæredum Bosianorum, maxime cum pluribus in locis corrupte esset edita. Addimus CORNELII a BEVGHEM *bibliographiam politicam & iuridicam Amstelodami, 1680. 12. editam, quæ ordine alphabetico composita, ea saltem scripta continet, quæ a quinquaginta retro annis fuerunt edita, sed in*
nuda

nuda tantum titulorum recensione consistit. De iudiciis Sarckmasianis in politicos sui temporis iam dictum fuit in introductione.

§. II.

Alii de studio politico instituendo egerunt. Extat de eo HVGONIS GROTH *epistola de studio politico*, ad Auberium Maurerium & CHRISTOPHORI COLERI *epistola de studio politico instituendo*, quæ cum variorum dissertationibus editæ. Æstimant alii IOANNIS HENRICI BOECLERI, *de studio politico bene instituenda dissertationem epistolica* posthumam, quæ bibliographiæ eiusdem præfixa est, sed non nisi præcepta sunt generalia, ut doceat, quænam disciplinæ politicæ studioso ad sciendum sint utiles. Melius hic usu veniunt BOSII *diatribe Isagogica* & NAVDÆI *bibliographia politica*, qui in hac materia maxime commendandus, licet etiam in eadem se iniquum præstet in Germanos.

§. III.

Inter scriptores politicos antiquiores primum habemus PLATONEM, qui dialogis suis de legibus & libris *de Republica* rempublicam præclare instituit, licet non omnem prudentiam civilem exhauriat, & multa quoque ab usu civili aliena proponat.

nat. Scripsit etiam *de regno* librum exiguum & parui momenti. Hic *de republica* tractatus in gallicam linguam translatus cura Ludouici Regii & Friderici Morelli prodiit 1600. f. Ab eodem ARISTOTELIS pleraque mutuatus fuit, nisi quod facilius atque clarius hæc proponat. Habemus autem Aristotelis *Politicorum libros VIII*, cum aliquot adhuc desint, de quibus dicere non veremur, optimum esse inter eius scripta. Quod autem ad nostra tempora non vbique adplicari possint, ratio hæc est, quod status regnorum atque rerum publicarum nostri temporis plane diuersus sit ab eo, quem descripsit Aristoteles, & necesse omnino esset, noua nunc colligi brocardica Politica. Inter editiones præcipua est Oberti Gifanii, *Francofurti 1608. 8.* edita. Commendari ad eandem meretur DANIELIS HEINSII *paraphrasis, Lugduni Batavorum, 1621. 8.* IOANNIS a FELDEN *analysis librorum politicorum Aristotelis, Francofurti 1654, 12.* & præcipue HERMANNI CORINGII *introductio in politicam Aristotelis, Helmstadt 1656. 4,* quæ ad eiusdem intellectum, haud parum conducit. Vt taceamus PLVTARCHI *præcepta politica*, & HERACLIDIS

DIS *fragmenta de politicis*, ex quibus utilitas haut adeo magna percipitur.

§. IV.

Neglecta olim politica Aristotelis, idque uti Conringius iudicat, præfatione ad introductionem, ideo, quia cum Arabum studiis Friderici II. tempore, scripta Aristotelis in latinum sermonem verterentur, politica idem non experiebatur. Primam versionem politicorum Aristotelis multi tribuunt THOMÆ CANTABRIGENSI, qui ex Scholasticis, Alberti M. erat discipulus. Nouam vero Aristotelis versionem adornavit LEONARDVS ARETINVS, *Venetis 1500. f.* & post eum IOANNES GENESIUS SEPVLVEDVS, *1608. 8.* Inter Commentatores primus est THOMAS de AQVINO, cuius Commentarius cum textu Aristotelis separatim extat *Lipsiæ 1506. f.* atque alias inter eius opera, olim multis æstimatus. Secutus fuit DONATVS ACCIAOLVS, *Venetis 1566. 8.* IOANNES BVRIDANVS, *Oxonii 1640. 4.* COELIVS CALCAGNINVS, cuius paraphrasis in politicam Aristotelis perspicua admodum est, prodiit *Basileæ 1544. 8.* Inter elegantiores numerantur PETRVS VICTORIVS, cuius politicum opus *Florentiæ* prodiit *1576. f.* & IOACHIMVS

MVS CAMERARIVS, *Francofurti 1583. 8.* Præferuntur tamen ex Germanis OBERTVS GIPHANIVS, qui editioni suæ etiam Commentarium adiecit, PHILIPPVS SCHERBIVS, cuius notæ illustres prodierunt *Francofurti 1610. 8.* & MICHAEL PICCARTVS, cuius commentarius *Ienæ prostat 1659. 8.* qui multa suppleuit ab aliis omissa. Magis tamen hisce æstimatur GEBHARDI THEODORI MEIERI *analysis Politicorum Aristotelis, Helmstadt 1669. 4.* quæ ad intellectum Philosophi facit egregie. Addimus adhuc CYRIACI STROZZÆ, Florentini *libros II.* qui supplementum præbent in Aristotelem & rari sunt. Prodierunt primum græce, *Florentiæ 1562. 4.* latine, *1573. 4.* adiecti sunt Aristotelis libris per Guilielmum du Val.

§. V.

Ex Romanis scriptoribus primo loco essent M. TVLLII CICERONIS *libri VI. de Republica*, si modo extarent adhuc, quorum ipse mentionem iniicit libro II. de diuinatione; hodie tamen nihil amplius nobis superest, quam vt horum lugeamus iacturam. Pater quasi politicorum merito habendus est P. CORNELIVS TACITVS, cuius editionem emendatissimam atque accuratissimam iudico, quæ cum
notis

notis Theodori Ryckii prodiit *Lugduni Batavorum* 1687. 12. idque ob notarum elegantiam, & textus emendationem. Pro-
dierunt quidem Taciti opera cum notis
Iuliani Pichoni *in vsum Delphini*, & quidem
tomus primus *Parisiis* 1682. 4. alter *Parisiis*
1684. 4. sed notæ nimium prolixæ diffun-
dunt lectorem. In gallicum sermonem
Tacitum hunc transtulit AMELOT DE LA
HOVSSAYE à *Paris* 1690. 4. quæ translatio
omnibus anterioribus, qualis est Achillis
de Harlag, Rudolphe le Maitre Sr. d' Ab-
lancourt longe antecellit. Idem auctor ele-
gantissimus edidit quoque *la Morale de Ta-
cite, premier essay de la Flatterie*, à *Paris* 1682.
12. vbi ex traditis a Tacito, characteres &
effectus adulationis optime declarat, &
præcepta pro euitando hocce vitio addit.
Illud æstimandum præcipue est, quod
in libri primordio accurate iudicat de di-
versis auctoribus recentioribus, qui in
Tacitum fuerunt commendati. Ex illis au-
tem, qui hoc præstiterint, potiores sunt
Itali. Extant enim PHILIPPI CAVRIANI
discursus politici in Tacitum, Italice, *Florentiæ*
1600. 4. VIRGILII MALVEZZI *discursus Ita-
lici*, *Venetiis* 1635. 4. TRAIANI BOCCALI-
NI *bilanx politica*, seu annotationes in Taci-
tum

tum, italice, *Geneua 1669. 4.* PII MVTII *considerationes in Tacitum, Brixia 1625. 4.* His tamen iungimus adhuc SCIPIONIS AMMI-
RATI *discursus in Tacitum*, quos ex Italico in latinum vertit Christophorus Pflugiús, *Francofurti 1618. 8.* De Candore solum politico in *Tacitum* scripsit PAGANINVS GAVDENTIVS, *Pisis 1646. 4.* Sed vt verum fatear, difficile est ab Italis haurire scientiam politicam. Isti enim ad placita potentiorum viuunt, ideoque vera libertate sentiendi destituuntur, præconceptis inhærent, & si quid noui statuunt, plerumque in excessum rapiuntur vt politici peruersi. Ex Germanis, qui illud egerunt, præcipui sunt IOANNES HENRICVS BOECLERVS, cuius *Commentarius in primordia Annalium Taciti & historias, Argentorati* prodiit *1664. 8.* licet non ubique doceam iudicium pragmaticum, & CHRISTOPHORVS FORSTNERVS, cuius *notæ ad libros annalium Taciti* prodierunt *Francofurti 1662. 12.* multis æstumatae quidem, nec tamen ubique satis accuratae.

§. VI.

Inter systematicos æstimabatur olim IOANNIS ALTHVSII politica, *Herbornæ 1655. 8.* præferenda tamen est BALTHASARIS CELLARII *politica succincta*, quæ ad
statum

statum Imperii nostri est accommodata, & prodiit *Ienæ 1653. 8.* Accedunt IOANNIS CHRISTOPHORI BECMANNI *meditationes politicae, Francofurti ad Viadrum 1679. 8.* IOANN. FRIDERICI HORNII *architectonica politica*, quæ recusa est *Francofurti 1672. 8.* multis olim æstumata, cum nouandi studio quandoque capiatur, sed imperfecta est, & parum accurata. DANIELIS CLASENII *politicam* tanquam perspicuam laudarunt multi. GEORGII SCHOENBORNERI *politicam* alii ob intermixtas materias iuris publici commendarunt. *Systema* maius est CHRISTIANI MATTHIÆ, cuius *systema politicum, Giessæ 1678. 4.* editum, ad disputandum magis est comparatum. HENNINGI ARNISÆI *relectiones politicae, Argentorati 1648. 4.* imperfectæ sunt: multa ex antiquis proferunt, sed malè applicata. CHRISTOPHORVS BESOLDVS, in opere suo politico, quod *Argentorati 1641. 4.* prodiit, magis respexit ad certa argumenta, quæ singularibus dissertationibus deduxit, quam ut iusto systemate sua comprehenderet, licet commendandus in quibusdam sit. Hi tamen cum alias iudicio pragmatico, quod ad politices interpretationem requiritur, non ita fuerint instructi, hodie non adeo multam

tam vtilitatem præbent. Nec enim in regulis solum quærenda est politica, potius rationibus & exemplis, M. ZVERII BOX-HORNII *institutiones politice* quibusdam arident, quæ cum notis Georgii Hornii prodierunt *Lipsiæ 1657. 12*, alii tamen ob nimiam libertatem, eundem inter monarchomachos referunt. ADRIANVS HOVTYN *politicam contractam generalem* scripsit *Hagæ 1681. 8*, sed, præterquam quod in iure gentium sit potior, ob statuendi libertatem, liber est periculosus. IOANNIS HENRICI BOECLERI *institutiones politice, Argentorati* prodierunt *1688. 8*. quæ, licet animum præbeant ad pleniores meditationes politicas, imperfectæ tamen sunt, nec omnes politicæ partes exhauriunt, potius hoc instituto scriptæ, vt priuatis discursibus explanentur. Præferimus omnino IO-FRANCISCI PVDDEI *fundamenta politices*, quæ breues licet sint, facile tamen exemplis historicis illustrari possunt egregie. Nervum habent IVSTI LIPSII *politicorum*, seu *Doctrina Ciuilis libri IV*, quarum optima censetur editio a Io. Freinsheimio *Argentorati* facta *1648. 8*. quibus accedunt Eiusdem *Monita & exempla Politica* ad libros duos tantum *Politicorum* directæ exempla tamen ex historia antiqua sunt

sunt petita. Commentarium in Lipsii politicam præbet IOANNIS CHOCKIER *thesaurus aphorismorum Politicorum*, quem Romæ primum publicavit 1610. 4. post Leodii 1642. f. Hanc ita pridem *Theatrum prudentiæ elegantioris ex Iusti Lipsii libris Politicorum* erectum a IOANNE FRIDERICO REINHARDO, cum præfatione Conradi Samuelis Schurzfleischii, *Wittenbergæ* 1702. 4. in quo singula a Lipsio nervose tradita, Iuculente exponit, sæpe etiam exemplis illustrat, licet in his etiam antiquiorem historiam potius sequatur. Ita ut defectum hunc in politicis non possimus non lugere, nullum adhuc extare, qui exemplis ex recentiori historia peritis sua illustret, quæ tamen nostro statui maxime convenirent.

§. VII.

Politicam non ex ratione status, sed ex Christianismi principiis deduxerunt vel saltem cum iisdem combinarunt alii. Primus, qui illud egerit est, LAMBERTVS DANÆVS, cuius *politica Christiana* prodiit *Lugduni* 1606. 8. Secutæ sunt IOANNIS STEPHANI MENOCHII *institutionis Politicæ* e SS. litteris libri III, *Lugduni* 1603. 8. & SAMUELIS STVRMII *politica christiana*, *Bremæ* 1666. 12. Egit illud quoque THEODORVS REIN.

REINKING in *Biblischer Policey*, *Francofurti* 1646. 4. edita. Præferendus tamen est CHRISTOPHORVS BESOLDVS *de consilio politico*, *Tubingæ* 1622. 8. qui per certa axiomata politicum ex fundamentis Theologicis formare stuuet. Elegantissima est DIDACI SAAVEDRÆ *idea principis Christiano-politici*, *Colonie* 1680. & germanice, *Ienæ* 1700. 12. qui liber si quis alius plane egregius est, principem enim non ad rationem Status corruptam, quam plane reiicit, sed veritatem Christianam instruit in omni regiminis parte, atque singula historicis illustrat exemplis. Hisce si addeamus VITI LVDOVICI a SECKENDORF *Christenstaat*, qui sæpius prostat, non aberrabimus. Hic licet potius iura principis circa sacra declaret, & rationem componendarum rerum ecclesiasticarum, studium tamen boni Principis in promouendo Christianismo æque explicat.

§. IIX.

Alii fuerunt, qui Principis statum formare singulari scripto adgressi fuerunt. Ex Italis illud egit LVDOVICVS CARACCIOLVS, in *Speculo Principum seu Principe Politico Placentiæ* 1659. 4. quem auxit Laurentius Longus. Ex Hispanis, SEBASTIANVS FOXIVS *de regni & regis institutione*,

tione, Antwerpiæ 1566. 8. Ex Belgis PHILIPPVS MARNIXIVS de institutione Principum, Franeckera 1615. 8. Fecit illud GEORG ENGELHARDT LOEHNEYSSEN, cuius Hof-Staats- und Regier-Kunst ex editione altera cura Ioannis Andreae Gerhardi prodiit. Ante huncce MELCHIOR ab OSSA prudentiam regnatiuam scripsit, und Bedenken ein Regiment wohl zu bestellen, zu verbessern und zu erhalten, quæ postea in latinam linguam translata per Casparem Pistorium prodiit Francofurti 1609. f. Extat quoque eiusdem tractatus manuscriptus de emendando statu in electoratu Saxonie. ANTONIVS GVEVARA in horologio Principum, ex editione Ioannes Wanckelii, Francofurti 1664. 4. Principem potissimum iuuentutis format, multis ideo æstimatus. Præferendus est reliquis VITI LVDOVICI a SECKENDORFF Fürsten-Staat, sæpius apud nos recusatus. Hic enim in Germania nostra ad quam potissimum accommodatus est, perutilis, atque iura Principum belle examinat. Quantum autem ex ipsa historia Princeps instrui possit, elegantissime docuit IOANNES HENRICVS BOECLERVS, in historica schola Principum, Argentorati 1641. 4. Quo potissimum faciunt

ciunt Historici pragmatici, de quibus in diatribe isagogica Bosius.

§. IX.

Materia postulat, vt hic mentionem quoque faciamus NICOLAI MACHIAVELLI. *Principem* hic edidit, quem habemus cum animaduersionibus Hermannii Conringii, *Helmstadtii* 1660. 4. Mirantur omnes in eo acumen ingenii singulare, astutum tamen potius & temerarium faciunt politicum, quam prudentem, eo quod tyrannicas artes Principi suo commendet. Verum, liberæ reipublicæ ciuis erat Machiavellus, Democratiae adsertor, tyrannidis inimicus: hanc vt inuisam redderet suis, potius tyrannicas artes, quibus certi Principes vtuntur, exponit, quam ut principem instruat. Nactus tamen fuit varios aduersarios. FRANCISCVS HOT. TOMANNVS auctor habetur *Commentariorum de regno aut quouis principatu recte & tranquille administrando* 1677. 8. qui multa doctrina politica sunt referti. INNOCENTIVS GENTILETVS in *anti-Machiauello* suo, qui prodiit *Lausannæ* 1571. 8. magis impietatem eius notat, quam errores politicos. PETRVS RIBADENEIRA *principem Christianum* scripsit aduersus Machiavellum, *Moguntiae* 1604. 8. sed Iesuiticis nititur principiis. Minores gentium

tium dii sunt THOMAS BOZIVS *de imperio virtutis & robore bellico contra Machiavel- lum, Colonia 1601. 8.* CLAVDIVS CLEMENS *in Machiauellismo ingulato, Compluti 1637. 4.* Nuperius IOANNES LAVRENTIVS LVCCHESINIVS *scrutinium* edidit *Stultitiæ Machiaueli, Romæ 1697. 4.* in quo impia & perversa dogmata, quæ Machiavello impu- tantur, notare adgressus est, ita vt ipsi opponat proverbialia Salomonis, ex horum parallelismo singula refellens. Apologiam vero pro Machiauello scripsit CASPAR SCIOPPIVS *in pædia politices*, ab Hermanno Conringio edita, *Helmstadt 1663. 4.*

S. X.

Alii fuerunt, qui certis exemplis Prin- cipem formare adgressi fuerunt. Inter vete- res illud egit XENOPHON, cuius de *pædia Cyri* libri VIII extant ex editione Leunclauui græce & latine, *Basileæ 1669. f.* quod alii vel Cyri, primi Persarum Monarchæ vitæ de- scriptionem dicunt, alii Cyri iunioris, sub quo militauit. Credimus potius Cicero- ni, qui lib. I. ep. I. ad Quintum fratrem, hanc pædiam non ad historiæ fidem, sed ad effigiem iusti Imperii scriptam dicit. Quare potius principem instruit, qualis

esse debeat, quam vt certi cuiusdam mo-
res describat. Ex Græcis huc facit PLV-
TARCHVS in *vitis* suis *parallelis*, quæ ex
versione Guilielmi Xylandri prodierunt
Francofurti 1583. f. apud Wæchelios 2. Tomis
atque alii historici Pragmatici. Dauidis,
Salomonis atque aliorum Ebræorum Re-
gum exempla, in *aula sancta* proposuit
NICOLAUS CAVSSINVS, *Lutetia 1630. 8.*
Dauidis res gestas, statum politicum & per-
secutiones exposuit VIRGILIUS MVLVEZ-
ZI, italico sermone, post in Anglicum trans-
lato scripto, *Londini 1650. 8.* Idem Princi-
pem eiusque arcana in *vita Romuli* repræ-
sentauit, *Lugduni 1637. 12.* Romulum vero
& Tarquinium Superbum *ideam boni Princi-
pis & tyranni*, esse voluit, *Francofurti 1656.*
12. Aulam Tiberianam descripsit CYRIA-
CVS LENTVLVS, *Herbipoli 1663. 8.* Huic
tamen præferendus est Domini de la MO-
THE IOSSEVAL d' ARONSEL *Tibere*,
discours politiques sur Tacite, à *Amsterdam*
1684. 4. qui cum Tiberii historia res ge-
stas & imperandi arcana Ludouici XI.
Galliarum Regis confert. *Characterem vir-
tutum* exemplum Theodosii M. proposuit IO-
ACHIMVS PASTORIVS, *Iena 1664. 8.*
MATTHIAS RADERVVS vero in *Aula*
sancta, Theodosii Iunioris statum descri-
bit,

bit, *Augustæ 1608. f.* Singulare exemplum vitæ regiae descriptæ præstitit FRANCISCUS BACO de VERVLAMIO, in *Historia Henrici VII. Lugduni Batavorum 1647. 12.* qui licet etiam historiam describat, nihil tamen oblitus est eorum, quæ ad politicam spectant.

§. XXII.

Huc referri possunt instructiones paternæ, quas Principibus iuventutis, successoribus filiis suis præscribunt patres, pro felici statu regiminis. Tale quid egit BASILIVS, Imperator Constantinopolitanus, qui 66 capita parænetica ad filium Leonem, destinatum successorem scripsit, quarum optima est editio Conradi Rittershusii, græce & latine, *Paris 1584. 4.* MANVELIS PALÆOLOGI, Imperatoris *præcepta regiae educationis* ad Iohannem filium procuravit Ioannes Leunclavius, *Basileæ 1579. 8.* Monita tamen hæc ad statum nostrorum temporum parum apta. IOCOBVS I. magnæ Britanniæ Rex, δῶρον βασιλικὸν *donum regium* scripsit ad Henricum filium, quod testamentum ipse adpellat in præfatione, in quo sane regulas quasdam præscribit filio, quas si observasset alter, Carolus I. tali forsan fato non fuisset subiectus. Talis apud historicos reperitur.

instructio Caroli V. ad Philippum filium atque alia Gallia regum, quibus hoc consuetum, quæ tamen nunquam editæ inter arcana habentur.

§. XIII.

Huc faciunt, qui Principem iuventutis formare docent. Laudatur hac in parte ERASMI ROTERODAMI *institutio Principis Christiani*, recusa Lugduni 1641. 4. Prolixior est CONRADVS HERESBACHIVS *de erudiendis Principum liberis*, qui reip. gubernandæ sunt destinati, deque republica administranda, *Frankfurti* 1592. 8. Præstantius cæteris est GVEVARÆ *horologium Principum*, antea iam commendatum. Inter recentiores æstimantur *Avantures de Telemaque, fils d' Ulysse, ou suite du quatrieme liure de Odyssee d' Homere*, par FRANÇOIS de SALIGNAC de la MOTHE FENELON, *derniere edition plus exacte*, à la Haye 1701. 12. Historia est ex Ulysse deprompta de Telemacho, Ulyssis filio, sub quo personam Ducis Burgundiæ abscondit, sub antiope vero eiusdem uxorem. Propositum nullum est aliud, quam ut moralem disciplinam, & reliqua, quæ Principe iuventutis digna, tradat, idque stylo poetico. Infans primam atque invito auctore prodiit, post sæpius fuit recusum. Scripsit contra eundem

dem Abbas FAYDIT *Telemacomanie, ou la censure & critique du Romain intitulé, les aventures de Telemaque, à Eleuterople 1700. 12.* In quo potissimum Fenelono, archiepiscopo Cameracensi obiicit Abbas, quod ipse, tanquam persona ecclesiastica fabularum Romanensium formam sequatur, cui tamen editor Telemachi in editione vltima respondet, exemplum adlegans libri Hiobi, Damasceni, & Simeonis Metaphrastæ.

§. XIII.

Succedunt Scriptores, qui de Republica egerunt. Inter veteres hic eminet PLATO, cuius *de Republica* liber, supra iam §. III. fuit explicatus. CICERO Platonem imitatus, *libros VI. de Republica* composuit, qui non supersunt amplius. SALVSTII tamen extant *dissertationes II. ad Iulium Cæsarem de Republica ordinanda, illustratæ a Christophoro Colero, Ambergæ 1599. 8.* IOANNES LOCCE- NIVS quoque edidit notas in illas in *Syntagma dissertationum politicarum, Amstelodami 1644. 4.* Primus ex recentioribus hic adduci meretur IOANNES BODINVS, qui *de Republica* libros VI. scripsit, gallice primum *Parisiis 1566. 8.* quos ipse postea in latinum sermonem transtulit. Optime videtur editio, quæ *Francofurti prodiit 1591. f.* Scriptor fane

est elegans, sed blasphemus, nec vbique recte de Deo sentit. Comprobat sua ex historiis, sed in iis saepe nimium est prolixus, multa quoque intermiscet aliena, *Breuiarium librorum Bodini* edidit IOANNES ANGELVS WERDENHAGEN, *Amstelodami* 1614. 12. & *Marpurgi* 1638. 12. Cum autem Bodinus varios nancisceretur aduersarios, RENATVS HERPINVS *apologiam* scripsit ad illustrandam Bodini de Republica methodum, *Francofurti* 1625. 8. Secutus hunc est PETRVS GREGORIVS TOLOSANVS, cuius *de Republica* libri XXVI. *Francofurti* apud Palthenios 1597. 4. prostant. Hic, licet multa intermiscuerit quæ potius ad iuris scientiam, quam ad politicam spectant, ab argumentorum tamen apparatu atque sententiis Doctorum, quorum adlegata apud eum sunt frequentia, commendatur. ANDREAS FRICIVS *de Republica emendanda* scripsit libros V. *Basileæ* 1559. f. nec tamen omnia politices capita absoluit, licet in iis quæ explicat, multos politicorum nœuos detexerit, alia quoque de regno Poloniae intermiscuerit. ADAMVS CONTZENVS in *politicorum* libris X. *Colonia* 1628. f. Iureconsultum potius agit & Iesuitam, quam verum politicum.

§. XIV.

Non defuere, qui felicem Statum Reipublicæ describere tentantes, illud sub figmento quodam egerunt. Primum locum occupabit THOMÆ MORI *Vtopia*, quæ *Basilea* 1563. 8. prodit, cum aliis eiusdem opusculis, per Simonem Episcopium, quibus præfixa est ERASMI ROTERODAMI & præsertim GVILIELMI BVDÆI *epistola*, qua de hac *Vtopia* accuratissime iudicat. Scripta est acricum ingenio, tanquam beatæ per omnia Reipublicæ exemplar, quale tamen reperire haut licet, THOMÆ CAMPANELLÆ *Civitas Solis* inter carceris squalores ab eodem scripta, *Vltraiectioni* edita est 1643. 12. sed potius pro ut reliqua Campanellæ, in solis speculationibus philosophicis consistit. Prodit cum eadem *Mundus alter & idem*, siue terra australis antehac semper incognita, longis itineribus peregrini academici nuperime lustrata, auctore MERCVRIO BRITANNICO & FRANCISCI BACONIS de VERVLAMIO *nova Atlantis*. In DIDA-
CI BEMARDINI, seu IACOBI BIDER-
MANNI *Vtopia* seria ludicris miscentur.
Prodierunt cura Casparis Sutoris, *Dillingæ* 1644. 12. IOANNES VICTOR ROSCIUS.
sub consueto IANI NICII ERYTHRÆI

nomine, decem *eudemiorum libros* edidit *Colonie 1645. 8.* quibus magnatum præsertim vitia acute perstringit. *Nonæ Solymæ VI.* libris constantes *Londini* prodierunt *1648. 8.* in quibus nihil aliud agit auctor haud rudis, quam vt bene institutæ Reipublicæ normam præscribat. Nec aberrabimus forsan, si Platonis Atlanticam huc referre velimus, licet eandem in Suecia quærat Rudbeckius.

§. XV.

Nec defuerunt, qui Respublicas antiquas cum recentioribus conferrent. Tale institutum fuit POMPEII CAIMI, in libro italico, cui titulus : *parallelo politico delle repubbliche antiche e moderne*, qui prodiit *Patavii 1627. 4.* IOANNES LVDOVICVS PRASCHIVS in *assertione reipublicæ Achaicæ*, quæ prodiit *Ratisbonæ 1686. 4.* eandem cum Germanica confert. Cum enim Iustinus Achaïam ita definiat, quod per ciuitates, veluti per membra sit diuisa, vnum tamen corpus, vnum imperium habeant, singularumque vrbiū pericula mutuis viribus propulsent, eadem ad Germaniæ nostræ statum accommodat. MARTINVS SCHOOKIVS *fatum reipublicæ Verrentium & Achaëorum* Belgis suis in exemplum proposuit *Traiecti ad Rhenum 1664. 24.*

§. XVI.

§. XVI.

Incrementa & decrementa quoque rerumpublicarum sunt qui descripserunt. IACOBI BORNITII extat *synopsis politica de rerum sufficientia in republica & ciuitate procuranda, Francofurti 1625. 4.* Causas, unde ruina rerumpublicarum promoueatur, indagauit THOMAS BOZIVS in tractatu suo *de ruinis gentium & regnorum aduersus impios politicos, Romæ 1596. 8.* Idem egit PAVLVS MATTHIAS WEHNERVS in *metamorphosi rerumpublicarum*, quæ germanice edita atque aucta a Philippo Ludouico Autheo, *Francofurti 1665. 8.* IOANNES BISSELIVS edidit *illustrium ab O. C. ruinarum decades IV. Ambergæ 1656. 8. 3. vol.* quibus ruinas rerumpublicarum atque regnorum potiores describit, licet historicum potius agat, quam politicum, & sæpe inepte iudicet. A Chymia studio, scriptis & fatis notis est IOANNES IOACHIMVS BECHERVS. — Scripsit ille tractatum fane politicum *von Auf- und Abnehmen der Städte, Länder und Republicken, Francfurt 1668. 8.* in quo tractatu neruum rerum commercia esse dicit, quæ per monetam probam atque opera manu facta maxime promoueri probat. Præcipue vero monet, quid in manufacturis, quæ vulgo dicuntur

tur

tur, instituendis sit obseruandum. Haut ita pridem prodiit *Fürstliche Macht - Kunstreich zu werden*, ab HENRICO BODINO edita, *Hale* 1702. 12. in quo auctor quidam illustris, de rebus fiscalibus principis recte ordinandis agit, aliquam etiam proponit, quæ felici cum successu possunt adplicari, licet non adplausum inuenerit in omnibus.

§. XVII.

Diuersarum rerumpublicarum arcana, fraudes & scelera alii exposuerunt, ex quibus multa hauriuntur, quæ in vsum ducantur. Excellent in hac classe ARNOLDI CLAPMARI libri VI. *de arcanis Rerumpublicarum* à Ioanne Coruino scholiis marginalibus & præfixa epitome illustrati, cum adnexo discursu Befoldi, *Lugduni Batavorum* 1641. 12. auxit deinde nadem atque castigauit MARTINVS SCHOOCKIUS, *Francofurti ad Viadrum* 1668. 8. Elegans est Clapmarii labor, multis exemplis illustratus, sed generalis nimis, Schoockius tamen eodem longe est inferior. Secutæ sunt DESIDERII CRESCENTII *artes recondite regendi & dominandi Respublicas*, *Traiecti ad Rbennum* 1657. 12. Maiorem tamen prudentiam politicam habet TRAIANVS BOCCALINI. Hic enim primum edidit *rela-
tiones*

ziones ex parnasso. Italice primum, post gallice, latine, anglice, Hispanice, Belgice & Germanice versas, cum appendice HIERONYMI BRIANI, in quibus varia arcana rerumpublicam detexit. Adversarium autem nactus est, cuius *Riposta alla quarta Centuria* extat, & quæ huic iterum opposita est *Replica alla Rispota.* Idem Boccalinus edidit *Pietra del Paragone Politico*, seu *lapidem Lydium politicum*, siue discursus politicos de maximis Monarchiis huius mundi, ubi potissimum statum Hispanorum, horumque adfectatam Monarchiam describit. Prodierunt postea sub Boccalini nomine varia scripta politica anonymi cuiusdam, quæ tamen non semper iudicium eiusdem præ se ferunt. Idem cum Boccalino egit IOANNES BARCLAVS, in *satyrico* suo, quod sub nomine *Euphormionis* prostat; in quo, stylo Petroniano omnium Rerumpublicarum & Principum Europæ virtutes, vitia & errores perstringit. Optima est editio, quæ cum notis variorum & clauæ prodiit *Lugduni Batavorum* 1674. 8. Accessit pars quinta, seu *Veritatis lacrymæ*: vel Euphormionis continuatio per ALITOPHLVM, seu CLAVDIVM BARTHOLOMÆVM MORISETVM, quæ *Amstelodami* prodiit 1664. 8. Idem
Bar-

Barclaius in *Argenide* sua, res Gallicanas & Statum Galliae sub fictis nominibus magna cum amœnitate describit: prodiit cum clauē & figuris æneis *Francofurti ad Mœnum* 1676. 8. atque in varias linguas fuit translata. Facit huc etiam anonymi scriptoris Itali *secretaria Apollinis*, D. de ROHAN *trutina Statuum Europæ* gallice scripta, post per Iosuaam Arndium latine versa cum notis, *Güstronii* 1665. 8. *Cabinet du Roy Louis XI. à Paris* 1661. 12. *ephe-meris propudiosa Ludouici XI.* Galliae Regis, & quæ sunt scripta similia, qualia nostro tempore fere quotidie eduntur. LEONHARDVS WEID *Hispanica dominationis arcana* descripsit, atque mores Hispanorum, singula confirmans auctoritatibus iustis.

§. XVIII.

Magis progressi fuerunt ad specialia, qui in notitiam rerumpublicarum introducunt, vel certas quasdam descripserunt respublicas. Prius egit IOANNES ANGELVS WERDENHAGEN in *vniversali sua introductione in omnes respublicas*, *Amstelodami* 1631. 12. multa tamen inibi reperiuntur confusa, atque sine ordine scripta. Præferenda est IOANNIS ANDREÆ BOSII *introductio generalis in notitiam Rerumpublicarum*

carum orbis vniuersi, Ienæ 1676. 4. quæ egregia est, & multa cura elaborata. Alii vero plures Respublicas simul descripserunt; Inter Italos extat LOTTINI *thesaurus rerum-publicarum* italice primum editus, cum latina interpretatione PHILIPPI HONORII, siue IULII BELLI editus, Francofurti 1617. 4. quæ editio est optima. *Relationes universales* IOANNIS BOTERI Guilielmus de Bræcqus latine vertit, alius continuauit & IVSTVS REIFFENBERGIUS sub titulo *Politie Regiæ* edidit Marpurgi 1620. 4. FRANCISCI SANSOVINI libri XXII. *de gubernatione diuersorum regnorum & rerumpublicarum* italice scripti prodierunt Venetiis 1683. & sæpius. LVCAS de LINDA in *descriptione orbis & Rerumpublicarum* quæ Lugduni Batavorum 1655. 8. excusa est, statum geographicum singulorum regnorum describit. Accuratiores vero est editio, quæ Ienæ prodiit 1670. 8. quæ a Bosio nostra est a mendis suis correctæ & pluribus locis aucta. Hisce merito suo præferendus est CASPARIS ENS *thesaurus Politicus*, qui ex italico translatus, Colonia editus est 1610, 8. Eundem emendare atque continuare promiserat Bosius noster, verum etiam hic labor cum aliis eiusdem promissis intermortuus est. Minores

nones tractatus sunt, qui apud Germanos fuerunt editi, GEORGII HORNII *orbis politicus* explicat respublicas, Principatus, regna & imperia, prodiit cura Ioachimi Felleri, *Lipsiæ* 1633. 12. IOANNES FRIDERICVS PÖPPINGIVS *Orbem illustratum*, scripsit 1669. 12. editum, quem tamen plerumque ex Conringii collegio depromsit. Ex eodem sua habet CHRISTIANVS FVNCCIVS, qui *Orbis hodiernum imperantis* scripsit *breuiarium*, per quæstiones deductum. Sed potiora, vti ipse fatetur, in usum scholæ ex aliis collegit. Edidit quoque *introductionem positivam ad orbis imperantis notitiam*, quæ omissis quæstionibus, per theses tractat præcipua, quæ in priori tractatu adducta. Post illam prodiit *Anonymi politischer Nachtsch*, *Francofurti* 1695. 12. cuius auctorem CHRISTIANVM WEISIVM esse dicunt. Potiores & præferendi sunt singulis, bini Scriptores alii. PHILIPPVS ANDREAS OLDENBVRGERVS quidem edidit *thesaurum rerumpublicarum totius orbis quadripartitum*, *Genevæ* 1675. 8. 5. Tomis, Patuit tamen facile hunc laborem esse HERMANNI CONRINGII. Hic enim anno 1664. intra priuatos parietes de præcipuis rebuspublicis disseruerat, atque aliqua auditoribus in calamum dederat. Hæc igitur natus

etus Oldenbergius, vulgari fecit sub nomine proprio, additis notis parum necessariis, quas vel ex Lucae de Linda descriptione orbis, Strauchii dissertationibus exotericis & similibus scriptis fere sine iudicio excerpfit. Conquestus autem de hoc plagio fuit Conringius singulari admonitione plublicata, quæ Oldenburgeri famam in multis lædit. Licet autem Conringio animus non fuerit, eadem publicandi, multam tamen in eius labore reperimus industriam, cum potiora quæ ab aliis dicta in eodem reperiantur collecta, licet in plerisque regnis statum hodie plane videamus immutatum. Recentior itaque & ad nostra tempora magis est accommodatus FRIDERICH LEVTHOLFF von FRANCKENBERG, siue potius BERNHARDI ZECHII *Europaischer Herold*, *Francofurti 1688. f.* in quo Statum regnorum, atque Rerumpublicarum Europæ, non solum secundum originem suam & historiam, sed etiam politicam accurate describit. Fontes quidem, quibus in hac descriptione usus fuit, non adlegat, varia tamen adiecit acta publica, quæ multi usus esse possunt. Illud saltem dolendum, quod naturam incolarum atque regionis brevius describat, ac par est, administrationem

L

tionem tamen, reditus, potentiam Status & similia quæ ad politicam faciunt, descripsit egregie. Tacemus iam PETRI d'AVITY *theatrum mundi*, IOANNIS LUDOVICI GOTHOFREDI *archontologiam Cosmicam* atque scripta similia, quæ tamen prolixiora sunt in describenda historia, quam statu politico. Particulares respublicas varii descripserunt. In veterum descriptione extat NICOLAI CRAGII *de Republica Spartana* tractatus, & NICOLAI SIE-NICII *politia, s. respublica, Spartana, Dantisci 1606. 4.* De *Atheniensium republica* egit CAROLVS SIGONIVS, *Frankofurti 1593. f.* & qui sunt scriptores alii. Inter recentiores, qui singulas descripserunt respublicas aliis sunt præferendæ *Elzeviriana*, sic dictæ quod apud Elzevirios in Belgio in forma minori fuerunt excusæ. Cœperunt istæ anno 1610. nec tamen omnes paræ sunt industriæ, inter meliores æstimandæ sunt illæ, quæ IO. de LAET auctorem agnoscunt, vtpote eiusdem *Hispania & Gallia, siue de Francorum Regis dominiis & opibus.* Reliquæ collectæ potius sunt ex aliis, quam vt magnam industriam præ se ferant, Plerasque recenset Bosius in dissertatione agogica de comparanda prudentia civili §. LXXVI. & seqq.

§. XIX.

Politicae quoque considerationis est status religionis in regnis atque rebus publicis. Extat tractatus *anonymi de coniunctione religionis & imperii*, Parisiis 1575. 8. Sic etiam habemus DANIELIS CLASENII librum *de religione politica*, Magdeburgi 1655. 8. Huic tamen praefendus est tractatus ANTONII FABRI *de religione regenda in republica*, qui Ienae primum editus 1625. 4. post cum notis Ahasueri Fritschii, Francofurti 1665. 4. IACOBVS PAMELIVS *de religionibus diuersis scripsit non admittendis in vno vnus regni loco*, Antwerpiae 1589. 8. Elegantissimus liber est SAMVELIS PVFFENDORFFII *de habitu religionis Christianae ad vitam Ciuilem*, Bremae 1687. 8. in cuius appendice quoque Adriani Houtyni principia de potestate summorum Imperantium circa Sacra examinavit. *Scrutinium religionum* edidit ANDREAS SENNERTVS, Wittebergae 1669. 4. sed praestantius adhuc est EDVARDI BREEREWOODI *scrutinium religionum*, Francofurti 1659. 4. auctius atque correctius 1679. 12. Optimum vero est scriptum EDOINI SANDIS *relatio de Statu religionis per vniuersam Europam*, quae Anglice primum prodiit, post in varias linguas fuit translata, vbi de singulis religionibus

multa prudentia iudicat. Partim etiam huc faciunt scriptores irenici, qui de vnione religionis procuranda fuerunt solliciti, de quibus tamen aliquando in bibliotheca Theologica dicemus. Doctus quidem, periculosisissimus tamen liber est de populis terræ australis incognitæ, quos Severambes dicunt qui primum anglice, post gallice, demum Belgice prodiit, inscriptus: *Histoire des Seuerambes, behelzende een Beschryving van het unbekend Zuidland*, ubi nihil aliud agit auctor, quam vt ostendat, vnã esse religionem naturæ rerum conformem, quæ Deum supremum, atque eius quasi vices in orbe hoc inferiori repræsentantem, Solem veneretur. Quare, cum data occasione aduersus Trinitatem & Christianismum disputet, inter libros damnatos omni merito refertur a Morhofio polyhist. lib. I. cap. VIII. p. m. 75.

§. XX.

Iura Principum circa sacra alii deduxerunt. Maiestatis iura circa sacra ex parte supprimit, sed moderate illud agit NICOLAUS VEDELIUS, *de episcopatu Constantini M. Franeckeræ 1642. 12.* Huic se publico iussu in Belgio opposuit GUILIELMUS APOLLONIUS in libro, *de iure Maiestatis circa sacra, Medioburgi 1643. 8.*

Præ

Præ cæteris hanc materiam pertractavit. HUGO GROTIUS *de imperio summarum potestatum circa sacra*, cum scholiis DAVIDIS BLONDELLI, quibus *de regimine plebis* agit, *Parisiis 1648. 8.* Nota quoque sunt scripta THOMASIANA, de regimine ecclesiastico, quæ postea coniunctim, in germanicum idioma translata a IOANNE GEORGIO ZEIDLERO prodierunt, *Francofurti ad Mœnum 1701. 4.* Titulus libri est: *dreyfache Rettung des Rechts Evangelischer Fürsten in Kirchensachen.* Et quidem primo continet Thomasiæ disputationem de hac materia. Deinde *weitere Untersuchung der einfältigen Anweisung, wie die Protestirende Kirche zu vereinigen und zu verbessern sey.* Tertio defensionem Thomasiæ contra apologiam regiminis ecclesiæ. Singulis scriptis, regimen ecclesiasticum, quantum in coactiua, quæ dicitur, gubernatione consistit, principibus, excluso clero, concedit, atque variis argumentis illud firmat. Idem CHRISTIANVS THOMASIVS iura principum Evangelicorum in decidendis controuersis Theologicis adserere nititur in tractatu suo, cui titulus: *das Recht Evangelischer Fürsten in Theologischen Streitigkeiten*, *Halle 1696 4.* Prodiit etiam *disputatio Theologi Lipsiensis*, IO. BENEDICTI GARPZOVII,

de iure dccidendi controversias Theologicas cum scholiis iureconsulti Halensis, qui est Christianus Thomafius, *Hale 1701. 4.* in qua sententiam suam magis adhuc explicauit.

§. XXI.

De ratione Status multi sunt, qui egerunt. IOANNES BOTERVS primus fuit, qui rem antea confusam iusta methodo distinxit. Prodierunt autem eiusdem *della ragion di Stato libri X.* adiuncti eiusdem relationibus vniuersalibus, *Venetis 1640. 4.* Ante Boterum illud egit CYRVS SPONTONVS *del governo di Stato, in Vinetia 1627. 4.* GABRIEL ZINNANVS *della ragione degli Stati, in Vinetia 1626. 4.* LVDOVICVS SEPTALIVS, *Mediolani 1627. 4.* IOANNES ANTONIVS PALAZZVS, *Venetis 1605. 4.* SCIPIO CLARAMONTIVS, *Florentia 1635. 4.* & qui hosce securus fuit HIERONYMVS FRACHETTA, *Venetis 1647. 4.* Optimus vero videtur FRIDERICVS BONAVENTVRA, cuius est tractatus *della ragion di Stato, s. de ratione Status & prudentia politica, Urbini 1623. 4.* vbi magno ingenii acumine, quid sit vera Status ratio, declarat. Licet hodie regulæ istæ generales ad definendam Status rationem parum valeant, sed hæc potius sit Status ratio, ex quo emolumenta capiunt Summi Imperantes, siue
ex

ex regulis politicis hæc sint petita, siue ex arcano quodam consilio. *Rationem tamen Status Germaniæ singulari scripto, Altdorfi 1667. 4. edito expressit IO. WOLFGANGVS TEXTOR, atque in eo præferendus longe est ARNOLDO MAVRITIO HOLTERMANNO de eadem materia, Marpurgi 1677. 4. De Galliæ regno habemus Traité de la politique de France, par. Mr. P. H. à Cologne 1699. 12. Et Le veritable estat du gouvernement, de la France, à Paris 1656. 12. Extat etiam La Politique de la Maison d' Autriche par le Sgr. de BONAIR, à Paris 1658. 12.*

§. XXII.

Alii sunt, qui iura diuersorum Regum atque rerumpublicarum adstruere conati fuerunt. THEODORVS GRASWINCKELIVS quidem *libertatem Venetam, s. Venetorum in se Et suos imperantes iura, contra auctorem Sorutini liberatis Venetæ defendit, Lugduni Batavorum 1634. 4. Cum enim dictus auctor anonymus, de quo in bibliotheca historica pluribus dicemus, Venetorum liberratem in dubium vocaret, eandem defendere conatur Graswinckelius, licet ob veritatem historicam quoque notetur a Conringio. De iustis præter sionibus Galliarum Regis contra Imperium Romano-Germanicum egit ANTONIVS AVBERY*

gallice, *Parifis* 1667. 12. contra quem tamen, alius edidit *L' Advocat condamné, où la France & l' Allemagne defendue par la refutation du traitté d' Aubery* 1669. 12. Alius *Reginæ Christianiffimæ iura in Ducatum Brabantia atque alios principatus Hispania* probare adgreffus fuit, 1667. 12, & qui sunt fimiles.

§. XXIII.

De *Ciue Reipublicæ* habemus *ANSALDVM CEBAM*, italice, *Genevæ* 1671. 8. & *CHRISTOBHORI BESOLDI* dicurfus de iure ordinibusque *Ciuum*, *Argentorati* 1641. 4. *Ciuem Christianum* descripsit *IO. VALENTINVS ANDREÆ*, f. *Peregrini quondam errantis Restitutiones*, *Argentorati* 1619. 12. *THOMÆ HOBBSII elementa de ciue*, quæ *Amftelodami* 1669. 12. edita, fatis sunt nota, Adverfarium tamen de eo nactus fuit *ADRIANVM COCQVIVM*, *Ultraiekti* 1668. 12. Elegantiffimus eft *SAMVLLIS PVFFENDORFII* de officio hominis & *Ciuis* tractatus, in quo non folum officia hominis moralia, fed etiam in Statu ciuili viuentis defcribit.

§. XXIV.

Alia funt iura & mores aulicorum, confiliariorum atque legatorum. *Aulicum* defcribere tentauit *CAROLVS SCRIBANIVS* in *Politico Christiano*, *Osnabruga* 1625. 8.

Au-

Aulicus Politicus diversis regulis instructus, Hannoniae 1569. 12. & cum institutionibus aulicis Eusebii Meisneri, Vratislaviae 1672. 12. *Traité de la Cour, où instruction des Courtisans*, à Paris 1622. 8. quem librum in germanicum idioma transtulit GEORGIUS PHILIPPUS HARSDÖRFERVS, sub titulo: *der kluge Hoffmann*, Francofurti 1655. 8. DVRI de PASCALO, *aulicus politicus*, auctus per Eberhardum de Weihe, Francofurti 1615. 4. & qui sunt scriptores similes, quos ex parte iam superiori capite §. XXV. adduximus, inter quos præcipuus est GRATIANI *l'homme de Cour*. Binos tamen hic addimus scriptores, præ cæteris æstimandos. Alter est DANIEL EREMITA, Adwerpianus, qui *aulicæ vitæ ac civilis libros IV.* scripsit, qui cum aliis eiusdem opusculis & præfatione Ioannis Georgii Græuii extant *Ultrasiecti* 1701. 8. Hic enim in Belgio licet natus, in aula tamen Magni Florentiæ Ducis vixit, atque variis interfuit legationibus. Hoc autem tractatu elegantissimo docet, qua ratione Principis gratiam demereri, atque officia sua tum erga Principem, tum erga privatos exercere deceat; pleraque exemplis illustrantur atque iusta sermonis venustate explicantur, Commendant alii IOANNIS CASIMIRI KOLBII von WARTENBERG *väterliche Instruction*

struction an seine Kinder, Colonie ad Spreum,
 1696. 4. quæ multum in se habet monito-
 rum necessariorum, ad filios, ad veram pie-
 tatem, humilitatem atque obedientiam Deo
 & Superioribus præstandam illos adhor-
 tans. Sed monita sunt generalia, nobili
 seruanda, in omni potius vitæ genere, quam
 in aula. Consiliarium Principum alii de-
 scribunt. Antiquiores qui illud egerunt, sunt
 ADAMVS KELLERVS *de officiis iuridico-po-*
liticis, Constantiæ 1597. 4. HIPPOLYTUS a
 LAPIDE *in homine Politico, s. Consiliario*
& Officiario aulico hodierno, Amstelodami 1665.
 4. HIPPOLYTUS a COLLIBVS *in Pa-*
latino, s. aulico, qui cum notis Martini Nau-
rathi prodiit Francofurti 1670. 8. vel qui
Consiliarium ex Tacito format ADAMVS SA-
 MUEL FREYSTEIN, *Francofurti 1653. 12.* Sed
 parum hi, ob regulas generales & statui
 nostro haut accommodatas, proficient.
 Maiora atque magis vtilia præstiterunt, qui
 per certa exempla futurum Consiliarium
 instruunt. Egit illud GEORGIUS A CA-
 CIVS ENENCKEL *in Seiano suo, qui Argen-*
torati 1602. 12. prodiit, vbi sub persona at-
que historia Seiani, præpotentis sub Tiberio
ministri, artes politicas & fatum Cardina-
lis Clefelii, sub Matthia & Ferdinando Impp.
describit. Simile quid egit PETRVS
 MAT-

MATTHÆI in *Ministro Status*, quem ex gallicio in latinum sermonem transtulit IOACHIMUS PASTRIUS, *Icnæ 1664. 8.* in quo Nicolai Neoulli, magni apud Gallos ministri artes describit. *Ministerium Cardinalis Mazarini* cum obseruationibus politicis prodiit *Frankofurti 1652. 8.* Sic etiam *Ministerium Cardinalis Richelii & Mazarini* comparatum extat cum obseruationibus politicis, *Frankofurti 1652. 8. & Breviarium politicum iuxta rubricas Mazarini, Colonia 1691. 12.* Haut ita pridem quoque gallice prodiit *Testamentum Colberti*, postea germanice versum. Licet in hisce scriptis quoque historia & Status politicus regni Galliani fuerint intermixta. *Cardinalis Ximenes præcipui apud Hispanos ministri historia* anglige extat *Londini 1669. 8.* Certe, ex hisce multa haurient, quæ vel prosequantur, vel vitent qui a ministerio sunt Principum, si modo semper cum iudicio fuerint adplicata. Quæ autem Principes obseruare debeant in feligendis ministris, magno acumine docuit in symbolis suis Didacus Saavedra. Sunt autem inter hosce qui de Statu & casu Ministrorum in republica eminentium singulatim egerunt. Extat quidem WILHELMI SCHRÖTERI dissertatio *de Ministrisimo*, sub Olpii præsidio, in
hac

hac academia primum habita, post vero
Magdeburgi recusa 1673. 8. Gallico idiomate
 habemus *Histoire des Ministers d'etat à Paris*
 1669. 12. 2 vol. Cui tamen præferenda ad-
 huc est *Histoire des plus illustres Favoris, an-
 ciens & modernes recueillé par feu Mons P. D.*
P à Leyden 1662. 12. vbi singulorum historia
 & præcipua fata describuntur. De casibus
ministorum in Republica eminentium singula-
 ris extat dissertatio ADAMI RECHEN-
 BERCHII, *Lipsiæ* 1678. 4. Alias habentur
effets pernicioeux des mechans Favoris & grands
Ministres d'estat, à la Haye 1653. 8. Angliæ
 vero præcipui Ministri eleganter describun-
 tur in libro, cui titulus: *Seiani Angliæ a*
Reformationis tempore, eorundem prudentia,
successus, errores, incrementa lapsus sub regi-
bus Henrico VIII. Eduardo VI. Regina Maria
& Elisabetha, Rege Iacobo & Carolo I. Angliæ
Londini 1670. 8. Sic etiam prodiit *Fauoriten*
Spiegel s. Ruhm und Fall des Conte Duca d' O-
livaretz *Francfurt* 1656. 12. His adnectimus
 etiam, qui de legatis, atque legationibus
 egerunt. De legationibus habemus libros
 IV CONRADI BRVNI, *Moguntia* 1548. f.
 FRANCISCVM le VAYER *de legato, s. de*
legatione legatorumque privilegiis, officio & iu-
ribus, Parisiis 1580. 4. & cum aliis *Hanouie*
 1596. 4. OCTAVIVM MAGIVM *de legationi-*
 bus

bus & legatis, Venetiis 1567. 8. IOANNEM a CHOCKIER, Colon. 1624. 4. HERMANNVM KIRCHNERVM, Marpurgi 1613. 4. CAROLVM BASHALEN, Parisiis 1613. 4. Cæteris vero sunt præferendi ALBERICVS GENTILIS, cuius tractatus de legationibus, Londini 1585. 4. brevis est sed elegans. Sic etiam non contemnendus est FRIDERICVS de MARSELAER, de legato, Antwerpiæ 1624. 4. qui per regulas politicas talem describit. Omnium tamen instar esse potest Dni de WICQVEFORT L' Ambassadeur & de ses fonctions, à la Haye 1680. 4. quem postea in germanicum idioma transtulit IOANNES LEONHARDVS SAVTERVS, Lipsiæ 1682. 4. qui officia, iura & statum legati ex iure ciuili, & publico, secundum consuetudines etiam in aulis receptas, egregie describit.

§. XXV.

Ad militarem statum, quantum est politicæ considerationis facit BERNARDINI ROCCÆ *discorsi de guerra. In Vinetia 1582. 4. BALTHASAR AYALA de iure, officiis bellicis ac disciplina militari, Antwerpiæ 1597. 8. LATZARI von SCHWENDI Kriegs-Discurs von Bestellung eines gantzen Kriegs-Wesens Frankfurt 1605. 8. & quod præ-*
ci-

cipuum GABRIELIS NAVDÆI *syntagma*
de studio militari, Romæ 1649. 4. in hoc enim
 pleraque quæ ad statum rei militaris faci-
 unt, ex antiquioribus æque ac recentiori-
 bus congeffit & multis exemplis illustra-
 vit. Ex hoc syntagmate *bibliographiam*
tantum militarem celeberrimus vir, præce-
 ptor olim venerandus, GEORGIUS SCHV-
 BARTVS edi curauit *Ienæ 1683. 12.* ex qua
 plura hauriri possunt, de scriptoribus rei
 militaris. Pertinent huc etiam, qui de
 stratagematibus egerunt, quod ex antiquis
 egit SEXTVS IVLIVS FRONTINVS, qui
 Græcorum Romanorumque exempla va-
 ria adducit. Prodiit cum notis Roberti
 Keucheni, *Amstelodami 1661. 8.* Sic etiam
 extant POLVENI *Stratagematum libri VIII.*
 cum notis & emendationibus Isaaci Casau-
 boni, *Lugduni Batavorum 1589. 12.* Eundem
 imitatus IO. BAPTISTA BELLVS *polye-*
num Gallicum scripsit *Tolosæ 1643. 12.* vbi so-
 lum exempla ex historia Gallica petita re-
 censentur. De reliquis, quæ concernunt
 indictionem belli atque ius feciale, infra di-
 cemus inter Scriptores iuris Gentium.

§. XXVI.

Sunt etiam qui vitia politicorum de-
 scripserunt. Prodiit olim Compendium
 politices nouum, sub schemate *hominis Po-*
litici

litici, ex principiis Iesuiticis deductum, quod tamen sub titulo: *Politici Scelerati* impugnauit CHRISTPHORVS PELLERVS, *Noribergæ 1669. 8.* Licet non deessent, qui Pellerum ad scripti refutationem non satis instructum fuisse vellent, CAROLVS de GROBENDONC librum edidit *de ortu & progressu Spiritus politici, & quo ille, nisi fortiter ei occurratur, sit euasurus, Pragæ 1616. f.* in hoc autem axiomata politica proponit, quibus fraudes politicæ insistant. Nec male huc refertur *Monarchia Solipsorum*, quæ sub nomine LVCI CORNELII EUROPEI, seu qui sub eodem latere putatur, GABRIELIS BARIACI LERMÆI, prodiit, primum Venetiis, dein in Belgio recusa, in qua Iesuitarum artes, mores, studia & status totius Societatis multa industria atque elegantia depingitur. De iisdem extat *La Morale pratique des Iesuites, à Cologne 1669. 12.* atque THEOPHILI EVLALII *homo politicus & monita priuata S. l. Placentiæ 1668. 12.* quæ prauas artes Iesuitarum viuis coloribus depingunt.

§. XXVII.

Hic non male adnectentur, qui vulgo dici solent Monarchomachi, eo quod Principum summorum maiestatem impugnant. Talis fuit olim GEORGIUS BVCHA-

CHANANVS in libro suo *de iure regni apud Scotos*, in quo licet, prout titulus fert, de Scotis saltem agere videatur, odium tamen suum erga regiam potestatem in genere prodidit. Accessit eiusdem historiae *Scoticae Edinburgi 1583. f.* atque in Belgicum sermonem translatus *Amstelodami 1598. 4.* Respondet eidem GVILIELMVS BARCLAIVS, in tribus libris prioribus de regno & regali potestate, in reliquis tribus Brutum, Boucherium, aliosque refutat: prodierunt *Parisiis 1600. 8.* Sanguinarius & crudelissimus liber est *de iusta Reipublicae Christianae in Reges impios & haereticos, auctoritate, animadversione, iustissimaque Catholicorum ad Henricum Nauarraeum & quemcunque haereticum a regno Galliae repellendum confederatione, Antwerpiae 1592. 8.* in quo regem haereticum non solum a regno haereditario plane repelli posse contendit, sed etiam licitam esse contra eum confederationem. Auctorem libri faciunt GVILIELMVM GIFFORDVM vel GVILIELMVM ROSSÆVM. Henricus Ernestius vero variarum observationem libro II. c. XXXVI. IOANNI BOUCHERIO tribuit. Hic enim homo nefarius *de iusta Henrici III. abdicatione e Francorum regno libros II.* scriptio *Lugduni 1591. 8.* licet abdicatus non fuerit Henricus, multas autem sub-

subditorum rebelliones expertus. Cum autem tractatui nomen præmittere non dubitauerit, vix crediderim ab vno auctore vtrosque tractatus esse, de eadem materia agentes. Priori autem libro *de reipublicæ Christianæ potestate* dissertationem opposuit IOANNES MEISNERVS *de tyrannicidio, Wittebergæ 1642. 4.* Eodem cum superioribus fere tempore, prodierunt STEPHANI IUNII BRUTI *vindiciæ contra tyrannos, seu de Principis in populum, populi que in Principem legitima potestate, Edinburgi 1579. 8. Francofurti ad Mœnum 1608. 8. & gallice 1581. 8.* in quibus populi iura nimium extolluntur. THEODORVM BEZAM voluit esse auctorem Ioannes Philippi, Anglus, in responsione ad apologiam Brammali p. 29. quare etiam editioni *Amstelodamensi 1660.* factæ, nomen Bezæ, Bruti nomini est subiectum. Huic tamen abiudicat GISBERTVS VOËTIVS in *disquisitione de auctore vindiciarum contra tyrannos, quæ sub nomine Iunii Bruti, Celta, aliquoties typis editæ sunt, Amstelodami 1661. 12.* quæ primum recto nomine prodiit, post parti quartæ disputationum selectarum fuit inserta. Hic autem HVBERTO LANGVETO attribuit, cuius nomen editioni nouæ post hanc disquisitionem editam, fuit præfixum.

M

Quem

Quem etiam plerique alias adgnoscent, licet vel FRANCISCI HOTTOMANNI vel PHILIPPI MORNÆI esse alii velint. Hunc tamen vltimum verum esse auctorem, editorem Ludovicum Villerium Loifelerium condendit Grotius. Contra hunc prodierunt anonymi *defenses de la Monarchie Françoise contre le livre de Iunius Brutus*. Potiores partes in hac materia faciunt, qui in causa regicidii Anglicani calamum exercuerunt, in qua ab vtraque parte scripta varia fuerunt edita. CLAVDIVS SALMASIUS primum tecto nomine scripsit *defensionum regiam pro Carolo I.* quæ 1650. 12. prodiit, idque sine dubio, auspiciis Caroli II. In hac totus in eo est, vt Anglos regicidas increpet, & demonstret, parlamentum Anglicanum esse infra Regem. Respondet eidem atque *defensionem pro populo Anglicano* suscepit IOANNES MILTONVS, in peculiari tractatu *Londini 1652. 12.* edito. Ad quam posthuma CLAVDII SALMASII prodiit *responsio*, *Londini 1660. 8.* Certe, eruditione superior erat Salmasius Miltono, non æque iudicio pragmatico. Ad normam reipublicæ Romanæ, atque ex scriptoribus antiquis Angliæ statum deducit, quod in ipso Miltonus atque alii reprehendunt. Commune igitur de vtriusque est iudici-

dicium, quod Salmasius rem optimam pessime, Miltonus rem pessimam optime defenderit. Id quod de ratione politica facile concedimus, cum alias magis erudita sint Salmasii, Miltoni vero speciosa argumenta. Secundam postea *defensionem pro populo* suscepit Miltonus *contra tractatum anonymi, cuius titulus, regii sanguinis clamor ad cælum, aduersus parricidas Anglicanos, Haga Comitum 1654. 12.* In hoc potissimum exemplis ex historia, præsertim Anglica petitis docet, parlamentum esse supra Regem & imperii summam penes populum. Culpandus tamen potissimum est, quod Caroli I. Imperium dicat esse tyrannicum. Alias Miltono respondit in *apologia sua pro rege & populo Anglicano contra Ioannem Miltonum, Antwerpia 1652. 12.* Hic autem potius iniurias in Miltonum euomuit, quam ut eius argumenta euertat. IOANNEM BRAMMALVM huius scripti auctorem facit, eius vitam describit, eisdemque respondet IOANNES PHILIPPI. Anglus, in *responsione ad apologiam anonymi cuiusdam tenebrionis, Londini 1652. 12.* Sed etiam hæc responsio plus iniuriis quam argumentis atque rationibus est referta. Idem Regicidium defendere conatur WILLIAM ALLEN in libro, quem inscripsit: *traité politique, que tuer un tyran, n'est pas un meurtre*

tre, à Lyon 1658. 8. id quod ex multis scriptoribus demonstrare conatur. Alii tamen contra Miltonum & adsecclas egerunt. Prodiit enim Carolus I. Britanniae Rex a securi & Miltoni calamo vindicatus, Dublini 1652. 12. IACOBI SCHALLERI dissertatio ad quaedam loca Miltoni, Argentorati 1652. habita, post recusa Lugduni 1653. 4. Abbrege des derniers mouvemens de Angleterre, avec vn raisonnement des droits du Roy que du Parlement, à Anuers 1651. 12. Examen Anglicum, exhibens quaestiones politico-iuridicas maiestatem non esse violandam, Rintelii 1653. 4. IO. CHRISTOPHORI NEANDRI discursus de Principum Potestatis summitate contra Regicidium Anglicanum, Francofurti 1661. 12. GVILIELMI VRSINI de RIVO vindiciae pro capite Regis Anglicae contra rebelles parricidas, Hagae Comitum 1649. 12. & qui tractatus sunt similes. Inter hos optimum censi debet CASPARIS ZIEGLERI regicidium Anglicanum, Amstelodami 1676. 12. iura regi ad defendens. Referuntur etiam ad Monarchomachos BELLARMINVS in libro de potestate ecclesiae, IOANNES ALTHVSIVS in politica succincta, M. ZVERIVS BOXHORNIVS in institutionibus politicis, DAVID PAREVS in Commentario in epistolas ad Romanos, vbi hanc opinionem defendit, quod magistratus inferior superio-
rem

rem punire & bellis possit inuadere, atque scripta similia. FRANCISCI HOTTO-MANNI *Franco galliam* huc vulgo referunt, cum tamen Hottomannus non contra Monarchiam summorum Imperantium in genere agat, sed iura tantum Parlamenti in Gallia, quæ satis magna olim erant, defendat, quæ tamen legibus fundamentalibus atque obseruantia erant fundata. Nouissimum scriptum est GERARDI von der MVELEN, *de sanctitate summi Imperii Ciuilis*, Traiecti 1689. 8. quo multis, nec etiam infirmis argumentis probat, licere resistere Monarchis, si potestate sua abutantur.

§. XXVIII.

Certorum scriptorum saltim politicam alii describere adgressi sunt. Ita CASPARIS FACII habemus *politicam Liuianam*, in qua Statum Reip. liberæ apud Romanos explicat, Lipsiæ 1615. 4. IOANNES HENRICVS BOECLERVS *dissertationes politicas* edidit *ad selecta veterum historicorum loca*, quæ institutionibus politicis eiusdem innectæ sunt. Eiusdem sunt *characteres politici Velleiani*, Argentorati 1642. 8. in quibus potiora politica ex Velleio enodauit atque deduxit. Optandum omnino esset, vt singulorum Scriptorum tales extarent caracte-

res. Addimus etiam illos, qui ex Tacito certa deduxerunt axiomata, de quibus iam supra fuit dictum.

§. XXIX.

Plures sunt, qui observationes politicas de variis negotiis ediderunt. Extant quidem *Reflexions politiques, par lesquelles on fait voir, que la persecution des Reformés est contre les véritables interets de la France à Cologne 1686. 12. Reflexions sur le projet de Paix, dressé par la France, par l'auteur du salut de l'Europe 1698. 4.* atque scripta similia, cum vix hodie de negotio alicuius momenti agatur, de quo non certæ edantur reflexiones.

§. XXX.

Generales sunt observationes historico politicae MATTHIÆ BERNEGGERI, Argentorati 1669. 8. & MICHAELIS PICCAR-TI observationum politicarum decades VI. priores atque posteriores, Noribergæ 1651. 8. Vtrique varia ex historicis, antiquis præsertim, politice considerarunt. NICOLAUS BEL-LERMONVS dissertationes politicas scripsit, sive discursus in Q. Curtium &c. Basileæ 1626. 8. IOANNES PAVLVS FELWINGERVS dissertationes politicas, Noribergæ 1666. 8. CHRIS-STOPHORVS HEIDMANNVS dissertationes politicas, Helmstädti 1658. 8. & similes.

§. XXXI.

§. XXXI.

Vltimo tandem loco addimus, qui de arte apodemica siue peregrinandi egerunt. Plures sunt, qui in eadem materia fuerunt occupati. De *arte peregrinandi* libros duos habemus, *Lipsiæ 1591. 12.* & qui postea coniunctim editi fuerunt *auctores varii de arte peregrinandi, Noribergæ 1591. 8.* *Hermetem politicum* seu libros III. de prudentia peregrinatoria edidit IULIUS BELLVS, *Francofurti ad Mœnum 1608. 12.* olim satis æstumatum, hodie parum vtilem, cum ipse quidem olim in aulis Principum versatus, plane diuersum statum a nostro viderit. IOANNIS HENRICI BOECLERI *dissertatio de peregrinatione Germanici Caesaris* inter dissertationes eiusdem academicas extat. Sic etiam HERMANNVS CONRINGIVS *de prudentia peregrinandi* egit, *Francofurti 1672. 4.* IOANNES CONRADVS DIETERICVS *de peregrinatione studiosorum, Marpurgi 1640. 4.* THEODORI ZWINGERI *methodus apodemica, Basileæ 1577. 4.* ALBERTI MEYERI *methodus apodemica, Rostochi 1591. 8.* GEORGI LOYSII *peruigilium Mercurii de virtutibus peregrinantium, Francofurti 1643. 12.* EDVARDI LEIGH *dissertationes III. de peregrinatione & peregrinantium manu- ductione ad exterarum gentes. de Moneta: de*

mensura vnus loci ad alium, quæ anglice fuerunt editæ. IOANNES PITSÆVS de *peregrinatione*, Dusseldorpi 1604. 8. atque alii. Præferendus tamen singulis est liber egregius BAVDELOTI de DAIRVAL *de l' utilité des voyages & de l' auantage que la recherche des antiquës procure aux sçauans*, à Paris 1686. 12. qui rei litterariæ & antiquitatum quam maxime docet habere rationem. Hic tamen defectus hodie est, quod pro statu nostri temporis, nullum adhuc habeamus scriptorem, qui rationem peregrinandi politicam vere descripserit. Nec male tamen applicantur hic, qui exempla peregrinationum rite institutarum descripserunt. DANIEL EREMITA elegantissime descripsit *Iter Germanicum*, quod ipse cum Coloreto, Magni Ducis legato, ad Rudolphi II. Imper. aliorumque Germaniæ Principum aulas instituit in *epistola*, ad equitem Camillum Guidum hac de re scripta, licet in eadem acute nimis perstringat quosdam Germaniæ Principes, aulæque. CONSTANTINI GERMANICI, siue qui sub hoc nomine latet, PHILIPPI ANDREÆ OLDENBURGERI *epistola ad Iustum Sincerum de peregrinationibus Germanorum recte instituendis*. Cosmopoli prodiit 1668. 12. In hac sane epistola perstringit auctor omnes Ger-

Germaniæ aulas , arcana detegit , vitia notat , etiam quid boni habent , exponit , magna tamen libertate. De hoc itinera-rio LVDOVICVS VERONENSIS *relationem* scripsit *ad Ioannem Henricum Bæclerum* , in qua non solum singula adprobat , sed plenius quandoque exponit. Cui tamen EVSEBIVS FÜRSTENHOLD *examen* suum opposuit 1670. 12. STEPHNAVS VINANDVS PIGHIVS *in Hercule suo prodicio* Caroli , Cliuæ Ducis vitam & peregrinationem , in varias terras descripsit *Argentorati* 1609. 8. Quem postea secutus fuit IOANNES PAKENIVS , qui in *Hercule Prodicio rediuiuo* Ioannis Wilhelmi , Comitis Palatini Rheni , iter per Belgium , Angliam , Galliam atque Italiam describit , *Coloniæ Agripinæ* 1695. 4. Specialis est THOMAS ERPENIVS *de peregrinatione Gallica utiliter instituenda* , *Lugduni Batavorum* 1631. 12. De itinere studiosi Theologiæ per Italiam peculiari dissertatione egit IOANNES FABRICIVS. *Altdorfi* 1675. 4. Vt teceamus itineraria per diuersas prouincias , quæ tamen considerationis sunt vel historicæ vel geographicæ.

CAPUT OCTAVUM.

DE

SCRIPTORIBVS IURIS NATURÆ ET GENTIVM.

§. I. *Scriptores de historia Iuris Naturæ & Gentium.* §. II. *Editiones Grotianæ.* §. III. *Commentatores in Grotium.* §. IV. *Introductiones in Grotium.* §. V. *Reliqui scriptores, qui maiora systemata iuris naturæ ediderunt.* §. VI. *Scriptores qui compendia Iuris Naturæ ediderunt.* §. VII. *Hobbesius de Ciue, eiusdemque aduersarii & defensores.* §. VIII. *Scriptores speciales de iure naturæ.* §. IX. *Scriptores iuris Gentium.* §. X. *Scriptores de dominio maris.* §. XI. *Scriptores de iure belli.* §. XII. *Scriptores de iure legationum.*

§. I.



Naturæ & gentium iura veteres olim ex obseruantia potius diiudicabant, quam ex scriptis. Quare non erit quod miremur, in philo-

philosophia antiquiori nihil reperiri, quod ad hanc partem ducamus. Ipsi tamen gentium mores placita quædam quasi communi consensu recepta firmarunt. Spectant huc, qui *historiam iuris Naturæ & Gentium* dederunt. Talem habemus IOANNIS GRÖNINGII, quæ præmissa est Puffendorffii tractatui de officio hominis & Cuius, *Holmiæ 1701. 12.* nimium tamen brevis est, & in multis generalis, cum ad Moralia æque possit adplicari. Speciatim ad Jus naturæ facit IOANNIS FRANCISCI BVDDEI *historia iuris naturalis* cum Vitriario *Hale* edita 1701. 8. ERI-CVS MAVRITIVS in *specimine dissertationum de principiis iuris publici*, quod *Tubingæ* prodiit 1665. 4. variarum gentium & philosophorum sententias de iure naturæ explicat. Addimus IOANNIS IOACHIMI ZENT-GRAVII *de origine, veritate & immutabilitate Iuris Naturalis* tractatum, *Argentorati 1678. 8.*

§. II.

Pater quasi Scriptorum iuris Naturæ & gentium habetur HVGO GROTIUS, qui *de Iure Belli & Pacis* libros III. conscripsit, quorum ob iudicii neruum, ingenii acumen atque exemplorum commode adducturum copiam æstimatio est maxima, licet etiam in iisdem animadvertantur, non-

nonnulla, quæ vel non fatis dicussa, vel non ab omnibus adprobata. Inter editiones commodiores habenda est, quæ cum notis ad textum accommodatis Ioannis Friderici Gronovii prodiit *Amstelodami 1680. 8.* Postea IOANNES CHRISTOPHORVS BECMANNVS aliam procuravit cum propriis atque aliorum notis excerptis, *Francofurti ad Viatrum 1691. 4.* Hic enim in contrahendis excerptis aliorum notis haut æquum ubiuis exhibuit iudicium. Prodiit postea alia editio, cura GOTHOFREDI SPINÆI, *Lugduni Batavorum 1696. 4.* in qua continentur Ziegleri, Osiandri atque Gronovii notæ, sæpe tamen illæ ipsæ, quas excerptit Becmannus. Hoc vero institutum propter mortem auctoris, tantum usque ad librum II. cap. IV. fuit perductum. IOANNES GEORGIUS SIMON in hac academia Grotium cum notis edidit, quæ tamen potius ex Scholasticis & Moralistis fuerunt confarcinata. Recentior & longe præstantior est editio IOANNIS TESMARI & VLRICI OBRECHTI, quæ *Francofurti 1696. f.* prodiit. Testatus in hisce fuit Tesmarus ingenii acumen, atque styli elegantiam, multa quoque illustravit ex antiquitatibus: Obrechtus vero multa solide decidit, licet quandoque

que a Grotio dissentiat. Addenda adhuc editio GERHARDI van der MVELEN, *Ultraiecti* 1696. f. in qua propria adnotata adiecit, potiore tamen partem faciunt notæ Gronovii. In Gallicum sermonem Grotium transtulit ANTONIVS CVRTIVS, *Hagæ Comitum* 1688. 12.

§. III.

Separatim vero alii in Grotium fuerunt commentati. Ex Iureconsultis egit illud CASPAR ZIEGLERVS, in Commentario suo, *Wittebergæ* 1666. 8. Eidem quidem contrarius est HENRICVS HENNINGES in *observationibus politicis & moralibus in Hugonem Grotium*, *Solisbaci* 1673. 8. sed Ziegle- rum non bene intellexit ubique, quare etiam ab ipso neglectus. In Ictorum numero quidem erat IOANNES a FELDE, licet quoque inter philosophos partem capiat. Hic *notata ad Grotium* dedit *Amstelodami* 1653. 12. recusa *Ienæ* 1663. 12. contra quem in *stricturis* suis disputavit THEODORVS GRASWINCKELIVS, *Lugduni Batavorum* 1654. 12. respondit tamen in Ienenſi editione Feldenus. Ex Theologis illud egerunt ADAMVS OSIANDER, *Tubingæ* 1679. 8. & in hac academia VALENTINVS VELTHEMIVS. IOANNES HENRICVS BOECLERVS in integrum li-
brum

brum primum & septem capita libri secundi fuit commentatus, cuius æstimatio apud eruditos est dubia, cum theoreticus magis fuerit Bœclerus, quam pragmaticus. Idem appendicis loco adiecit quinque dissertationes ad illustranda quædam loca Grotii, primam *de eo quod ciuitas egit*, alteram *de mensura pretii*, tertiam *de actione ingrati*, quartam *de milite captiuo*, quintam *de quiete in turbis*, seu *neutralitate*. Huc faciunt etiam VLRICI OBRECTI *exercitationes de ratione belli*, Argentorati 1675. 4. Eiusdem *Sponsor pacis*. CHRISTIANI THOMASII *dissertationes de sponsione Caudina* atque *Numantina* ad illustrandum librum II. Grotii cap. XV. §. 16.

§. IV.

Introductiones in Grotium aliqui etiam dederunt. Qui tabulas volunt, habent IOANNIS PHILIPPI MÜLLERI tabulas, ubi præmissa generalis facta dicitur ab ipso Grotio, quam Matthias Biörenklovv Mullero vulgandam tradiderit, *Frankofurti 1665. f.* Contractiores sunt Boineburgianæ, quas Bœclerus Commentario suo adiecit. Grotium per quæstiones proponit IANVS KLENCKIVS, qui *Institutiones Iuris Naturæ & Gentium* scripsit *Amstelodami 1665. 12.* *Ienæ recusas.* Eiusdem breuitatis

tis est IOANNIS HENRICI SVICERI *compendium Grotianum*, Tiguri 1682. 8. IOANNIS GEORGII SIMONIS *Grotius erotemarius* parvæ est utilitatis. Præferri tamen *singulis meretur* IOANNIS GEORGII KVLPI-SII *Collegium Grotianum*, in academia Giesfensi XV. exercitationibus institutum, *Frankofurti ad Mœnum* 1682. 4. In hoc autem quæ obscura videbantur apud Grotium, explicavit vberius, quæ autem prolixius dicta excerptit, ut veram inde habeamus introductionem Grotianam.

§. V.

Grotium partim secuti, vel imitati fuerunt alii. IOANNES SELDENVS Grotii æmulationem suam conscripsit *de iure naturæ & gentium* opus, iuxta disciplinam Ebræorum, *Argentorati* 1665. 4. Hanc quidem, quam sumsit partem debite exhausit, cum tamen non omnia iuris Naturæ placita ex Noachidarum præceptis deducere liceat, in reliquis labor erit sufficiens, licet etiam aliena quædam, quæ ad ritus Ebræorum faciunt, intermiscuerit. *Specimen iuris naturalis secundum disciplinam Platoniam* debemus IOANNI IOACHIMO ZENTGRAFIO, *Argentorati* 1679. 4. Præ cæteris vero æstimandi sunt SAMVELIS

LIS PUFFENDORFII *de Iure Natura & Gentium libri VIII.* qui primum *Lundini Scano-*
rum prodierunt 1672. 4. post aliquoties re-
cusi. In his enim Grotium & explanat &
supplet, atque vbique egregium se præstat.
Aduersarios quidem nactus fuit IOSVAM
SCHVVARTZIVM & NICOLAVM BEC-
MANNVM, qui in *indice Nouitatum* Puffen-
dorffium tanquam orthodoxæ fidei contra-
rium fingunt, quibus tamen in *apologia*
pro se & libro suo respondet. Secuti hosce
sunt Schertzerus, Lyserus, Velthemius,
Gesenius, Warenbergius, Alberti, Strime-
sius, Zentgravius, quibus tamen in *differ-*
tationibus academicis, specimine Controversia-
rum, & eride Scandica solide respondet.
Quæ scripta polemica vltimæ eiusdem e-
ditioni fuerunt adiecta. Quid Boinebur-
gio Baroni de concinando iurispruden-
tiæ perpetuæ & Naturalis corpore in votis
fuerit, & quid ista in re actum fuerit ex-
ponit Gröningius in historia iuris naturæ
§. XXIII. p. m. 33. Quantum vero ad in-
telligendum melius Grotium Puffendorff-
ius, tantum ad hunc melius explicandum
CHRISTIANVS THOMASIVS facit. Huius
enim *institutiones iurisprudentiæ diuinæ* ex no-
ua, eademque auctiori editione prodie-
runt *Halæ* 1702. 4. Hæc autem editio in-
mul-

multis non solum immutata fuit a priori, sed etiam notis arque adlegatis adaucta. Licet nunc nouam eandemque denuo immutatam editionem meditetur celeberrimus auctor.

§. VI.

Prima iuris naturæ & gentium principia dedit GVILIELMVS GROTIVS in *enchiridio suo*, quod cum notis Georgii Götzi editum est *Ienæ 1675. 12.* Generalia enim tantum sunt, quæ tractat, atque imperfecta, cum non nisi de moribus & contractuum iuribus agat. Male igitur epitome dicitur operis fraterni de iure belli & pacis. *Institutiones iuris naturæ* ex doctrina morali dedit IOANNES EISENHARTVS, *Helmstadt 1644. 4.* RICHARDI ZOUCHEI *elementa iurisprudentiæ*, *Hagæ 1665. 12.* multas quæstiones iuris naturalis cum iure Ciuili miscent. Addi potest VITI LVDOVICI a SECKENDORF *Entwurff von dem allgemeinen natürlichen Recht*, quod schediasma habetur inter Orationes Germanicas num. 50. p. 435. Nec male huc refertur VLRICI HVBERI *de iure Ciuitatis* tractatus elegantissimus, multa doctrina refertus, quem ex editione auctiori habemus *Franeckera 1684. 8.* SAMVELIS PVFFENDORFII *elementa iuris-*
N *pruden-*

risprudentiæ Ienæ prodierunt 1669. 8. in quibus per demonstrationes mathematicas progreditur, accessit in Ienenſi editione ſphæra moralis, quæ tamen Puſſendorffium auctorem non adgnoſcit. Præferendus eiſdem eſt de Officio Hominiſ & Ciuiſ tractatus, iuxta legem naturalem, ex editione ſeptima atque vltima, Holmiæ 1701. 12. in quo principia moralia atque iuriſ naturæ coniungit & breuiter quidem, ſed neruoſe atque accurate exponit. Non male iunguntur IOANNIS FRANCISCI BVDDEI fundamenta iuriſ nature & gentium, quæ in philoſophia eiſdem practica continentur.

§. VII.

Inter reliquos haut male huc referuntur THOMÆ HOBBSII *elementa de Ciue*. Hic licet ius Naturæ & Gentium pro vno eodemque habeat, & multa proponat non ab omnibus adprobata, de ſummo Imperio tamen haut perperam agit. Varios autem Hobbeſii dogmata habuerunt cenſores. GISBERTVS COCQVIVS quidem *vindicias ſcripſit pro lege & imperio contra Hobbeſium. Vltraiekti 1661. 12.* IOANNES TEMPLERVS *ideam Theologiæ Leviathanis. Londini 1673. 8.* SETHVS WARDVS *exercitationes epistolicas in Hobbi philoſophiam.*

Oxo-

Oxonii 1656. 8. RICHARDUS CUMBERLAND quoque *de legibus naturæ* eiusdem elementa philosophiæ cum moralis, tum ciuilis refutauit, *Londini 1674. 4.* SAMUEL STRIMESIUS, *praxiologiam apodicticam* edidit, seu philosophiam moralem demonstratiuam pythanologiæ Hobbesianæ oppositam, *Francofurti ad Viadrum 1677. 4.* Defensores tamen nactus fuit varios. Inter hos est LAMBERTVS VELTHUYSEN cuius *de principiis iusti ac decori* liber, ab initio sine nomine prodiit *Amstelodami 1651. 12.* posteriores vero editiones nomen aperte præferunt. In hoc autem totus est in defendendo Hobbesii libro de Ciue. Idem quoque scripsit tractatum *de iustitia diuina & humana. Ultraiecti 1664. 12.* in quo necessitatem satisfactionis Christi & Ius Christianorum belli gerendi adstruit.

§. VII.

Restant adhuc, qui speciales quasdam materias illustrent. HUGO de ROY tres libros scripsit *de eo, quod iustum est*, re-
cusos Ienæ 1670. 12. quibus philosophiam, Iurisprudentiam atque Theologiam coniungi debere docet. IOANNIS LUDOUICI PRASCHII, viri doctissimi extant tractatus quidam speciales *de lege caritatis*,

de naturali potestate in libros , amplitudine iuris Socialis , odio religionis , bono Ciue , quæ eleganter elaboratæ. De fide hæreticis servanda optime scripsit IACOBVS SCHVLTESIVS.

§. IX.

Non defuere, qui perpetuo nexu Ius Naturæ & Gentium ita inter se copulata esse dicerent, vt haut facile possint seiungi. Separanda tamen esse ea, quæ natura sunt turpia a moribus atque institutis gentium alii iudicarunt. De hoc discrimine agit IOACHIMVS ZENTGRAF articulo VIII. *de iure naturali secundum disciplinam Christianorum, Argentorati 1678. 4.* Eiusdem est *disquisitio de origine, veritate & obligatione iuris Gentium, Argentorati 1684. 4.* ADAMI TRIBBECHOVII elegans est *dissertatio de philosophia Morum inter Barbaros orientales, Kiloni 1666. 4.* IOANNIS WOLFGANGI TEXTORIS *synopsis Iuris Gentium, Basileæ 1680. 4.* edita admodum perspicua est. DAVIDIS MEVII quoque extat *prodromus iuris gentium communis, Stralsundæ 1680. 8.* qui etiam suam laudem habet, licet plenius Opus quod promiserat, non fuerit infecutum.

§. X.

Initio superioris seculi notabilis hæc

CON-

controuerſia fuit de eo, an mare haberi poſſit in dominio. Controuerſia agebatur inter Belgas atque Britannos, ratione maris Britannici, cuius uſum liberum eſſe volebant Belgæ, ſibi vinticantibus Britannis. Ciuium ſuorum cauſſam defendit HUGO GROTIUS *in mari libero, Francofurti 1609. 12.* edito poſt 1669. reuſo. Infirmiora videbantur, quæ a Grotio dicta, dum iuuentis adhuc eſſet, multum tamen in iisdem refutandis occupatus fuit IOANNES SELDENUS *in mari clauſo, Londini 1636. 4.* Seldeno ſe oppoſuit IOANNES ISAACIUS PONTANVS, *diſcuſſionum, hiftoricarum libris II. Harderuici 1637. 8.* Latius uero perſiſt hæc controuerſia, atque ad alia quoque maria deducta fuit. SERAPHINUS de FREITAS quidem egit *de iuſto Imperio Luſitanorum Aſiatico aduerſus Grotii mare liberum, Pinciæ 1625. 4.* De dominio reipublicæ Genuenſis in mari Liguſtico egit PETRVS BAPTISTA BURGUS, *Romæ 1641. 4.* IULIUS PACIUS *diſceptationem* edidit inter Regem Hiſpaniæ ob regnum Neapolitanum de dominio Maris Adriatici & inter Rempublicam Venetam, *Lugduni 1614. 8.* Sic etiam Seldeni ſententiam fouet GUILIELMVS WELWOD *de dominio Maris, dominiique iuribus, Hagæ 1623. 4.* Huic tamen, Burgo & Wel-

modo respondet THEODORVS GRAS-
WINKELIVS *in vindiciis maris libri*, Ha-
gæ 1653. 4. Venetorum iura in mari Adri-
atico alias defendit IOANNES PALATIUS
ad Leone Maritimo, seu de dominio Maris, Ve-
netiis 1663. 12. IOACHIMVS HAGEMEIE-
RVS *de Imperio maris* variorum congeffit
dissertationes: *Francofurti* 1663. 12. Alios
de iure maritimo explicauimus in bibliotheca
Iuris p. III.

§. XI.

De iuribus belli agit ADAMVS PI-
SETZCRY *in fasciculo dissertationum de indi-*
cione belliperfeciales, de bello, de induciis &
armistitiis, de victoria, pace & fœderibus,
Francofurti 1672. 12. Accuratiores tamen est
RICHARDI ZOUCHEI *iuris & iudicii fe-*
cialis, sive iuris inter gentes explicatio, Lugdu-
ni Batavorum 1651. 12. in qua præter iura bel-
li generalem quoque iuris gentium rationem
exponit. ALBERICVS GENTILIS libris
duobus *de armis Romanis, Hannouæ* 1612. 8.
eadem ab iniustitiæ culpa vindicare cona-
tur.

§. XII.

Vltimo loco dicendum erit de legatis
& legationum iuribus, in quantum sunt
considerationis iuris Gentium. Faciunt
huc *Selecta ex libris Polybii de legationibus,*
cum

cum notis Fulvii Ursini, Antwerpiæ 1582. 4. Secutus hunc fuit DAVID HOESCHELIUS, qui eclogas legationem diuersorum auctorum congeffit, Augustæ Vindelicorum 1602. 4. DE-XIPPI atque EUNAPII excerpta de legationibus extant græce & latine cum notis Henrici Valesii, Parisiis 1648. 4. Elegans est tractatus ALBERICI GENTILIS de legationibus, Londini 1585. 4. & quæ scripta sunt alia, de quibus partim capite superiore inter politicos aliqua diximus. Nec omit-tendus est RICHARDI ZOUCHEI de lega-ti delinquentis iudice competente libellus & quæ-sio vetus ac noua: an legatum, aduersus Prin-cipem vel rempublicam, ad quam missus est, de-linquentem, saluo iure gentium capere liceat, Argentorati ac Parisiis initio superioris se-culi edita & Colonia ad Spreum 1669. 4. re-cusa. Et taceam scriptores alios, quos su-pra iam dudum inter politicos memora-vimus.

CAPVT NONVM ET VLTIMVM

DE

SCRIPTORIBVS OECONO- MICIS, LEXICIS PHILOSOPHI- CIS ATQVE ALIIS MISCEL- LANEIS.

§. I. *Scriptores æconomici.* §. II. *Scriptores qui lexica Philosophica ediderunt,*
§. III. *Scriptores qui dissertationes philosophicas coniunctim ediderunt.* §. IV.
Scriptores miscellanei philosophici..

§. I.

PArtem olim philosophiæ faciebat disciplina oeconomica, idque ideo, quia ARISTOTELES eandem simul comprehenderat. Ex-
tat quidem eiusdem *oeconomi-
ca, si de rebus domesticis, græce, Franco-
furti 1587. 4. ex versione latina & cum ad-
notationibus Iacobi Ludouici, Parisiis 1644.
4. &*

4. & cum notis Leonardi Aretini, *Parisiis* 1529. f. In eandem quoque commentatus fuit IOACHIMVS CAMERARIVS, *Francofurti* 1583. 8. Ex eiusdem principiis *œconomiam* suam instruxit GVALTERVS DONALDSONVS & BARTHOLOMÆVS KECKERMANNVS, *Hanoviae* 1607. 8. Sed cum faniores bene perspicerent, *œconomiam* non tam regulis addisci, quam praxi, eandem in academiis non amplius tractarunt. Præferenda itaque est ANDREÆ GLORETZII *Haus- und Land- Bibliothec*, *Regenspurg* 1670. f. Item 1700. & præcipue WOLF HELMHARDT, Herrn von HOHBVRG, *Georgica, curiosa aucta, d. i. Bericht und Unterricht von Adelichen Land- und Feld- Leben, auf alle in Teutschland übliche Land- und Haus- Wirthschafften gerichtet*, *Nürnberg* 1687. f. licet eiusdem præscripta *œconomica* magis ad terras Austriacas adplicari possint, quam ad alias. Nuper etiam prodiit *Schlesisches Wirthschaffts-Buch*, *Wratislaviae* 1703. 8. & quod ad eiusdem imitationem promissum est *Sächsisches Wirthschaffts-Buch*.

§. II.

Alios habemus qui lexica Philosophica composuerunt. IOANNES HENRICVS ALSTEDIUS quidem *compendium*
Lexici

Lexici Philosophici edidit *Herbornæ* 1626. 8. NICOLAVS BURCHARDVS scripsit *re-
pertorium Philosophicum*, *Lipsiæ* 1610. 8. HEN-
RICVS VOLCKMARVS *dictionarium Phi-
losophicum*, *Gieſſæ* 1676. 8. PETRVS GO-
DARTIVS *lexicon & summam Philosophiæ Pa-
risiis* 1666. 8. Cæteris præferuntur IOAN-
NIS MICHAELII *lexicon Philosophicum Stet-
tini* 1663. 4. & RUDOLPHI GOELENII *le-
xicon Philosophicum Parisiis* 1633. 4. Sed isti
tantum ad barbaros philosophiæ terminos
explicandos faciunt. Maiorem fidem at-
que eruditionem reperimus in STEPHA-
NI CHAUUINI *Lexico Rationali*, seu *The-
sauro Philosophico*, ordine alphabetico digesto,
in quo vocabula omnia Philosophica, va-
riasque illorum acceptationes cum plac-
tis veterum atque recentiorum exponit, *Ro-
terodami* 1692. f.

§. III.

Disputationum philosophicarum in-
gens est numerus. ANDREAS MATTHIAS
AQVAVIVIVS libros IV. *disputationum il-
lustrum* cengessit, *Francofurti* 1609. 4. GUI-
LIELMI VRSINI extant *disputationum Phi-
losophicarum partes II.* *Francofurti* 1603. 8.
MICHAELIS WATSONII *disputationes phi-
losophicæ*, *Bremæ* 1658 12. ADRIANI HEE-
REBOODI *disputationes selectæ ex philosophia*,
Lugdu-

Struve, Burkhard Gotthelf,

Bibliotheca philosophica

Jena 1707

Ph.u. 480

urn:nbn:de:bvb:12-bsb10047078-3

VD18 14733390-001